

ngarogalbhem Moamtbogadb

ncaathgb










- 03111913 —









# 



САТИСЪ Санкт-Петербург 2000

#### По благословению Архиепископа Пермского и Соликамского Афанасия

На фронтисписе помещена прорись иконы "Молитва Ангелу Хранителю"

ISBN 5-7868-0008-3

© Издательство "Сатисъ", 2000 Оригинал-макет, оформление

## Содержание

Молитвы утренние 8
Молитвы в продолжении дня
Молитвы на сон грядущим 44
Часы пасхальные 70
Каноны совмещенные:
покаянный ко Господу нашему Иисусу
Христу, молебный ко Пресвятой
Богородице и Ангелу Хранителю 73
Последование
ко Святому Причащению
Благодарственные молитвы
по Святом Причащении
Молитвы о умерших
Псалтирь Пророка Давида
О чтении Псалтири по усопшим 501

#### Молитва Господня

Евангелие от Матфея, глава 6, стихи 9—13

Отче наш, Иже еси на небесе́х! Да святи́тся имя Твое, да прийдет Ца́рствие Твое, да будет воля Твоя, я́ко на небеси́ и на земли́. Хлеб наш насу́щный даждь нам днесь; и оста́ви нам долги наша, я́коже и мы оставла́ем должнико́м нашим; и не введи́ нас во искушение, но изба́ви нас от лука́ваго.

#### Молитва Иисусова

Го́споди Иису́се Христе́, Сы́не Бо́жий, поми́луй мя гре́шнаго.

#### Песнь Пресвятой Богородице

Богоро́дице Де́во, ра́дуйся, Благода́тная Мари́е, Госпо́дь с Тобо́ю; благослове́на Ты в жена́х и благослове́н плод чре́ва Твоего, яко Спа́са родила́ еси душ наших.

Перед началом всякого дела помолись мысленно:

Господи, благослови́! По окончании же: Сла́ва Тебе, Господи!

#### Молитва о даровании молитвы

Многомилостиве Господи! сподоби нас божественнаго дарования святой молитвы, изливающейся из глубины сердечной; собери расточенный наш vм. дабы всегда стремился он к Teбe. Создателю и Спасителю своему; сокруши разжженныя стрелы лукаваго, отревающие нас от Тебя; угаси пламень помыслов, сильнее огня пожирающий нас во время молитвы; осени нас благодатию Пресвятаго Твоего Духа, дабы до скончания нашей грешной жизни, Тебя Единаго любить всем сердцем, всею душею и мыслию и всею крепостию, а ближних как самих себя, и в час разлучения души нашей от бреннаго сего тела, о, Иисусе Сладчайший, приими в руце Твои дух наш, егда приидеши во Царствии Твоем. Аминь.

#### молитвы утренние

Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное звамение, произнеси:

Во и́мя Отца́, и Сы́на, и Свята́го Ду́ха. Ами́нь.

Ватем немного подожди, пока все чувства твои не придут в типину и мысли твои не оставят все земнюе, и тогда произвеси следующие молитвы, без поспешности и со вниманием сердечным:

#### Молитва мытаря

Евангелие от Луки, глава 18, стих 13

Боже, милостив буди мне грешному.

#### Молитва предначинательная

Го́споди Иису́се Христе́, Сы́не Во́жий, моли́тв ра́ди Пречи́стыя Твоея́ Ма́тере и всех святы́х, поми́луй нас. Аминь. Сла́ва Тебе́, Боже наш, слава Тебе.

### Молитва Святому Духу

Царю́ Небе́сный, Уте́шителю, Ду́ше и́стины, Иже везде́сый и вся исполня́яй, Сокро́вище благи́х и жизни Пода́телю, прииди́ и всели́ся в ны, и очи́сти ны от вся́кия скве́рны, и спаси́, Бла́же, ду́ши наша. \*

#### Трисвятое

Святый Боже, Святый Кре́пкий, Святый Безсме́ртный, помилуй нас.

Читается трижды, с крестным знамением и поясным поклоном.

Слава Отцу и Сыну и Святому

<sup>\*</sup> От Пасхи до Вознесения вместо этой молитых читается тропары: "Христое воскресе ва мертвых, смертию смерть поправ, и сущим во гробех живот даровав". (Трижды). От Вознесения до Троицы начинаем молитвы со "Святый Боже...", опуская все предшествующие. Это замечание относится и к молитвы на сон градущим.

Ду́ху, и ны́не и при́сно и во ве́ки веко́в. Ами́нь.

#### Молитва ко Пресвятой Троице

Пресвята́я Тро́ице, помилуй нас; Господи, очи́сти грехи́ наша; Влады́ко, прости́ беззакония наша; Святы́й, посети́ и исцели немощи наша, и́мене Твоего ради.

Господи, помилуй. *Трижды*. Слава, и ныне.\*

#### Молитва Господня

Отче наш, Иже еси на небесе́х! Да святится имя Твое́, да прийдет Царствие Твое, да будет воля Твоя, я́ко на небеси и на земли. Хлеб наш насущный даждь нам днесь; и остави нам доли наша, я́коже и мы оставля́ем должником нашим; \* когда написаю "Слава:", "И ныше:", надочитать полностью: "Слава Оти, и быть, и Святому Духу", "И ныне, и приспо, и во веки веков. Аминь."

и не введи нас во искушение, но избави нас от лукаваго.

#### Тропари Троичны

Воста́вше от сна, припа́даем Ти, Бла́же, и а́нгельскую песнь вопие́м Ти, Си́льне: Свят, Свят, Свят еси, Боже, Богоро́дицею помилуй нас.

Слава: От одра́ и сна воздви́гл мя еси, Господи, ум мой просвети и сердце, и устне́ мои отве́рзи, во е́же пе́ти Тя, Святая Троице: Свят, Свят, Свят еси, Боже, Богородицею помилуй нас.

И ныне: Внеза́пно Судия́ прии́дет, и коего́ждо дея́пия обнажа́тся, но страхом зове́м\* в полунощи: Свят, Свят, Свят еси, Боже, Богородицею помилуй нас.

#### Господи, помилуй. 12 раз

<sup>\*</sup> В церковнославянском языке нет звука «ё», а поэтому надо читать "зовем", а не "зовём", "твое", а не "твоё", "мое", а не "моё", и т.д.

#### Молитва ко Пресвятой Троице

От сна востав, благодарю Тя, Святая Троице, яко многия ради Твоея благости и долготерпения не прогневался еси на мя, лениваго и грешнаго, ниже погубил мя еси со беззаконьми моими: но человеколюбствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Царе́ви нашему Богу. Поклон

Приидите, поклонимся и припаде́м Христу, Цареви нашему Богу.

Поклон

Приидите, поклонимся и припадем Самому Христу, Цареви и Богу нашему. *Поклон* 

#### Псалом 50, покаянный

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победищи внегда судити Ти. Се бо, в беззакониих зачат есмь, и во гресе́х роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыещи мя, и паче снега убелюся. Слуху моему ласи радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от липа Твоего и Луха Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволищи. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволищи жертву правды, возношение и всесожегаемая; тогда возложат на олтарь Твой тельцы.

#### Символ веры

Верую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век: Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сше́дшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седя́ща одесну́ю Отца. И па́ки грядущаго со славою суди́ти живым и мертвым, Его́же Царствию не будет конца. И в Духа Свята́го, Господа, Животворящаго, Иже со Отцем и Сыном спокланя́ема и ссла́вима, глаго́лавшаго пророки. Во едину Святую, Собо́рную и Апо́стольскую Церковь. Исповедую едино крещение во оставление грехов. Ча́ю воскресения мертвых, и живни будущаго века. Аминь.

#### Молитва 1-я, святаго Макария Великаго

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго

Духа, ныне и присно и во веки веков. Аминь.

#### Молитва 2-я, того же святаго

От сна воста́в, полу́нощную песнь приношу Ти, Спа́се, и припа́дая вопию Ти: не даждь ми усну́ти во греховней смерти, но уще́дри мя, распны́йся волею, и лежащаго мя в лености ускори́в возста́ви, и спаси мя в предстоя́нии и молитве, и по сне нощне́м возсияй ми день безгрешен, Христе Боже, и спаси мя.

#### Молитва 3-я, того же святаго

К Тебе, Владыко Человеколю́бче, от сиа востав прибета́ю, и на дела Твоя подвиза́юся милосердием Твоим, и молюся Тебе: помоза́ ми на всякое время, во всякой вещи, и избави мя от всякия мирски́я злыя вещи и диа́вольскаго поспеше́ния, и спаси мя, и введи в Царство Твое вечное. Ты бо еси мой Сотворитель и всякому бла́гу Промы́сленник и Пода́тель, о Тебе же все упова́ние мое, и Тебе славу возсылаю, ныне и присно и во веки веков. Аминь.

#### Молитва 4-я, того же святаго

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время нощи сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

#### Молитва 5-я, св. Василия Великаго

Господи Вседержи́телю, Боже сил и всякия плоти, в вышних живы́й и на смиренныя призи-

раяй, сердца же и утробы испытуяй и сокровенная человеков яве предвелый. Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением. или неведением согрешенная нами; и очисти ны от всякия скверны плоти и духа. И даруй нам бо́дренным сердцем и тре́звенною мыслию всю настоящаго жития ношь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех прийдет, комуждо отдати по делом его; да не падше и обленияшеся, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещаяй и освящаяй всяческая, и Тя поет вся тварь во веки веков. Аминь.

#### Молитва 6-я, того же святаго

Тя благословим, вышний Воже и Господи милости, творящаго присно с нами великая же и неизсле́дованная, славная же и ужасная, и́хже несть числа, пода́вшаго нам сон во упокоение не́мощи на́шея, и ослабление трудов многотру́дныя плоти. Благодарим Тя, яко не погубил еси нас со безза-

коньми нашими, но человеколюбствовал еси обычно, и в нечаянии лежащия ны воздвигл еси, во еже славословити державу Твою. Темже модим безмерную Твою благость, просвети наша мысли, очеса. и ум наш от тяжкаго сна лености возстави; отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Лухом, ныне и присно, и во веки веков. Аминь

#### Молитва 7-я, ко Пресвятой Богородице

Воспева́ю благодать Твою, Влады́чице, молю Тя, ум мой облагодати́. Ступа́ти право мя настави,

путем Христовых заповедей. Бдети к песни укрепи, уныния сон отгоняющи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющих враг избавляющи мя. Жизнодателя Бога рождшая, умерщвлена мя страстьми оживи. Яже Свет невечерний рождшая, душу мою ослепшую просвети. О, дивная Владычня палато, дом Духа Божественна мене сотвори. Врача рождшая, уврачуй души моея многолетныя страсти. Волнующася житейскою бурею, ко стези мя покаяния направи. Избави мя огня вечнующаго, и червия же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моея скверну очищающи. Стенания от сердна приношу Ти непрестанно, усердствуй, Владычице. Молебную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею. и устне к похвалению, осквернены скверною, Всенепорочная, Душетленных мя пакостей избави, Христа прилежно умоляющи; Емуже честь и поклонение подобает, ныне и присно, и во веки веков, аминь.

#### Молитва 8-я, ко Господу нашему Иисусу Христу

Многомилостиве и Всемилостиве Боже мой, Господи Иисусе Христе, многия ради любве сшел и воплоти́лся еси, яко да спасе́ши всех. И паки, Спасе, спаси мя по благодати, молю Тя. Аще бо от дел спасещи мя, несть се благодать и дар, но долг паче. Ей, многий в шедротах и неизреченный в милости! Веруяй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянныя, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел отню́д оправдающих мя. Но та вера моя да довлеет вместо всех, та да отвещает, та да оправдит мя, та да покажет мя причастника славы Твоея вечныя. Да не убо похитит мя сатана, и

похвалится, Слове, еже отторгнути мя от Твоея руки и ограды; но или хошу, спаси мя, или не хошу, Христе Спасе мой, предвари скоро, скоро погибох: Ты бо еси Бог мой от чрева матере моея. Сподоби мя, Господи, ныне возлюбити Тя, якоже возлюбих иногда той самый грех: и паки поработати Тебе без ле́ности то́щно, якоже порабо́тах прежде сатане льстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно, и во веки веков, аминь,

#### Молитва 9-я, ко св. Ангелу Хранителю

Святый Ангеле, предстояй окая́нней моей души и стря́стней моей жизни, не остави мене грешнаго, ниже́ отступи от мене за невоздержа́ние мое. Не даждь места лукавому де́мону облада́ти мною, насильством смертнаго сего телесе; укрепи бедствующую и худую мою руку и настави мя на путь спасения. Ей. святый Ангеле Божий. хранителю и покровителю окаянныя моея души и тела, вся мне прости, еликими тя оскорбих во вся дни живота моего, и аще что согреших в прешедшую нощь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страсе Своем, и достойна покажет мя раба Своея благости. Аминь.

#### Молитва 10-я, ко Пресвятой Богородице

Пресвята́я Влады́чице моя Богоро́дице, святыми Твоими и всесильными мольба́ми отжени́ от мене смиреннаго и окаяннаго раба Твоего уныние, забвение, неразу́- мие, нерадение, и вся скверная, лукавая и хульная помышления от окаяннаго моего сердца и от помраченнаго ума моего; и погаси пламень страстей моих, яко нищесмь и окаянен. И избави мя от многих и лютых воспоминаний и предприятий, и от всех действ злых свободи мя. Яко благословена еси от всех родов, и славится пречестное имя Твое во веки веков. Аминь.

#### Молитвенное призывание святого, имя которого носишь

Моли Бога о мне, святый уго́дниче Божий (имя), я́ко аз усе́рдно к тебе прибега́ю, ско́рому помо́щнику и моли́твеннику о душе́ моей.

#### Песнь Пресвятой Богородице

Богоро́дице Де́во, ра́дуйся, Благода́тная Мари́е, Господь с Тобою;

благослове́на Ты в жена́х и благослове́н плод чре́ва Твоего, я́ко Спа́са родила́ еси́ душ на́ших.

#### Тропарь Креста и молитва за отечество

Спаси́, Господи, люди Твоя́, и благослови достоя́ние Твое, побе́ды на сопроти́вныя да́руя, и Твое сохраня́я Крестом Твоим жи́тельство.

#### Молитва о живых

Спаси́, Господи, и помилуй отца моего духо́внаго (имя), роди́телей моих (имена), сро́дников (имена), нача́льников, наста́вников, благоде́телей (имена их) и всех православных христиан.

#### Молитва о усопших

Упокой, Господи, ду́ши усо́пших раб Твоих: родителей моих, срод-

ников, благодетелей (имена их), и всех православных христиан, и прости им вся согрешения вольная и невольная, и даруй им Царствие Небесное.

#### Окончание молитв

Достойно есть яко войстинну блажити Тя Богородицу, присноблаженную и пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, су́щую Богороди-

цу Тя величаем.\*

<sup>\*</sup> От Пасхи до Вознесения вместо этой молитвы читается припев и ирмос 9-й песни пасхального канона:

<sup>&</sup>quot;Ангел вопияше Благодатней: Чистая Дево, радуйся! И паки реку: радуйся! Твой Сын воскресе тридневен от гроба и мертвыя воздвигнувый: людие, веселитеся!

Светися, светися, новый Иерусалиме, слава бо Господня на тебе возсия. Ликуй выне и веселися, Сионе. Ты же, Чистая, красуйся, Богородице, о востании Рождества Твоего.

Это замечание относится и к молитвам на сон грядущим.

#### Молитвы утренние

Слава, и ныне: Господи, помилуй. Трижды.

Господи Иисусе Христе, Сыне Вожий, молитв ради Пречистыя Твоей Матере, преподобных и богоносных отец наших и всех святых, помилуй нас. Аминь.

В пасхальную седмицу вместо утренних молитв читают пасхальные часы.





#### МОЛИТВЫ В ПРОДОЛЖЕНИИ ДНЯ

#### Молитва перед вкушением пищи

Отче наш, Йже еси на небесе́х! Да святится имя Твое, да прийдет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставля́ем должником нашим; и не введи нас во искуше́ние, но изба́ви нас от лука́ваго.

#### Или:

Очи всех на Тя, Господи, уповают, и Ты дае́ши им пищу во благовре́мении, отверзаеши Ты щедрую руку Твою и исполняещи всякое животно благоволения.

#### Молитва после вкушения пищи

Благодарим Тя, Христе́ Боже наш, яко насытил еси нас земных Твоих благ; не лиши нас и Небеснаго Твоего Царствия, но яко посреде́ учеников Твоих пришел еси, Спасе, мир даяй им, прииди к нам и спаси нас.

#### Молитва идущего в церковь

Возвесели́хся о ре́кших мне: в дом Господень по́йдем. Аз же множеством милости Твоея́, Господи, вни́ду в дом Твой, поклонюся ко храму святому Твоему в стра́се Твоем. Господи, настави мя правдою Твоею, враг моих ради исправи пред Тобою путь мой; да без преткнове́ния прославлю Едино Вожество, Отца и Сына и Святаго Духа, ныне и присно и во веки веков. Аминь.

### Призывание помощи Духа Святаго на всякое доброе дело

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

# Тропарь, глас 2-й

Творче и Создателю всяческих, Боже, деля́ рук наших, к славе Твоей начинаемая, Твоим благословением спешно исправи, и нас от всякаго зла избави, яко един всесилен и Человеколюбец.

# Кондак, глас 6-й

Скорый в заступление и крепкий в помощь, предстани благодатию силы Твоея ныне, и благословив

укрепи, и в совершение намерения блага́го дела рабов Твоих произведи: вся бо ели́ка хощеши, яко Сильный Бог, творити можеши.

### Благодарение за всякое благодеяние Божие

# Тропарь, глас 4-й

Благодарни суще недостойнии раби Твои, Господи, о Твоих великих благоденниих на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

## Кондак, глас 3-й

Твоих благодея́ний и даро́в ту́не, яко раби непотребнии, сподобльшеся, Владыко, к Тебе усердно притекающе, благодарение по силе приносим, и Тебе яко Влагоде́теля и Творца славяще, вопием: слава Тебе, Боже Всещедрый.

Слава, и ныне: Богородичен

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, Едина вскоре предстательствующая.

## Во время бедствия и при нападении врагов

### Псалом 90

Живый в помощи Вышняго, в кро́ве Бога Небеснаго водвори́тся, рече́т Го́сподеви: Заступник мой е́си и Прибе́жище мое, Бог мой, и уповаю на Него. Яко Той изба́вит тя от се́ти ло́вчи и от словесе́ мяте́жна: плещма́ Свои́ма осени́т тя,

и под криле Его надеешися: оружием обылет тя истина Его. Не убойшися от страха нощнаго, от стрелы летящия во дни, от вещи во тме преходящия, от сряща и бе́са полу́деннаго. Паде́т от страны́ твоея тысяща, и тма одесную тебе, к тебе же не приближится. Обаче очима твоима смотриши и воздаяние грешников узриши. Яко Ты, Господи, упование мое: Вышняго положил еси прибежище твое. Не прийдет к тебе зло, и рана не приближится телеси твоему: яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою: на аспида и василиска наступиши, и поперещи льва и змия. Яко на Мя упова, и избавлю и, покрыю и, яко позна имя Мое. Воззовет ко Мне, и услышу его: с ним есмь в скорби, изму́ его и прославлю его: долгото́ю дней исполню его и явлю ему спасение Moe.

# Молитва Кресту

Ла воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшелшаго и поправшаго силу диаволю, и дарова́вшаго нам тебе Крест Свой Честный на прогнание всякаго супостата. О. Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

# О путешествующих

# Тропарь, глас 2-й

Путь и истина сый, Христе, спутника Ангела Твоего рабом Твоим ныне, я́коже Тови́и иногда, посли́ сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, Едине Человеколюбче.

### Кондак, глас 2-й

Луце́ и Клео́пе во Еммау́с спутешествовавый, Спасе, сшествуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, можеши хотяй.

#### Молитва

Господи Иисусе Христе Боже наш, истинный и живый путю, состранствовати мнимому Твоему отцу Иосифу и Пречистей Ти Деве Матери во Египет изволивый, и Луце и Клеопе во Еммаус спутешествовавый! И ныне смиренно молим Тя, Владыко Пресвятый, и рабом Твоим сим Твоею благодатию спутьшествуй. И якоже рабу Твоему Товии, Ангела хранителя и наставника посли, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и паки цело и безмятежно возвращающа; и даждь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.

# О болящих

# Тропарь, глас 4-й

Скорый в заступлении един сый, Христе, скорое свыше покажи посещение страждущему рабу Твоему, и избави от недуг и горьких болезней; и воздвигни во еже пети Тя и славити непрестанно, молитвами Богородицы, Едине Человеколюбче.

# Кондак, глас 2-й

На одре болезни лежащаго и смертною раною уя́звленнаго, якоже иногда воздвигл еси, Спасе, Петрову те́щу и разслабленнаго на одре носимаго; сице и ныне, Милосерде, страждущаго посети и исцели: Ты бо един еси недуги и болезни рода нашего понесый и вся могий, яко Многомилостив.

#### Молитва

Владыко, Вседержителю, Святый Царю, наказуяй и не умерщвляяй, утверждаяй низпадающия и возводяй низверженныя, телесныя человеков скорби исправляяй, молимся Тебе, Боже наш, раба Твоего имя рек немощствующа посети милостию Твоею, прости ему всякое согрешение вольное и невольное. Ей, Господи, врачебную Твою силу с небесе низпосли, прикоснися телеси, угаси огневицу, укроти страсть и всякую немощь таящуюся, буди врач раба Твоего имя рек, воздвигни его от одра болезненнаго и от ложа озлобления це́ла и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

## Молитва от осквернения, святого Василия Великого

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со инеми всеми беззаконии моими, и яви мя нескверна, Владыко, за бла́гость Христа Твоего, и освяти мя нашествием Пресвятаго Твоего Духа: яко да возбну́в от мглы нечистых привидений диавольских, и всякия скверны,

#### Молитвы в продолжении дня

сподоблюся чистою совестию отверсти скверная моя и нечистая уста, и воспевати всесвятое имя Твое, Отца, и Сына, и Святаго Духа, ныне и присно, и во веки веков. Аминь.





# МОЛИТВЫ НА СОН ГРЯДУЩИМ

Во имя Отца, и Сына, и Святаго Духа. Аминь.

Господи Иисусе Христе, Сы́не Вожий, моли́тв ради Пречи́стыя Твоея Матере, преподо́бных и богоно́сных оте́ц наших и всех святы́х, помилуй нас. Аминь.

Слава Тебе, Боже наш, слава Тебе.

Царю́ Небе́сный, Уте́шителю, Ду́ше и́стины, Иже везде́ сый и вся исполня́яй, Сокро́вище благи́х и жизни Пода́телю, прииди́ и всели́ся в ны, и очи́сти ны от вся́кия скве́рны, и спаси, Бла́же, души наша.

Святый Боже, Святый Крепкий, Святый Безсмертный, помилуй нас. Трижды. Слава Отцу и Сыну и Святому Духу, и ныне и присно и во веки веков. Аминь.

Пресвятая Тро́ице, помилуй нас: Господи, очисти грехи наша; Владыко, прости беззакония наша; Святый, посети и исцели не́мощи наша, имене Твоего ра́ди.

Господи, помилуй. Трижды.

Слава, и ныне:

Отче наш, Иже еси на небесе́х! Да святится имя Твое, да прийдет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

# Тропари

Помилуй нас, Господи, помилуй нас: всякаго бо ответа недоумею-

ще, сию́ Ти молитву яко Влады́це грешнии прино́сим: помилуй нас.

Слава: Господи, помилуй нас, на Тя бо уповахом: не прогневайся на ны зело́, ниже́ помяни́ беззаконий наших, но призри и ныне яко благоутробен, и изба́ви ны от враг наших: Ты бо еси Бог наш, и мы лю́дие Твои, вси дела руку́ Твое́ю, и имя Твое призыва́ем.

И ныне: Милосе́рдия двери отве́рзи нам, благослове́нная Богородице, наде́ющиися на Тя да не погибнем, но да изба́вимся Тобою от бед: Ты бо еси спасение рода христианскаго.

Господи, помилуй. 12 раз

## Молитва 1-я, святаго Макария Великаго, к Богу Отцу

Боже вечный и Царю всякаго создания, сподобивый мя даже в час сей доспети, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиреннаго ми ложа, благоугожду пресвятому имени Твоему, во вся дни живота моего, и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков. Аминь.

### Молитва 2-я, святаго Антиоха, ко Господу нашему Иисусу Христу

Вседержи́телю, Слово Отчее, Сам совершен сый, Иисусе Христе, многаго ради милосердия Твоего

никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамоле змийне, и желанию сатанину не остави мене, яко семя тли во мне есть. Ты убо, Господи Боже покланяемый, Царю Святый, Иисусе Христе, спяща мя сохрани немерцающим светом, Духом Твоим Святым, Имже освятил еси Твоя ученики. Даждь, Господи, и мне, недостойному рабу Твоему, спасение Твое на ложи моем: просвети ум мой светом разума святаго Евангелия Твоего, душу любовию Креста Твоего, сердце чистотою словесе Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

# Молитва 3-я, ко Пресвятому Духу

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ве́домыя и неве́домыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укорих: или оклеветах кого гневом моим, или опечалих, или о чем прогневахся; или солгах, или безгодно спах, или ниш прийде ко мне, и презрех его: или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец: да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно, и во веки. Аминь.

# Молитва 4-я, святаго Макария Великаго

Что Ти принесу, или что Ти воздам, великодаровитый Безсмертный Царю, ще́дре и человеколюбче Господи, яко ленящася мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя. Милостив ми буди грешному и обнаженному всякаго дела блага. возстави падшую мою душу, осквернившуюся в безмерных согрешениих, и отыми от мене весь помысл лукавый видимаго сего жития. Прости моя согрешения, едине Безгрешне, яже Ти согреших в сей день, ведением, и неведением, словом, и делом, и помышлением, и всеми моими чувствы. Ты Сам, покрывая, сохрани мя от всякаго сопротивнаго обстояния Божественною Твоею властию, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда прийдеши во славе, и неосужденна ныне сном уснути сотвори. и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И посли ми Ангела мирна, хранителя и наставника души и телу моему, да избавит мя от враг моих; да востав со одра моего принесу Ти благодарственныя мольбы. Ей, Господи, услыши мя грешнаго и убогаго раба Твоего, изволением и совестию; даруй ми воставшу словесем Твоим поучитися, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и приими Сию молящуюся за ны: вем бо, яко подражает Твое человеколюбие, и молящися не престает. Тоя заступлением, и Честнаго Креста знамением, и всех святых Твоих ради, убогую душу мою соблюди. Иисусе Христе Боже наш. яко Свят еси, и препрославлен во веки. Аминь.

#### Молитва 5-я

Господи Боже наш, е́же согреших во дни сем словом, делом и помышлением, яко Благ и Человеколюбец прости ми. Ми́рен сон и безмяте́жен да́руй ми. Ангела Твоего хранителя посли́, покрывающа и соблюдающа мя от всякаго зла, яко Ты еси хранитель душа́м и телесе́м нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

# Молитва 6-я

Господи Боже наш, в Негоже веровахом, и Егоже имя паче всякаго имене призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме: устави стремление страстей, угаси разжжения востания телеснаго. Даждь нам целомудренне пожити делы и словесы: да добродетельное жительство восприемлюще, обетованных не отпадем благих Твоих, яко благословен еси во веки. Аминь.

### Молитва 7-я, святаго Иоанна Златоуста

24 молитвы, по числу часов дня и ночи

1 Господи, не лиши мене Небесных Твоих благ. 2 Господи, избави мя вечных мук. 3 Господи, умом ли или помышлением, словом или делом согреших, прости мя. 4 Господи, избави мя всякаго неве́дения и забвения, и малодушия и окамененнаго нечувствия. 5 Господи, избави мя от всякаго искущения. 6 Господи, просвети мое сердце, еже помрачи лукавое похотение. 7 Господи, аз яко человек согреших, Ты же яко Бог щедр помилуй мя, видя немощь души моея. 8 Господи, посли благодать Твою в помощь мне, да прославлю имя Твое святое. 9 Господи Иисусе Христе, напиши мя раба Твоего в книзе животней и даруй ми конец благий. 10 Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. 11 Господи, окропи в сердце моем росу благодати Твоея. 12 Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

1 Господи, в покаянии приими мя. 2 Господи, не остави мене. 3 Господи, не введи мене в напасть. 4 Господи, даждь ми мысль благу. 5 Господи, даждь ми слезы, и память смертную, и умиление. 6 Господи, даждь ми помысл исповедания грехов моих. 7 Господи, даждь ми смирение, целомудрие и послушание. 8 Господи, даждь ми терпение, великодушие и кротость. 9 Господи, всели в мя корень благих,

страхТвой в сердце мое. 10 Господи, сподоби мя любити Тяот всея души моея и помышления и творити во всем волю Твою. 11 Господи, покрый мя от человек некоторых, и бесов, и страстей, и от всякия иныя неподобныя вещи. 12 Господи, веси, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

# Молитва 8-я, ко Господу нашему Иисусу Христу

Господи Иисусе Христе, Сыне Божий, ра́ди честне́йшия Матере Твоея, и безпло́тных Твоих Ангел, Пророка же и Предтечи и Крестителя Твоего, богоглаго́ливых же Апостол, све́тлых и добропобе́дных мученик, преподо́бных и богоно́сных отец, и всех святых молитвами, избави мя настоящаго

обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обрашение окаянному и недостойному: изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое. Иже мене ради окаяннаго в тленную плоть оболкийся, исторгни мя от окаянства, и утешение подаждь души моей окаянней. Всади в сердце мое творити Твоя повеления, и оставити лукавая деяния, и получити блаженства Твоя: на Тя бо, Господи, уповах, спаси мя.

### Молитва 9-я, ко Пресвятой Богородице, Петра Студийского

К Тебе Пречистей Божией Матери аз окаянный припадая молю́ся: ве́си, Царице, яко безпреста́ни со-

грешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не уже ли Господь поразит мя, и по часе паки таяжде творю: ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем Госпоже Пречистая, откуду яже ненавижду, та и люблю, а благая преступаю. Не попущай, Пречистая, воли моей совершатися, не угодна бо есть: но да будет воля Сына Твоего и Бога моего, да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении

Сына Твоего, Емуже подоба́ет всякая слава, честь и держава, со Везнача́льным Его Отцем, и Пресвятым и Благи́м и Животворящим Его Духом, ны́не и присно, и во веки веков, ами́нь.

# Молитва 10-я, ко Пресвятой Богородице

Блага́го Царя благая Мати, Пречистая и Благословенная Богородице Марие, милость Сына Твоего и Бога нашего изле́й на стра́стную мою душу и Твоими молитвами настави мя на деяния блага́я, да прочее время живота моего без порока прейду́ и Тобою рай да обря́щу, Богородице Дево, едина Чистая и Благословенная.

## Молитва 11-я, ко святому Ангелу Хранителю

Ангеле Христо́в, хранителю мой святый и покрови́телю души и тела моего, вся ми прости́, елика согре-

ших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажещи благости и милости Всесвятыя Троицы и Матере Господа моего Иисуса Христа и всех святых. Аминь.

# Кондак Богородице

Взбра́нной Воево́де победи́тельная, яко изба́вльшеся от злых, благода́рственная воспису́ем Ти раби Твои, Богородице, но яко иму́щая державу непобедимую, от всяких нас бед свободи́, да зове́м Ти: радуйся, Неве́сто Неневе́стная.

Пресла́вная Присноде́во, Ма́ти Христа Бога, принеси нашу молитву Сыну Твоему и Богу нашему, да спасет Тобою души наша.

пасет 1000ю души наша. Все упова́ние мое на Тя возлагаю, Мати Божия, сохрани мя под кро́вом Твоим.

Богородице Дево, не презри мене грешнаго, требующа Твоея помощи и Твоего заступления, на Тя бо упова́ душа моя, и помилуй мя.

#### Молитва святаго Иоанникия

Упова́ние мое Отец, прибе́жище мое Сын, покро́в мой Дух Святый: Тро́ице Святая, слава Тебе.

Достойно есть яко войстинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне: Господи, помилуй. Трижды

Господи Иису́се Христе́, Сы́не

Божий, моли́тв ра́ди Пречистыя Твоея́ Ма́тере, преподо́бных и богоно́сных отец наших и всех святых, помилуй нас. Аминь.

# Молитва святаго Иоанна Дамаскина

Владыко Человеколюбче, неужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстойт. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святаго Ангела Хранителя моего. Вем убо, Господи, яко недостоин есмь человеколюбия Твоего, но лостоин есмь всякаго осуждения и муки. Но, Господи, или хощу, или не хощу, спаси мя. Аще бо праведника спасе́ши, ничто́же ве́лие; и аще чи́стаго поми́луещи, ничтоже ди́вно: достойни бо суть милости Твоея. Но на мне грешнем удиви милость Твою: о сем яви́ человеколюбие Твое, да не одоле́ет моя зло́ба Твоей неизглаго́ланней благости и милосердию: и якоже хо́щеши, устрой о мне вещь.

Просвети очи мои, Христе Боже, да не когда́ усну в смерть, да не когда́ рече́т враг мой: укрепи́хся на него.

Слава: Засту́пник души моея бу́ди, Боже, яко посреде́ хожду́ сетей многих; изба́ви мя от них и спаси мя, Бла́же, яко Человеколюбец.

И ныне: Преславную Божию Матерь, и святых Ангел Святейшую, немолчно воспоим сердцем и усты, Богородицу сию исповедающе, яко войстинну рождшую нам Бога во-

площе́нна, и моля́щуюся непрестанно о душа́х наших.

Знаменуй себя крестом и говори молитву Честному Кресту:

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволю, и дарова́вшаго нам тебе Крест Свой Честный на прогнание всякаго супостата. О, Пречестный и Животворя́ший Кре́сте Госпо́день! Помога́й ми со Святою Госпожею Девою Богородицею и со всеми святыми во веки. Аминь.

Или кратко:

Оградимя, Господи, силою Честнаго и Животворящаго Твоего Креста, и сохранимя от всякаго зла.

#### Молитва

Осла́би, оста́ви, прости́, Боже, прегреше́ния наша, во́льная и нево́льная, я́же в слове и в деле, яже в ве́дении и не в ведении, яже во дни́ и в нощи́, яже во уме и в помышлении: вся нам прости, яко Благ и Человеколюбен.

### Молитва

Ненави́дящих и оби́дящих нас прости, Господи Человеколюбче. Влаготвора́щим благосотвори́. Бра́тиям и сро́дником нашим да́руй яже ко спасению проше́ния и жизнь вечную. В не́мощех сущия посети и исцеление даруй. Яже в мо́ри упра́ви. Путеше́ствующим спутеше́ствуй. Служа́щим и ми́лу-

ющим нас грехов оставление даруй. Заповедавших нам недостойным молитися о них помилуй по велищей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

# Исповедание грехов повседневное

Исповедаю Тебе, Господу Богу моему и Творцу, во Святей Троице Единому, славимому и покланяемому Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и нощи, делом, словом, помышлением, объядением, пиянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостяжанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствы: зрением, слухом, обонянием, вкусом, осязанием и прочими моими грехи́, душевными вку́пе и телесными, и́миже Тебе Бога моего и Творца прогне́вах, и ближняго моего онепра́вдовах: о сих жале́я, ви́нна себе Тебе Богу моему представляю, и имею волю ка́ятися: то́чию, Господи Боже мой, помози ми, со слезами смиреню молю Тя: прешедшая же согрешения моя милосердием Твоим прости ми, и разреши от всех сих, я́же изглаго́лах пред Тобюю, яко Благ и Человеколюбец.

Когда отходишь ко сну, произнеси:

В ру́це Твои, Господи Иисусе Христе, Боже мой, предаю́ дух мой: Ты же мя благослови́, Ты мя помилуй и живот вечный да́руй ми. Аминь.

В пасхальную седмицу вместо вечерних молитв читают пасхальные часы, а вместо обычных дневных канонов — канон Пасхи.



## **ЧАСЫ ПАСХАЛЬНЫЕ\***

Христос воскресе из мертвых, смертию смерть поправ и сущим во гробе́х живот даровав. Трижды.

Воскресение Христово видевше, поклонимся Святому Господу Иисусу, Единому Безгрешному. Кресту Твоему покланяемся, Христе, и Святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся Святому Христову Воскресению; се бо прийде Крестом радость всему миру; всегда благословяще Господа, поем Воскресение Его, распятие бо претерпев, смертию смерть разрушй. Трижды.

Предварившия утро яже о Ма\* В Пасхальную седмицу вместо утренних и вечервих молитв читаются обычно пасхальные часы.

рии и обретшия камень отвален от гроба, слышаху от Ангела: во свете присносущием Сущаго с мертвыми что ищете, яко человека? Видите гробныя пелены: тецыте и миру проповедите, яко воста Господь, умертвивый смерть, яко есть Сын Бога, спасающаго род человеческий.

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христе Боже, женам мироносицам вещавый: радуйтеся! и Твоим апостолом мир даруяй, падшим подаяй воскресение.

Во гробе пло́тски, во аде же с душею, яко Бог, в раи́ же с разбойником, и на Престоле был еси, Христе, со Отцем и Духом, вся исполняяй, неописанный.

Слава: Яко Живоносец, яко рая́ красне́йший, воистинну и черто́га всякаго царскаго показа́ся светлейший, Христе, гроб Твой, источник нашего воскресения.

И ныне: Вышняго освященное Божественное селение, радуйся. Тобою бо дадеся радость, Богородице, зовущим: благословена Ты в женах еси, Всенепорочная Владычице.

Господи, помилуй. 40 раз.

Слава, и ныне: Честнейшую Херувим... Христос воскресе... Трижды.





## каноны:

покаянный ко Господу нашему Иисусу Христу, молебный ко Пресвятой Богородице и Ангелу Хранителю

### Песнь 1

Яко по су́ху пешеше́ствовав Изра́иль, по бе́здне стопа́ми, тони́теля фарао́на видя потопли́ема, Богу победную песнь пои́м, вопияше.

Господу Иисусу Христу Припев: Помилуй мя, Боже, помилуй мя.

Ныне приступих аз грешный и обремене́яный к Тебе, Влады́це и Вогу моему; не смею же взира́ти на небо, то́кмо молюся, глаго́ля: даждь ми, Господи, ум, да пла́чуся дел моих горько.

Помилуй мя, Боже, помилуй мя.

О, горе мне грешному! Паче всех человек окая́нен есмь, покаяния несть во мне: даждь ми, Господи, сле́зы, да плачуся дел моих горько.

Пресвятой Богородице

Припев: Пресвятая Богородице, спаси нас.

Многими содержим напастьми, к Тебе прибегаю, спасения иский: о, Мати Слова и Дево, от тяжких и лютых мя спаси.

Пресвятая Богородице, спаси нас.

Страстей мя смущают прилози, многаго уныния исполнити мою душу; умири, Отроковице, тишиною Сына и Бога Твоего, Всенепорочная.

## Ангелу Хранителю

Припев: Святый Ангеле Божий, хранителю мой, моли Бога о мне.

Еди́н аз в неразу́мии и в ле́ности ныне лежу́, наставниче мой и хранителю, не остави мене погибающа.

Слава: Ум мой твое́ю молитвою напра́ви, твори́ти ми Божия повеления, да получу от Бога отда́ние грехов, и ненави́дети ми злых настави мя, молюся ти.

И ныне: Моли́ся, Деви́це, о мне, рабе Твоем, ко Благода́телю, со хранителем моим Ангелом, и настави мя твори́ти за́поведи Сына Твоего и Творца моего.

### Песнь 3

Несть свят, я́коже Ты, Господи Боже мой, вознесый рог ве́рных Твоих, Бла́же, и утвердивый нас на ка́мени исповедания Твоего.

Помилуй мя, Боже, помилуй мя.

Внегда́ поста́влени будут престо́ли на суди́щи стра́шнем, тогда всех человек дела облича́тся; горе та́мо будет грешным, в му́ку отсыла́е-

мым: и то ве́дущи, душе моя, по-кайся от злых дел твоих.

Помилуй мя. Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Пресвятая Богородице, спаси нас.

Молю, Дево, душевное смущение и печали моея бурю разорити: Ты бо, Богоневестная, начальника тишины Христа родила еси, едина Пречистая.

Пресвятая Богородице, спаси нас.

Лютыми недуги и боле́зненными страстьми истяза́ему, Дево, Ты ми помози́: исцеле́ний бо неоску́дное Тя знаю сокровище, Пренепоро́чная, неиждива́емое.

Святый Ангеле Божий, хранителю мой, моли Бога о мне.

Все помышление мое и душу мою к тебе возложих, хранителю мой: ты от всякия мя напасти вражия избави.

Слава: Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.

И ныне: Исцели, Пречистая, моя многонедужныя струпы, яже в души, прожени враги, иже присно борются со мною.

## Седален, глас 6-й

Помышля́ю день страшный и пла́чуся деяний моих лукавых: ка́ко отвеща́ю Безсмертному Царю, или ко́им дерзновением воззрю́ на Судию́, блудный аз? Благоутро́бный Отче, Сы́не Единородный и Ду́ше Святы́й, помилуй мя.

Слава: Явися мне милосерд, свя-

тый Ангеле Господень, хранителю мой, и не отлучайся от мене сквернаго, но просвети мя светом неприкосновенным и сотвори мя достойна Царствия Небеснаго.

И пыне: Предстательство христиан непосты́дное, хода́тайство ко Творцу́ непрело́жное, не пре́зри грешных моле́ний гла́сы, но предвари́, яко Блага́я, на помощь нас, ве́рно зовущих Ти: ускори́ на молитву, и потщи́ся на умоле́ние, предста́тельствующи присно, Богородице, чтущих Тя.

### Песнь 4

Христос моя сила, Бог и Господь, честная Церковь боголе́пно пое́т, взыва́ющи от смысла чи́ста, о Господе пра́зднующи.

Помилуй мя, Боже, помилуй мя.

Широ́к путь зде и угодный сла́сти твори́ти, но горько будет в последний день, егда́ душа от тела

разлучатися будет: блюдися от сих, человече, Царствия ради Божия.

Помилуй мя, Боже, помилуй мя. Почто убогаго обидищи, мзду на-

емничу удержуеши, брата твоего не любиши, блуд и гордость гониши? Остави убо сия, душе моя, и покайся Царствия ради Божия.

Пресвятая Богородице, спаси нас.

На одре болезни моея и немощи низлежащу ми, яко Боголюбива, помози, Богородице, едина Приснодево.

Пресвятая Богородице, спаси нас.

Надежду и утверждение и спасения стену недвижиму имуще Тя. Всепетая, неудобства всякаго избавля́емся.

Святый Ангеле Божий, хранителю мой, моли Бога о мне.

Моли Человеколюбца Бога ты, хранителю мой, и не остави мене, но присно в мире житие мое соблюди и подаждь ми спасение необоримое.

Слава: Мою скверность твое́ю святы́нею очи́сти, хранителю мой, и от ча́сти шу́ия да отлуче́н буду молитвами твоими и прича́стник славы явлю́ся.

И ныне: Недоуме́ние предлежи́т ми от обыше́дших мя зол, Пречистая, но избави мя от них ско́ро: к Тебе бо еди́ней прибего́х.

#### Песнь 5

Бо́жиим светом Твоим, Бла́же, у́тренюющих Ти ду́ши любовию озари́, молюся, Тя ве́дети, Слове Божий, истиннаго Бога, от мрака греховнаго вывающа.

Помилуй мя, Боже, помилуй мя.

Воспомяни́, окаянный человече, ка́ко лжам, клевета́м, разбо́ю, не́мощем, лютым звере́м, грехов ради порабоще́н еси: душе моя грешная, того ли восхоте́ла еси? Помилуй мя, Боже, помилуй мя.

Трепе́щут ми у́ди, всеми бо сотвори́х вину́: очи́ма взира́яй, уши́ма слы́шай, язы́ком злая глаго́ляй, всего себе гее́нне предая́й: душе моя грешная, сего ли восхотела еси?

Пресвятая Богородице, спаси нас.

Исполни, Чистая, весе́лия сердце мое, Твою нетле́нную даю́щи радость, веселия рождшая вино́внаго.

Пресвятая Богородице, спаси нас.

Изба́ви нас от бед, Богородице чистая, вечное ро́ждши избавление, и мир, всяк ум преиму́щий.

Святый Ангеле Божий, хранителю мой, моли Бога о мне.

Яко име́я дерзнове́ние к Богу, хранителю мой святый, Сего́ умоли́ от оскорбля́ющих мя зол избавити.

Слава: Спяща мя зле тяготою

грехо́вною, яко бдя́ща сохрани, Ангеле Божий, и возста́ви мя на славословие молением твоим.

И ныне: Мари́е, Госпоже́ Богородице безневе́стная, наде́ждо ве́рных, вра́жия возноше́ния низложи́, пою́щия же Тя возвесели́.

### Песнь 6

Жите́йское море, воздвиза́емое зря напа́стей бурею, к тихому приставищу Твоему прите́к, вопи́ю Ти: возведи от тли живо́т мой, Многоми́лостиве.

Помилуй мя, Боже, помилуй мя.

Житие́ на земли блудно пожи́х и душу во тьму преда́х, ныне убо молю Тя, Милостивый Владыко: свободи́ мя от работы сея́ вра́жия и даждь ми разум твори́ти волю Твою.

Помилуй мя, Боже, помилуй мя.

Кто твори́т такова́я, я́коже аз? Якоже бо свиния́ лежи́т в калу́, тако и аз греху служу́. Но Ты, Господи, исторгни мя от гну́са сего и даждь ми сердце творити заповеди Твоя.

Пресвятая Богородице, спаси нас.

Смерти и тли яко спасл есть, Сам Ся изда́в смерти, тле́нием и смертию мое естество я́то бы́вшее, Дево, моли Господа и Сына Твоего, врагов злоде́йствия мя изба́вити.

Пресвятая Богородице, спаси нас.

На одре́ ныне немощству́яй лежу́, и несть исцеле́ния пло́ти моей: но, Бога и Спаса миру и Изба́вителя неду́гов рождшая, Тебе молюся, Благо́й: от тли неду́г возста́ви мя.

Святый Ангеле Божий, хранителю мой, моли Бога о мне.

Всяких мя напастей свободи, и от печалей спаси, молюся ти, святый Ангеле, данный ми от Бога, хранителю мой добрый.

Слава: Устави сердце мое от на-

стоя́щаго мяте́жа, и бде́ти укрепи́ мя во благи́х, хранителю мой, и настави мя чу́дно к тишине живо́тней.

И ныне: Слово Божие в Тя всели́ся, Богородице, человеком Тя показа́ небесную ле́ствицу: Тобою бо к нам Вышний соше́л есть.

### Кондак

Душе моя, почто грехами богатееши, почто волю диаволю твориши, в чесом надежду полагаеши? Престани от сих и обратися к Богу с плачем, зовущи: милосерде Господи, помилуй мя грешнаго.

### Икос

Помысли, душе моя, горький час смерти и страшный суд Творца твоего и Бога: Ангели бо грознии поймут тя, душе, и в вечный огнь введут: убо прежде смерти покайся, вопиющи: Господи, помилуй мя грешнаго.

## Кондак

Не и́мамы иныя помощи, не имамы иныя надежды, разве Тебе, Пречистая Дево. Ты нам помози́, на Тебе надеемся, и Тобою хвалимся: Твои бо есмы́ раби, да не постыдимся.

# Стихира

Не вве́ри мя челове́ческому предста́тельству, Пресвятая Владычице, но приими́ моле́ние раба Твоего: скорбь бо обдержи́т мя, терпе́ти не могу де́монскаго стреля́ния, покро́ва не и́мам, ниже́ где прибе́гну окая́нный, всегда побежда́емь, и утеше́ния не имам, разве Тебе, Владычице мира, упование и предстательство верных, не пре́зри моление мое, поле́зно сотвори́.

### Песнь 7

Росода́тельну убо пещь соде́ла Ангел преподобным отроко́м, халде́и же опала́ющее веле́ние Божие, мучителя увеща́ вопи́ти: благослове́н еси, Боже отец наших.

Помилуй мя, Боже, помилуй мя.

Не надейся, душе моя, на тленное богатство и на неправедное собрание, вся бо сия не веси кому оставиши, но возопий: помилуй мя, Христе Боже, недостойнаго.

Помилуй мя, Боже, помилуй мя.

Не уповай, душе моя, на телесное здра́вие и на скоромимоходя́щую красоту́, ви́диши бо, яко си́льнии и млади́и умирают, но возопий: помилуй мя, Христе Боже, недостойнаго.

Пресвятая Богородице, спаси нас.

Наше спасение я́коже восхоте́л еси, Спасе, устро́ити, во утро́бу Де́выя всели́лся еси, Юже миру предстательницу показал еси: оте́ц наших Боже, благословен еси. Пресвятая Богородице, спаси нас.

Телесныя слабости и душевныя неду́ги, Богороди́тельнице, любовию приступающих к кро́ву Твоему, Дево, исцели́ти сподоби, Спаса Христа нам рождшая.

Святый Ангеле Божий, хранителю мой, моли Бога о мне.

Милостив бу́ди ми и умоли Бога, Господень Ангеле, имею бо тя заступника во всем животе́ моем, наставника же и хранителя, от Бога дарова́ннаго ми во веки.

Слава: Всю посрамлену душу мою привожду от лукавых ми помысл и дел: но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипоста́сная Прему́дросте Вы́шняго, Богородицы ра́ди, верою вопиющих: отец наших Боже, благословен еси.

## Песнь 8

Из пла́мене преподобным ро́су источил еси и пра́веднаго жертву водою попалил еси: вся бо твори́ши, Христе, то́кмо е́же хоте́ти. Тя превозносим во вся ве́ки.

Помилуй мя, Боже, помилуй мя.

Ка́ко не и́мам пла́катися, егда помышла́ю смерть, ви́дех бо во гро́бе лежа́ща брата моего, безславна и безобра́зна? Что убо ча́ю, и на что надеюся? То́кмо даждь ми, Господи, прежде конца покаяние.

Помилуй мя, Боже, помилуй мя.

Ве́рую, яко прийдеши судити живых и мертвых, и вси во своем чи́ну ста́нут, ста́рии и млади́и, владыки и кня́зи, девы и священницы; где обря́щуся аз? Сего ради вопию: даждь ми, Господи, прежде конца покаяние.

Пресвятая Богородице, спаси нас.

Помощи яже от Тебе́ требующия не пре́зри, Дево, поющия и превозносящия Тя во веки.

Пресвятая Богородице, спаси нас.

Неможе́ние души моея исцеляеши и телесныя болезни, Дево, да Тя прославлю, Чистая, во веки.

Святый Ангеле Божий, хранителю мой, моли Бога о мне.

От Бога посланный, утверди живот мой, раба твоего, преблагий Ангеле, и не остави мене во веки.

Слава: Буди ми покров и забра́ло в день испытания всех человек, в о́ньже огне́м искуша́ются дела блага́я же и злая.

И ныне: Буди ми помощница и тишина, Богородице Присноде́во, рабу Твоему, и не остави мене лише́на бы́ти Твоего влады́чества.

## Песнь 9

Бога челове́ком невозможно ви́дети, на Него́же не сме́ют чи́ни Ангельстии взира́ти; Тобою же, Всечи́стая, яви́ся человеком Слово Воплоще́нно, Егоже велича́юще, с небесными во́и Тя ублажа́ем.

Помилуй мя, Боже, помилуй мя.

Ныне к вам прибегаю, Ангели, Архангели и вся небесныя силы, у Престола Божия стоящии, молитеся ко Творцу своему, да избавит душу мою от муки вечныя.

Помилуй мя, Боже, помилуй мя.

Ныне пла́чуся к вам, святи́и патриа́рси, ца́рие и проро́цы, апо́столи и святи́телие и вси избра́ннии Христо́вы: помози́те ми на суде, да спасет душу мою от силы вра́жия.

Пресвятая Богородице, спаси нас.

То́ка слез моих не отврати́ся, Яже от всякаго лица вся́ку слезу отъе́мшаго, Дево, Христа рождшая.

Пресвятая Богородице, спаси нас.

Приста́нище и предстательство к Тебе прибега́ющих бу́ди, Дево, и стена́ неруши́мая, прибежище же и покро́в и веселие.

Святый Ангеле Божий, хранителю мой, моли Бога о мне.

Мы́слити ми присно и твори́ти, Госпо́день Ангеле, блага́я и поле́зная да́руй, яко си́льна яви́ в не́мощи и непоро́чна.

Слава: Яко имея дерзновение к Царю Небесному, Того моли и с прочими безплотными, поми́ловати мя окая́ннаго.

И ныне: Много дерзновение имущи, Дево, к Воплощшемуся из Тебе, преложи мя от уз и разрешение ми подаждь и спасение, молитвами Твоими.

### Светилен

Иисусе, премудрости и смысла подателю, нищим кормителю, сирым заступниче, болящим врачу, исцели и просвети мое сердце, Иисусе, струпы греховными и страстей тлею покровенное, Иисусе, и спаси мя.

## Богородичен

Сиянием Дево из Тебе возсия́вшаго Света, ум мой озари, сердце просвети, тму греховную отгоняющи, и мглу лености моея потребляющи.

### молитвы

## Молитва ко Господу нашему Иисусу Христу

Влады́ко Христе Воже, Иже страстьми Своими стра́сти моя исцели́вый и я́звами Своими язвы моя уврачева́вый, да́руй мне, много Тебе прегреши́вшему, сле́зы умиления; сраствори́ моему телу от обона́ния Животворя́щаго Тела Твоего, и наслади́ душу мою Твоею Честно́ю Кро́вию от го́рести, е́юже мя сопроти́вник напои́; возвы́си мой ум к Тебе, до́лу пони́кший, и возведи от про́пасти поги́бели: яко

не имам покаяния, не имам умиления, не имам слезы утешительныя, возводящия чада ко своему наследию. Омрачихся умом в житейских страстех, не могу воззрети к Тебе в болезни, не могу согретися слезами, яже к Тебе любве. Но, Владыко Господи Иисусе Христе, сокровище благих, даруй мне покаяние всецелое и сердце люботрудное во взыскание Твое, даруй мне благодать Твою и обнови во мне зраки Твоего образа. Оставих Тя, не остави мене; изыди на взыскание мое, возведи к пажити Твоей и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере и всех святых Твоих. Аминь.

## Молитва ко Пресвятой Богородице

Царице моя преблагая, надеждо моя Богородице, приятелище сирых и странных предстательнице, скорбящих радосте, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам иныя помощи разве Тебе, ни иныя предстательницы, токмо Тебе, о Богомати, яко да сохраниши мя и покрыеши во веки веков. Аминь.

## Молитва иная ко Пресвятой Богородице

О, Пресвятая Дево Мати Господа, Царице Небесе и земли! Вонми многоболе́зненному воздыханию души нашея, при́зри с высоты святыя Твоея на нас. с верою и любовию покланяющихся пречистому образу Твоему. Се бо грехми погружаемии и скорбьми обуреваемии, взирая на Твой образ, яко живей Ти сущей с нами, приносим смиренныя моления наша. Не имамы бо ни иныя помощи, ни инаго предстательства, ни утешения, токмо Тебе, о, Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводити, подаждь христианскую кончину, и на Страшнем суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.

## Молитва ко Ангелу Хранителю

О Святый Ангеле, хранителю и покровителю мой благий! с сокрушенным сердцем и болезненною душею предстою ти, моляся; услыши мя грешнаго раба своего (имя рек), с воплем крепким и плачем горьким вопиющаго: не помяни моих беззаконий и неправд, имиже аз окаянный прогневляю тя по вся дни и часы, и мерзостна себе творю пред Создателем нашим Господем; явися мне милосерд и не отлучайся мене сквернаго даже до кончины моея: возбуди мя от сна греховнаго и пособствуй твоими молитвами прочее время живота моего без порока прейти и сотворити плоды достойны покаяния, паче же от смертных падений греховных соблюди мя, да не погибну во отчаянии, и да не порадуется враг о погибели моей. Вем воистинну и усты исповедую, яко никтоже таков друг и предстатель, защититель и поборник, якоже ты, святый Ангеле: предстоя бо престолу Господню, молишися о мне непотребнем и паче всех грешнейшем, да не изъимет Преблагий души моея в день нечаяния моего и в день творения злобы. Не престай убо умилостивляя премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствы, и имиже весть судьбами, да спасет мя; да накажет мя зде по Своей неизреченней милости, но да не обличит и не истяжет мя онамо по Своему нелицеприятному правосудию; да сподобит мя покаяние принести, с покаянием же Божественное причащение достойне прияти, о сем

паче молю и таковаго дара всеусердно желаю. В страшный же час смерти, неотступен буди ми, благий хранителю мой, прогоняя мрачныя демоны, имущия устрашити притрепетную душу мою; защити мя от тех ловления, егда имам преходити воздушная мытарства, да храним тобою, безбедно достигну рая ми вожделеннаго, идеже лицы святых и горних сил непрестанно восхваляют всечестное и великолепое имя в Троице славимаго Бога, Отца, и Сына, и Святаго Духа, Емуже подобает честь и поклонение, во веки веков. Аминь.





# ПОСЛЕДОВАНИЕ КО СВЯТОМУ ПРИЧАШЕНИЮ

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный: Трисвятое по Отче наш: Господи, помилуй. 12 раз. Слава, и ныне: Приидите, поклонимся: трижды. И псалмы:

### Псалом 22

Господь пасет мя, и ничтоже мя лишит. На месте зла́чне, та́мо всели́ мя, на воде́ поко́йне воспита́ мя. Душу мою обрати́, настави мя на стези́ правды, и́мене ради Своего. Аще бо и пойду́ посреде́ се́ни сме́ртныя, не убоюся зла, яко Ты со мною еси́: жезл Твой и па́лица

Твоя, та мя уте́шиста. Угото́вал еси предо мною трапе́зу сопроти́в стужа́ющим мне; ума́стил еси еле́ом главу́ мою, и ча́ша Твоя упоява́ющи мя, яко держа́вна. И милость Твоя пожене́т мя вся дни живота́ моего; и е́же всели́ти ми ся в дом Господень в долготу́ дний.

## Псалом 23

Госпо́дня земля, и исполне́ние ея, вселенная, и вси живущии на ней. Той на моря́х основа́л ю есть, и на река́х угото́вал ю есть. Кто взы́дет на го́ру Господню, или́ кто станет на месте святе́м Его? Непови́нен рука́ма, и чист сердцем, и́же не прия́т всу́е душу свою, и не кля́тся ле́стию и́скреннему своему. Сей прии́мет благословение от Господа, и ми́лостыню от Бога Спаса своего. Сей род ищущих Господа, ищущих лице́ Бога Иа́ковля. Воз-

мите врата князи ваша, и возмитеся врата вечная; и внидет Царь Славы. Кто есть сей Царь Славы? Господь кре́пок и си́лен, Господь силен в бра́ни. Возмите врата князи ваша, и возмитеся врата ве́чная; и внидет Царь Славы. Кто есть сей Царь Славы? Господь сил, Той есть Царь Славы.

### Псалом 115

Ве́ровах, те́мже возглаго́лах: аз же смири́хся зело́. Аз же рех во изступле́нии моем: всяк человек ложь. Что воздам Го́сподеви о всех, я́же воздаде́ ми? Чашу спасения прииму́, и имя Господен призову; молитвы моя Господеви воздам пред всеми людьми Его. Честна́ пред Господем смерть преподобных Его. О, Господи, аз раб Твой, аз раб Твой, и сын рабы́ни Твоей; растерзал еси у́зы моя. Тебе пожру́

жертву хвалы, и во имя Господне призову. Молитвы моя Господеви воздам пред всеми людьми Его, во дворех дому Господня, посреде́ тебе, Иерусали́ме.

Слава, и ныне: Аллилуиа трижды. И три поклона.

# Тропари, глас 8-й

Беззакония моя презри, Господи, от Девы рождейся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имеяй велию милость.

Слава: Во причастие святынь Твоих како дерзну недостойный? Аще бо дерзну к Тебе приступити с достойными, китон мя обличает, яко несть вечерний, и осуждение исходатайствую многогрешной души моей. Очисти, Господи, сквер-

ну души моея, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибего́х, Чистая, спасения требуя: посети немощству́ющую мою душу, и моли Сына Твоего и Бога нашего, дати ми оставление, яже соде́ях лютых, Едина благословенная.

Во Святую же Четыредесятницу:

Егда́ сла́внии ученицы́ на умовении ве́чери просвеща́хуся, тогда Иуда злочести́вый сребролюбием неду́говав омрача́шеся, и беззаконным судиям Тебе праведнаго Судию предает. Виждь, имений рачи́телю, сих ради удавле́ние употребивша: бежи́ несы́тыя души, Учителю таковая дерзнувшия. Иже о всех благий Господи, слава Тебе.

Псалом 50: Помилуй мя, Боже... (стр. 11).

# Канон ко Святому Причащению

### Песнь 1

Грядите лю́дие, поим песнь Христу Богу, раздельшему море, и наставльшему люди, яже изведе из работы египетския, яко просла́вися.

Припев: Сердце чисто созижди во мне, Боже, и дух прав обнови во утробе моей.

Хлеб живота́ ве́чнующаго да будет ми Тело Твое Святое, благоутро́бне Господи, и Честна́я Кровь, и неду́г многообра́зных испеление.

Припев: Не отвержи мене от лица Твоего, и Духа Твоего Святаго не отыми от мене.

Оскверне́н де́лы безме́стными окая́нный, Твоего Пречистаго Тела и Божественныя Кро́ве недостоин есмь, Христе, причащения, егоже мя сподоби.

Припев: Пресвятая Богородице, спаси нас. Богородичен: Земле́ блага́я, благословенная Богоневе́сто, клас прозя́бшая неора́нный и спасительный миру, сподоби мя сей яду́ща спастися.

#### Песнь 3

На ка́мени мя веры утверди́в, разшири́л еси уста моя на враги моя. Возвесели́ бо ся дух мой, внегда пе́ти: несть свят, якоже Вог наш, и несть пра́веден па́че Тебе, Господи.

Сердце чисто созижди во мне, Боже, и дух прав обнови во утробе моей.

Сле́зныя ми подаждь, Христе, капли, скверну сердца моего очищающия: яко да благо́ю совестию очище́н, верою прихожду и страхом, Владыко, ко причащению Божественных Даро́в Твоих.

He отвержи мене от лица Твоего, и Духа Твоего Святаго не отыми от мене.

Во оставление да будет ми прегрешений Пречистое Тело Твое, и

Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

Богородичен: Хлеба живо́тнаго трапе́за пресвятая, свыше милости ради сшедшаго, и мирови новый живот дающаго, и мене ныне сподоби недостойнаго, со страхом вкусити сего, и жи́ву быти.

#### Песнь 4

Прише́л еси от Девы, не хода́тай, ни Ангел, но Сам, Господи, воплощься, и спасл еси всего мя человека. Тем зову Ти: слава силе Твоей, Господи.

Сердце чисто созижди во мне, Боже, и дух прав обнови во утробе моей.

Восхоте́л еси, нас ради вопло́щься, Многомилостиве, закла́н быти яко овча́, грех ради человеческих: темже молю Тя, и моя очисти согрешения. Не отвержи мене от лица Твоего, и Духа Твоего Святаго не отыми от мене.

Исцели души моея язвы, Господи, и всего освяти: и сподоби, Владыко, яко да причащуся тайныя Твоея Божественныя вечери, окаянный.

Богородичен: Уми́лостиви и мне сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго би́сера, освящуся.

#### Песнь 5

Света Пода́телю и веко́в Творче, Господи, во свете Твоих повелений наста́ви нас: разве бо Тебе иного бога не знаем.

Сердце чисто созижди во мне, Боже, и дух прав обнови во утробе моей.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою. Не отвержи мене от лица Твоего, и Духа Твоего Святаго не отыми от мене.

Слове Божий и Боже, угль Тела Твоего да будет мне помраченному в просвещение, и очищение оскверненной души моей Кровь Твоя.

Богородичен: Мари́е, Мати Божия, благоухания честно́е селение, Твоими молитвами сосуд мя избра́нный соде́лай, яко да освящений причащу́ся Сына Твоего.

#### Песнь 6

В бездне греховней валяяся, неизследную милосердия Твоего призываю бездну: от тли. Боже. мя возвели.

Сердце чисто созижди во мне, Боже, и дух прав обнови во утробе моей.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Не отвержи мене от лица Твоего, и Духа Твоего Святаго не отыми от мене. Дабы́ устранился от страстей, и Твоея благодати имел бы приложение, живота же утверждение, причащением Святых, Христе, Таин Твоих.

Богородичен: Божие, Боже, Слово Святое, всего мя освяти, ныне приходящаго к Божественным Тво-им Тайнам, Святыя Матере Твоея мольбами.

# Кондак, глас 2-й

Хлеб, Христе, взяти не презри мя, Тело Твое, и Божественную Твою ныне Кровь, пречистых, Владыко, и страппных Твоих Таин причаститися окаяннаго: да не будет ми в суд, да будет же ми в живот вечный и безсмертный.

## Песнь 7

Те́лу злато́му премудрыя дети не послужи́ша, и в пламень сами поидо́ша, и боги их обруга́ша, среди пламене возопиша, и ороси́ я Ангел: услы́шася уже уст ваших молитва.

Сердце чисто созижди во мне, Боже, и дух прав обнови во утробе моей.

Источник благих, причащение, Христе, безсмертных Твоих ныне Таинств да будет ми свет, и живот, и безстрастие, и к преспе́янию же и умножению добродетели Божественнейшия хода́тайственно, едине Блаже, яко да славлю Тя.

Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, трепетом и любовию со благоговением, Человеколюбче, приступаяй ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец напих.

Богородичен: Спаса Христа рождшая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

#### Песнь 8

В пещь огненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Сердце чисто созижди во мне, Боже, и дух прав обнови во утробе моей.

Небесных, и страшных, и святых Твоих, Христе, ныне Таин, и Божественныя Твоея и тайныя вечери общника быти и мене сподоби отчаяннаго, Боже, Спасе мой.

Не отвержи мене от лица Твоего, и Духа Твоего Святаго не отыми от мене.

Под Твое прибе́г благоутробие, Блаже, со страхом зову Ти: во мне пребу́ди, Спасе, и аз, якоже рекл еси, в Тебе: се бо дерзая на милость Твою, ям Тело Твое, и пию Кровь Твою.

Пресвятая Троице, Боже наш, слава Тебе.

Троичен: Трепещу приемля огнь, да не опалюся яко воск и яко трава; о́ле страшнаго таинства! о́ле благоутробия Божия! Ка́ко Божественнаго Тела и Кро́ве брение причащаюся, и нетленен сотворя́юся?

#### Песнь 9

Безначальна Родителя Сын, Бог и Господь, воплощея от Девы нам явися, омраченная просветити, собрати расточе́нная: тем всепетую Богородицу велича́ем.

Сердце чисто созижди во мне, Боже, и дух прав обнови во утробе моей.

Христос есть, вкусите и видите: Господь нас ради, по нам бо дре́вле бы́вый, единою Себе принес, яко приношение Отцу Своему, присно закалается, освящаяй причащаюшияся. He отвержи мене от лица Твоего, и Духа Твоего Святаго не отыми от мене.

Душею и телом да освящу́ся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

Воздаждь ми радость спасения Твоего, и Духом Владычним утверди мя.

Якоже огнь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, покланя́тися Божеству Твоему.

Богородичен: Бог воплоти́ся от чистых крове́й Твоих; темже всякий род поет Тя, Владычице, умная же множества славят, яко Тобою я́ве узре́ша всеми Владычествующаго, осуществова́вшагося человечеством.

Достойно есть: Трисвятое по Отче наш: Тропарь дня, или праздника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас: всякаго бо ответа недоуме́юще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо упова́хом: не прогневайся на ны зело́, ниже́ помяни беззаконий наших, но при́зри и ныне яко благоутробен, и избави ны от враг наших: Ты бо еси Бог наш, и мы людие Твои, вси дела руку́ Твоею, и имя Твое призываем.

И ныне: Милосердия двери отверзи нам, благословенная Богородице, надеющиися на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. 40 раз. И поклоны, сколько хочешь.

И стихи:

Хотя́ я́сти, челове́че, Тело Владычне, Страхом приступи, да не опалишися: огнь бо есть.

Божественную же пия Кровь

ко общению, Пе́рвее примирися тя опечалившим, Та́же дерзая, та́инственное брашно яждь.

Иные стихи:

Прежде причастия страшныя жертвы, Животворящаго Тела Владычня, Сим помолися образом со трепетом:

## Молитва Василия Великаго, 1-я

Владыко Господи Иисусе Христе Боже наш, Источниче жизни и беземертия, всея твари видимыя и невидимыя Содетелю, безначальнаго Отца соприсносущный Сыне и собезначальный, премногия ради благости в последния дни в плоть оболкийся, и распныйся, и погребыйся за ны неблагодарныя и злонравныя, и Твоею Кровию обновивый растлевшее грехом естество наше; Сам, Безсмертный Царю, приими и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмь достоин воззрети на высоту славы Твоея: прогневах бо Твою благость, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконьми моими, моего всячески ожидая обращения. Ты бо рекл еси, Человеколюбче, пророком Твоим: яко хотением не хощу смерти грешника, но еже обратитися и живу быти ему. Не

хощеши бо, Владыко, создания Твоею руку погубити, ниже благоволиши о погибели человечестей, но хощеши всем спастися, и в разум истины приити. Темже и аз, аще и нелостоин есмь небесе и земли. и сея привременныя жизни, всего себе повинув греху, и сластем поработив. и Твой осквернив образ: но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду. Приими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возми мое тяжкое бремя грехов, грех вземляй мира, и немощи человеческия испеляяй. труждающияся и обремененныя к Себе призываяй и упокоеваяй, не пришедый призвати праведныя, но грешныя на покаяние. И очисти

мя от всякия скверны плоти и духа, и научи мя совершати святыню во страсе Твоем: яко да чистым сведением совести моея, святынь Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей, Господи Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащатися, но даждь ми, даже до конечнаго моего издыхания, неосужденно восприимати часть святынь Твоих, в Духа Святаго общение, в напутие живота вечнаго, и во благоприятен ответ на Страшнем судищи Твоем: яко да и аз со всеми избранными Твоими общник буду нетленных Твоих благ.

яже угото́вал еси любящим Тя, Господи: в ни́хже препросла́влен еси во веки. Аминь.

## Молитва святаго Иоанна Златоустаго, 2-я

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна, еже главу подклонити: но якоже с высоты нас ради смирил еси Себе, смирися и ныне смирению моему. И якоже восприял еси в верте́пе и в яслех безсловесных возлещи, сице восприими и в яслех безсловесныя моея души, и во оскверненное мое тело внити. И якоже не неудостоил еси внити, и свечеряти со грешники в дому Симона прокаженнаго, тако изволи внити и в дом смиренныя моея души.

прокаженныя и грешныя. И якоже не отринул еси подобную мне блудницу и грешную, пришедшую и прикоснувшуюся Тебе, сице умилосердися и о мне грешнем, приходящем и прикасающем Ти ся. И якоже не возгнушался еси скверных ея уст и нечистых, целующих Тя, ниже моих возгнушайся сквернших оныя уст и нечистших, ниже мерзких моих и нечистых устен, и сквернаго и нечистейшаго моего языка. Но да будет ми угль пресвятаго Твоего Тела, и честныя Твоея Крове, во освящение и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго диавольскаго действа, во отгнание и возбранение злаго моего и лукаваго обычая, во умерщвление страстей, в снабление заповедей Твоих, в 120

приложение Божественныя Твоея благодати, и Твоего Царствия присвоение. Не бо яко презираяй прихожду к Тебе, Христе Боже, но яко дерзая на неизреченную Твою благость, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори: и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и моленьми Пречистыя Твоея Матере, невещественных Твоих служителей и пречистых сил, и всех святых, от века Тебе благоугодивших. Аминь.

# Молитва Симеона Метафраста, 3-я

Едине чистый и нетленный Господи, за неизреченную милость человеколюбия наше все восприемый смещение, от чистых и девственных кровей паче естества рожлшия Тя. **Луха** Божественнаго нашествием, и благоволением Отца присносущнаго, Христе Иисусе, премудросте Божия, и мире, и сило, Твоим восприятием животворящая и спасительная страдания восприемый, крест, гвоздия, копие, смерть, умертви моя душетленныя страсти телесныя. Погребением Твоим адова пленивый царствия, погреби моя благими помыслы лукавая советования, и лукавствия духи разори. Тридневным Твоим и живоносным воскресением падшаго праотца возставивый, возстави мя грехом поползшагося, образы мне покаяния предлагая. Преславным Твоим вознесением плотское обоживый восприятие, и сие десным Отца седением почтый, сподоби мя причастием святых Твоих Таин десную часть спасаемых получити. Снитием Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки приити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

# Молитва святаго Иоанна Дамаскина, 4-я

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущаго живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и шедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

## Молитва св. Василия Великаго, 5-я

Вем, Господи, яко недостойне причащаюся пречистаго Твоего Тела и честныя Твоея Крове, и повинен есмь, и суд себе ям и пию, не разсуждая Тела и Крове Тебе Христа и Бога моего; но на щедроты Твоя дерзая прихожду к Тебе рекшему: ядый Мою плоть, и пияй Мою кровь, во Мне пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действа диавольскаго, мысление во удесех моих действуемаго, в дерзновение и любовь, я́же к Тебе: во исправление жития́

и утверждение, в возращение добродетели и совершенства; во исполнение заповедей, в Духа Святаго общение, в напутие живота вечнаго, во ответ благоприятен на Страшнем судищи Твоем: не в судили во осуждение.

# Молитва св. Симеона Новаго Богослова, 6-я

От скверных усте́н, от мерзкаго сердца, от нечистаго язы́ка, от дущи оскверне́ны, приими моление, Христе мой, и не пре́зри моих ни слове́с, ниже́ образо́в, ниже безсту́дия. Даждь ми дерзновенно глаголати, яже хощу, Христе мой, паче же и научи мя, что́ ми подобает творити и глаголати: согреших паче блудницы, яже уве́де где обитаеши, ми́ро купи́вши, прии́де де́рзостне пома́зати Твои но́зе, Бога моего, Владыки и Христа моего.

Якоже ону не отринул еси пришедшую от сердца, ниже мене возгнушайся, Слове: Твои же ми подаждь нозе, и держати и целовати, и струями слезными, яко многоценным миром, сия дерзостно помазати. Омый мя слезами моими, очисти мя ими, Слове. Остави и прегрешения моя, и прощение ми подаждь. Веси зол множество, веси и струпы моя, и язвы зриши моя: но и веру веси, и произволение зриши, и воздыхание слышиши. Не тайтся Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несоде́янная написана Тебе суть. Виждь смирение мое, виждь труд мой елик, и грехи вся остави ми, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пияй чистым сердцем; Ты бо рекл еси, Владыко мой: всяк ядый Мою Плоть, и пияй Мою Кровь, во Мне убо сей пребывает, в немже и Аз есмь. Истинно слово всяко Владыки и Бога моего: божественных бо причащаяйся и боготворящих благодатей, не убо есмь един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодавца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною, избавления моих прегрешений прошу прияти ми, и Твоих живодательных и непорочных Таинств причаститися неосужденно, да

пребудеши, якоже рекл еси, со мною треокаянным: да не кроме обрет мя Твоея благодати, прелестник восхитит мя льстивне, и прельстив отведет боготворящих Твоих словес. Сего ради к Тебе припадаю, и тепле вопию Ти: якоже блуднаго приял еси, и блудницу пришедшую, тако приими мя блуднаго и сквернаго, Щедре. Душею сокрушенною, ныне бо к Тебе приходя, вем, Спасе, яко иный, якоже аз, не прегреши Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение, и человеколюбие крайнее; но милостию сострастия тепле кающияся, и чистищи, и светлиши, и света твориши причастники, общники Божества Твоего соделоваяй независтно, и

странное и Ангелом, и человеческим мыслем, беседуеши им многажды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуяся вкупе и трепеща, огневи причащаюся трава сый, и странно чудо, орошаем неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, покланяюся и величаю, и славословлю Тя, Боже мой, яко благословенна суща, ныне же и во веки.

## Молитва св. Иоанна Златоустаго, 7-я

Боже, осла́би, оста́ви, прости ми согрешения моя, елика Ти согреших, аще словом, аще делом, аще

помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умных Твоих служителей и святых сил, и всех святых от века Тебе благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

# Его же, 8-я

Несмь доволен, Владыко Господи, да внйдеши под кров души моея; но понеже хо́щеши Ты, яко Человеколюбец, жити во мне, дерзая приступаю: повелеваеши, да отверзу двери, яже Ты един созда́л еси, и внидеши со человеколюбием якоже еси, внидеши и просвещаеши помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси: ниже мытаря отвергл еси покаявшася; ниже разбойника, познавша Царство Твое, отгнал еси: ниже гонителя покаявшася оставил еси, еже бе: но от покаяния Тебе пришедшия вся, в лице Твоих другов вчинил еси, Един сый благословенный всегда, ныне и в безконечныя веки. Аминь.

## Его же, 9-я

Господи Иисусе Христе Боже мой, ослаби, остави, очисти и прости ми грешному, и непотребному, и недостойному рабу Твоему, прегрешения, и согрешения, и грехопадения моя, елика Ти от юности

моея, даже до настоящаго дне и часа согреших: аще в разуме и в неразумии, аще в словесе́х или делех, или помышлениих и мыслех, и начинаниих, и всех моих чувствах. И молитвами безсеменно рождшия Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститися пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и нощных мечтаний, темных и лукавых духов; яко Твое есть царство, и сила, и слава, и честь,

и поклонение, со Отцем и Святым Твоим Духом, ныне и присно, и во веки веков. Аминь.

## Молитва св. Иоанна Дамаскина, 10-я

Пред дверьми храма Твоего предстою, и лютых помышлений не отступаю: но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего, и приими мя приходяща и прикасающася Тебе, яко блудницу, и кровоточивую: ова убо края ризы Твоея коснувшися, удобь исцеление прият: ова же пречистеи Твои нозе удержавши, разрешение грехов понесе. Аз же, окаянный, все Твое Тело дерзая восприяти, да не опален буду; но приими мя, якоже оныя, и просвети моя душевныя чувства,

попаляя моя греховныя вины, молитвами безсеменно Рождшия Тя, и Небесных сил: яко благословен еси во веки веков. Аминь.

#### Молитва св. Иоанна Златоустаго

Верую, Господи, и исповедую, яко Ты еси войстинну Христос. Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия самая есть честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже лелом, яже велением и невелением, и сподоби мя неосужденно причаститися пречистых Твоих Таинств, во оставление грехов, и в жизнь вечную. Аминь.

Приходя же причаститься, произноси мысленно эти стихи Метафраста:

Се приступаю к Божественному Причащению.

Соде́телю, да не опали́ши мя приобщением:

Огнь бо еси, недостойныя попаляяй. Но убо очисти мя от всякия скверны. Затем:

Ве́чери Твоея́ та́йныя днесь, Сыне Божий, прича́стника мя причимі: не бо врагом Твоим тайну пове́м, ни лобза́ния Ти дам, яко Иуда, но яко разбойник исповедаю Тя: помяни́ мя, Господи, во Царствии Твоем.

И стихи:

Боготворящую Кровь ужаснися, человече, аря:

Огнь бо есть, недостойныя попаляяй. Божественное Тело и обожает мя

и питает:

Обожает дух, ум же питает странно. Потом тропари:

Усладил мя еси любовию, Христе, и изменил мя еси Божествен-

ным Твоим рачением; но попали́ огнем невещественным грехи мол, и насытитися еже в Тебе наслаждения сподоби: да ликуя возвелича́ю, Блаже, два пришествия Твоя.

Во све́тлостех Святых Твоих како вни́ду недостойный? Аще бо дерзну́ совни́ти в черто́г, одежда мя обличает, яко несть бра́чна, и связан извержен буду от Ангелов. Очисти, Господи, скверну души моея, и спаси мя, яко Человеколюбец.

#### Также молитву:

Владыко Человеколюбче, Господи Иисусе Христе Боже мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и царствия. Мне же, еже прилеплятися Богу, благо есть, полагати во Господе упование спасения моего.

#### Последование ко Св. Причащению

И снова:

Ве́чери Твоея́ та́йныя днесь, Сы́не Божий, прича́стника мя приими́: не бо враго́м Твоим тайну пове́м, ни лоба́ания Ти дам, яко Иу́да, но яко разбойник испове́даю Тя: помяни́ мя, Господи, во Царствии Твоем.





# БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

Слава Тебе, Боже. Слава Тебе, Боже. Слава Тебе, Боже.

## Молитва 1-я

Благодарю Тя, Господи Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго причаститися пречистых Твоих и небесных даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благодеяние и освящение душ и телес наших, даждь быти сим и мне во исцеление души

же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоея благодати, и Твоего Царствия присвоение: да во святыни Твоей теми сохраняемь, Твою благодать поминаю всегда, и не ктому себе живу, но Тебе нашему Владыце и благодетелю: и тако сего жития изшед о надежди живота вечнаго, в присносущный достигну покой, идеже празднующих глас непрестанный, и безконечная сладость, зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

#### Молитва святаго Василия Великаго, 2-я

Владыко Христе Боже, Царю веков и Содетелю всех, благодарю Тя о всех, яже ми еси подал благих, и о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим и в сени крилу Твоею; и даруй ми чистою совестию, даже до последняго моего издыхания, достойно причащатися святынь Твоих, во оставление грехов, и в жизнь вечную. Ты бо еси хлеб животный, источник святыни. Податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

## Молитва Симеона Метафраста, 3-я

Да́вый пищу мне плоть Твою волею, огнь сый и опаляяй недо-

стойныя, да не опалиши мене, Содетелю мой: паче же пройди во уды моя, во вся составы, во утробу, в сердце. Попали терние всех моих прегрешений. Душу очисти, освяти помышления. Составы утверди с костьми вкупе. Чувств просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душетленнаго. Очисти, и омый, и украси мя, удобри, вразуми, и просвети мя. Покажи мя Твое селение единаго Духа, и не ктому селение греха. Да яко Твоего дому, входом причашения, яко огня мене бежит всяк злодей, всяка страсть. Молитвенники Тебе приношу вся святыя, чиноначалия же безплотных, Предтечу Твоего, премудрыя Апостолы, к сим же Твою нескверную чистую Матерь, ихже мольбы, Благоутробне, приими, Христе мой, и сыном света соделай Твоего служителя. Ты бо еси освящение и единый наших, Блаже, душ и светлость: и Тебе лепоподобно, яко Богу и Владыце, славу вси возсылаем на всяк день.

#### Молитва 4-я

Тело Твое святое, Господи Иисусе Христе Боже наш, да будет ми в живот вечный, и Кровь Твоя честная во оставление грехов: бу́ди же ми благодарение сие в радость, здравие и веселие; в страшное же и второе пришествие Твое сподоби мя грешнато стати одесную славы Твоея, молитвами Пречистыя Твоея Матере, и всех святых.

#### Молитва 5-я, ко Пресвятой Богородице

Пресвятая Владычице Богородице, свете помраченныя моея души, надеждо, покрове, прибежище, уте-

шение, радование мое, благодарю Тя, яко сподобила мя еси, недостойнаго, причастника быти пречистаго Тела и честныя Крове Сына Твоего. Но рождшая истинный Свет, просвети моя умныя очи сердца: Яже источник безсмертия рождшая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслех моих, и воззвание в пленениих помышлений моих; и сподоби мя, до последняго издыхания, неосужденно приимати пречистых Таин освящение, во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославленна еси во веки. Аминь.

Ныне отпуща́еши раба Твоего, Влады́ко, по глаго́лу Твоему с миром: яко ви́деста очи мои спасение Твое, е́же еси угото́вал пред лицем всех людей, свет во откровение язы́ков и славу людей Твоих Израиля.

Трисвятое по Отче наш:

### Тропарь святому Иоанну Златоустому, глас 8-й

Уст твоих, я́коже светлость огня, возсия́вши благодать, вселенную просвети; не сребролюбия ми́рови сокровища сниска́, высоту нам смиренномудрия показа́, но твоими словесы́ наказу́я, о́тче Иоа́нне Златоу́сте, моли Слова Христа Бога спасти́ся душа́м нашим.

#### Кондак, глас 6-й

Слава: От небес приял еси Божественную благодать, и твоими устнами вся учиши покланятися в

Троице Единому Богу, Иоанне Златоусте всеблаженне, преподобне, достойно хва́лим тя: еси́ бо наставник, яко божественная являя.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.

Если будет литургия святого Василия Великого, читай тропарь Василию Великому, глас 1-й:

Во всю землю изы́де веща́ние твое, яко прие́мшую слово твое, и́мже боголе́пно научил еси, естество сущих уясни́л еси, человеческие обы́чаи украси́л еси, царское свяще́ние, отче преподобне, моли Христа Бога, спастися душам нашим.

## Кондак, глас 4-й

Слава: Явился еси основание непоколебимое церкве, подая всем некра́домое господство человеком, запечатле́я твоими веле́ньми, небоявле́ние Васи́лие преподобне.

И ныне: Предстательство христиан...

Если будет литургия Преждеосвященных Даров, читай тропарь святому Григорию Двоеслову, глас 4-й:

Иже от Бога свыше Божественную благодать восприем, славне Григорие, и Того силою укрепляем, евангельски шествовати изволил еси, отонудуже у Христа возмездие трудов приял еси, всеблаженне: Егоже моли, да спасет души наша.

# Кондак, глас 3-й

Слава: Подобонача́льник показался еси Начальника па́стырем Христа, и́ноков чреды́, отче Григорие, ко огра́де небесней наставляя, и отту́ду научил еси стадо Христово за́поведем Его: ныне же с ними ра́дуешися, и лику́еши в небесных кро́вех.

И ныне: Предстательство христиан...

Господи, помилуй 12 раз. Слава, и ныне: Честнейшую Херувим...

После причащения да хранит себя каждый в чистоте, воздержании и немногословии, чтобы достойно сохранить в себе Христа принятого.





# МОЛИТВЫ О УМЕРШИХ

# Тропарь, глас 8-й

Глубиною мудрости человеколюбно вся стро́яй и полезная всем подаваяй, Едине Содетелю, упокой, Господи, душу раба Твоего (или: ду́шу рабы́ Твоея; омногихже: души раб Твоих), на Тя бо упование возложи (или о многих:возложи́ша), Творца и Зиждителя и Бога нашего.

Слава, и ныне: Тебе и Сте́ну и Пристанище имамы, и Молитвенницу благоприятну к Богу, Егоже родила́ еси, Богородице безневестная, верных спасение.

# Тропари, глас 5-й

Припев: Благословен еси, Господи, научи мя оправданием Твоим.

Святых лик обрете источник жизни и дверь райскую, да обрящу и аз путь покаянием, погибшее овча аз есмь, воззови мя, Спасе, и спаси мя.

Агнца Божия проповедавше, и заклани бывше якоже агнцы, и к жизни нестареемей, святии, и присносущней преставльшеся, Того прилежно, мученицы, молите долгов разрешение нам даровати.

В путь узкий хождшии прискорбный, вси в житии крест яко яре́м вземшии, и Мне последовавшии верою, приидите, насладитеся, ихже уготовах вам почестей и венцов небесных.

Образ есмь неизреченныя Твоея славы, аще и язвы ношу прегрешений: уще́дри Твое создание, Владыко, и очисти Твоим благоутробием, и вожделенное отечество подаждь ми, рай паки жителя мя сотворя́я.

Дре́вле убо от не сущих создавый мя, и образом Твоим Божественным почтый, преступлением же заповеди паки мя возвративый в землю, от неяже взят бых, на еже по подобию возведи, древнею добро́тою возобрази́тися.

Упокой, Боже, раба Твоего, и учини его в рай, идеже лицы святых, Господи, и праведницы сияют, яко светила: усопшаго раба Твоего упокой, презирая его вся согрешения.

Слава: Трисиятельное Единаго Божества, благочестно поем, вопиюще: Свят еси, Отче Безначальный, Собезначальный Сыне и Божественный Ду́ше. Просвети нас, верою Тебе служа́щих, и вечнаго огня исхити́.

И ныне: Радуйся, Чистая, Бога плотию рождшая во спасение всех, Еюже род человеческий обре́те спасение, Тобою да обрящем рай, Богородице Чистая Благословенная.

Аллилуиа, аллилуиа, аллилуиа, слава Тебе, Боже. *Трижды*.

## Седален, глас 5-й

Покой, Спасе наш, с праведными раба Твоего, и сего всели во дворы Твоя, якоже есть писано, презирая, яко Благ, прегрешения его, вольная и невольная, и вся яже в ведении и не в ведении, Человеколюбче.

Слава, и ныне: От Девы возсиявый миру, Христе Боже, сы́ны света То́ю показавый, помилуй нас.

#### Кондак, глас 8-й

Со святыми упокой, Христе, душу раба Твоего, идеже несть болезнь, ни печаль, ни воздыхание, но жизнь безконечная.

#### Икос

Сам Един еси Безсмертный, сотворивый и создавый человека, земнии убо от земли создахомся, и в землю туюжде пойдем, якоже повелел еси Создавый мя и рекий ми: яко земля еси и в землю отъидещи, аможе вси человецы пойдем, надгробное рыдание творяще песнь: аллилуиа, аллилуиа, аллилуиа.

# Тропари, глас 4-й

Со духи праведных скончавшихся душу раба Твоего, Спасе, упокой, сохраняя ю во блаженней жизни, яже у Тебе, Человеколюбче.

В покоищи Твоем, Господи, идеже вси святии Твои упокоева́ются, упокой и душу раба Твоего, яко един еси Человеколюбец.

Слава: Ты еси Бог, сошедый во ад и узы окова́нных разрешивый, Сам и душу раба Твоего упокой.

И ныне: Едина Чистая и Непорочная Дево, Бога без семене рождшая, моли спастися души его.

Во блаженном успении вечный покой подаждь, Господи, усопшему рабу Твоему *имя*, и сотвори ему вечную память.

#### Молитва


Боже духов, и всякия плоти, смерть поправый и диавола упразднивый, и живот миру Твоему даровавый, Сам, Господи, упокой душу усопшаго раба Твоего имя в месте светле, в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное им, делом или словом или помышлением. яко Благий Человеколюбец Бог прости: яко несть человек, иже жив будет, и не согрешит, Ты бо Един кроме греха, правда Твоя правда во веки, и слово Твое истина. Яко Ты еси воскресение, и живот, и покой усопшаго раба Твоего имя, Христе Боже наш, и Тебе славу возсылаем, со безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

## Молитва на исход души

Владыко Господи Вседержителю, Отче Господа нашего Иисуса Христа, Иже всем человеком хотяй спастися, и в разум истины приити; не хотяй смерти грешному, но обращения и живота; молимся, и ми́ли ся Ти де́ем: душу раба Твоего имя от всякия узы разреши, и от всякия клятвы свободи́, остави прегрешения ему, яже от юности, ве́домая и неве́домая, в деле и слове, и чи́сто испове́даная,

или забвением, или студом утаеная. Ты бо Един еси разрешаяй связанныя и исправляяй сокрушенныя, надежда нечаемым, могий оставляти грехи всякому человеку, на Тя упование имущему. Ей, Человеколюбивый Господи, повели, да отпустится от уз плотских и греховных, и приими в мире душу раба Твоего сего имя, и покой ю в вечных обителех со святыми Твоими, благодатию Единороднаго Сына Твоего, Господа Бога и Спаса нашего Иисуса Христа: с Нимже благословен еси, с Пресвятым и Благим и Животворящим Твоим Духом, ныне и присно, и во веки веков. Аминь.







# псалтирь пророка давида



#### Молитвы перед началом чтения Псалтири

Разумно да будет, како подобает особь пети Псалтирь.

Моли́твами святы́х оте́ц наших, Го́споди Иису́се Христе́ Бо́же наш, поми́луй нас. Ами́нь.

Царю́ Небе́сный, Уте́шителю, Ду́ше и́стины, Иже везде́ сый и вся исполня́яй, Сокро́вище благи́х и жи́зни Пода́телю, прииди́ и всели́св в ны, и очи́сти ны от вся́кия скве́рны, и спаси́, Бла́же, ду́ши на́ша.

Святый Боже, Святый Крепкий, Святый Безсмертный, помилуй нас. Читается трижды, с крестным знамением и поясным поклоном.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очи́сти грехи́ на́ша; Влады́ко, прости́ беззако́ния на́ша; Свять́й, посети́ и исцели́ не́мощи на́ша, и́мене Твоего́ ра́ди.

Господи, помилуй. Трижды.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Отче наш, Йже еси на небесе́х! Да святи́тся имя Твое, да прийдет Ца́рствие Твое, да будет воля Твоя, я́ко на небеси́ и на земли́. Хлеб наш насущный даждь нам днесь; и оста́ви нам до́лги наша, я́коже и мы оставля́ем должником нашим; и не введи́ нас во искушение, но изба́ви нас от лука́ваго.

И тропари сия, глас 6-й:

Помилуй нас, Господи, помилуй

нас, вся́каго бо отве́та недоуме́юще, сию́ Ти моли́тву я́ко Влады́це гре́шнии прино́сим: поми́луй нас.

Слава: Честно́е проро́ка Твоего́, Го́споди, торжество́, Небо Це́рковь показа́, с челове́ки лику́ют Ангели. Того́ моли́твами, Христе́ Бо́же, в ми́ре упра́ви живо́т наш, да пое́м Ти: Аллилу́иа.

И ныне: Мно́гая мно́жества моих, Богоро́дице, прегреше́ний, к Тебе прибего́х, Чистая, спасе́ния тре́буя: посети́ немощству́ющую мою ду́шу и моли́ Сына Твоего и Бога нашего дати ми оставление, я́же соде́ях лю́тых, Едина Благословенная.

Господи, помилуй. 40 раз. И поклонися, елико ти мощно.

Таже молитва Святей Живоначальней Троице:

Всесвята́я Тро́ице, Бо́же и Соде́телю всего мира, поспеши́ и напра́-

ви сердце мое начати с разумом и кончати делы благими богодухновенныя сия книги, яже Святый Дух усты Давидовы отрыгну, ихже ныне хощу глаголати аз, недостойный. Разумея же свое невежество, припа́дая молю́ся Ти, и е́же от Тебе помощи прося: Господи, управи ум мой и утверди сердце мое, не о глаголании устен стужати си, но о разуме глаголемых веселитися, и пригото́витися на творе́ние до́брых дел, яже учуся, и глаголю: да добрыми делы просвещен, на судищи десныя Ти страны причастник буду со всеми избранными Твоими. И ныне, Владыко, благослови, да воздохну́в от сердца, и язы́ком воспою, глаголя сице:

Прииди́те, поклони́мся Царе́ви нашему Богу.

Прииди́те, поклони́мся и припаде́м Христу, Царе́ви нашему Богу.

#### Псалтирь пророка Давида

Приидите, поклонимся и припадем Самому́ Христу́, Царе́ви и Богу нашему.

Таже постой мало, дондеже утишатся вся чувства. Тогда сотвори начало не вскоре, без лености, со умилением и сокрушеным сердцем. Рцы сие: Блажен муж... тико и разумно, со вниманием, а не борзяся, якоже и умом разумевати глаголемая.





#### КАФИСМА 1

#### Псалом Давиду, не надписан у еврей, 1

Блаже́н муж, и́же не и́де на сове́т нечестивых, и на пути грешных не ста, и на седалищи губителей не се́де, 2 но в законе Госпо́дни во́ля его, и в законе Его поучится день и ношь, <sup>3</sup> И будет яко древо, насажденое при исходищих вод, еже плод свой даст во время свое, и лист его не отпадет, и вся, елика аще творит, успеет. 4 He тако нечестивии, не тако, но яко прах. егоже возметает ветр от лица земли́. 5 Сего́ ра́ди не воскре́снут нечестивии на суд, ниже грешницы в совет праведных. 6 Яко весть Господь путь праведных, и путь нечестивых погибнет.

# Псалом Давиду, 2

Вскую шаташася языцы, и людие поучищася тщетным? <sup>2</sup> Предстаща парие земстии, и князи собрашася вкупе на Господа и на Христа́ Его. <sup>3</sup> Расторгнем узы их и отвержем от нас иго их. 4 Живый на Небесех посмеется им, и Господь поругается им. 5 Тогда возглаголет к ним гневом Своим и яростию Своею смятет я́. 6 Аз же поставлен есмь Царь от Него над Сионом, горою святою Его, 7 возвешаяй повеление Господне. Господь рече ко Мне: Сын Мой еси Ты, Аз днесь родих Тя. 8 Проси от Мене, и дам Ти языки достояние Твое, и одержание Твое концы земли. 9 Упасещи я жезлом железным, яко сосуды скудельничи сокрушиши я́.10 И ныне, царие, разумейте, накажитеся вси судящии земли. 11 Работайте Господеви со страхом и ра́дуйтеся Ему с тре́петом. 12 Приими́те наказа́ние, да не когда́ прогневается Господь и поги́бнете от пути́ пра́веднаго, егда́ возгорится вско́ре ярость Его. Блаже́ни вси наде́ющиися Нань.

## Псалом Давиду, внегда отбегаще от лица Авессалома, сына своего, 3

<sup>2</sup> Го́споди, что ся умно́жиша стужа́ющии ми? Мно́зи востаю́т на мя, <sup>3</sup> мно́зи глаго́лют души́ моей: несть спасения ему в Бо́зе его. <sup>4</sup> Ты же, Го́споди, Заступник мой еси́, слава моя и вознося́й главу мою. <sup>5</sup> Гла́сом моим ко Господу воззва́х, и услы́ша мя от горы́ святы́я Своея́. <sup>6</sup> Аз усну́х, и спах, воста́х, я́ко Госпо́дь засту́пит мя. <sup>7</sup> Не убою́ся от тем людей, о́крест напа́дающих на мя. <sup>8</sup> Воскресни́, Го́споди, спаси́ мя, Бо́же мой, я́ко Ты порази́я еси

вся враждующыя ми всу́е: зубы грешников сокруши́л еси́. <sup>9</sup> Госпо́дне есть спасе́ние, и на лю́дех Твоих благослове́ние Твое.

#### Слава:\*

#### В конец, в песнех, псалом Давиду, 4

<sup>2</sup> Внегда́ призва́ти ми, услы́ша мя Бог пра́вды моея́, в ско́рби распространи́л мя еси́, уще́дри мя и услы́ши моли́тву мою. <sup>3</sup> Сы́нове челове́честии, доколе тяжкосе́рдии? Вску́ю лю́бите суету́ и ищете лжи? <sup>4</sup> И уве́дите, я́ко удиви́ Госпо́дь преподо́бнаго Своего: Господь услышит мя, внегда́ воззва́ти ми к <sup>8</sup> Когда напиеано в Пеалтири "Слава", читается: "Слава Отцу и Сану и Святому Духу, и выне и прясно и во веки веков. Аминь. Алиллуна, аллилуна, аллилуна, слава Тебе Боже (приходы). Господи помантуй (прижоды). Слава Отцу и Сыпу и Святому Духу, и ныне и присно и во веки веков.

Нему. <sup>6</sup> Гне́вайтеся, и не согреша́йте, я́же глаго́лете в сердца́х ваших, на ло́жах ваших умили́теся. <sup>6</sup> Пожри́те же́ртву правды и уповайте на Господа. <sup>7</sup> Мно́зи глаго́лют: кто яви́т нам блага́я? Зна́менася на нас свет лица Твоего, Го́споди. <sup>8</sup> Дал еси весе́лие в сердце моем: от плода пшеницы, вина и еле́а своего умно́жишася. <sup>9</sup> В мире вку́пе усну и почи́ю, я́ко Ты, Го́споди, еди́наго на упова́ние всели́л мя еси.

#### О наследствующем, псалом Давиду, 5

<sup>2</sup> Глаго́лы моя внуши́, Господи, разуме́й зва́ние мое. <sup>3</sup> Вонми́ гла́су моления моего, Царю́ мой и Боже мой, я́ко к Тебе помолюся, Господи. <sup>4</sup> Зау́тра услы́ши глас мой, зау́тра предста́ну Ти, и у́зриши мя. <sup>5</sup> Яко Бог не хотя́й беззако́ния, Ты еси: не присели́тся к Тебе лука́в-

нуяй, 6 ниже пребудут беззаконницы пред очима Твоима: возненавидел еси вся делающыя беззаконие. 7 Погубиши вся глаголющыя лжу: мужа кровей и льстива гнушается Господь. <sup>8</sup> Аз же множеством милости Твоея, вниду в дом Твой, поклонюєя ко храму святому Твоему, в страсе Твоем. 9 Господи, настави мя правдою Твоею, враг моих ради исправи пред Тобою путь мой. 10 Яко несть во устех их истины, сердце их суетно, гроб отверст гортань их: языки своими льщаху. 11 Суди им, Боже, да отпадут от мыслей своих, по множеству нечестия их изрини я, яко преогорчища Тя, Господи. 12 И да возвеселя́тся вси уповающие на Тя, во век возрадуются, и вселишися в них, и похвалятся о Тебе любящии имя Твое. <sup>13</sup> Яко Ты благословиши праведника, Господи: я́ко оружием благоволе́ния венча́л еси нас.

# В конец, в песнех о осмом, псалом Давиду, 6

<sup>2</sup> Господи, да не я́ростию Твое́ю обличищи мене, ниже гневом Твоим накажеши мене́. 3 Помилуй мя, Господи, яко немощен есмь, исцели мя, Господи, яко смятошася кости моя. 4 И душа моя смятеся зело́: и Ты, Господи, доко́ле? 5 Обратися. Господи, избави душу мою: спаси мя ради милости Твоея. 6 Яко несть в смерти поминаяй Тебе: во аде же кто исповестся Тебе? <sup>7</sup> Утрудихся воздыханием моим, измыю на всяку нощь ложе мое, слезами моими постелю мою омочу. 8 Смятеся от ярости око мое, обетшах во всех вразех моих. 9 Отступите от мене, вси делающии беззаконие, яко услыша Господь глас плача моего́: 10 услы́ша Господь моле́ние мое, Господь молитву мою прия́т. 11 Да постыдя́тся и смяту́тся вси врази́ мои, да возвратя́тся и устыдя́тся зело́ вско́ре.

#### Слава:

Псалом Давиду, егоже воспет Господеви о словесех Хусиевых, сына Иемениина, 7

<sup>2</sup> Го́споди Боже мой, на Тя уповах, спаси мя от всех гоня́щих мя и избави мя: <sup>3</sup> да не когда́ похи́тит йко лев ду́шу мою, не су́щу избавля́ющу, ниже́ спаса́ющу. <sup>4</sup> Го́споди Боже мой, а́ще сотвори́х сие́, а́ще есть неправда в руку́ моею, <sup>5</sup> аще возда́х воздающым ми зла, да отпаду́ у́бо от враг моих тощ. <sup>6</sup> Да пожене́т у́бо враг ду́шу мою и да пости́гнет, и попере́т в зе́млю живо́т мой, и славу мою в пе́рсть

вселит. 7 Воскресни, Господи, гневом Твоим, вознесися в концах враг Твоих, и востани, Господи Боже мой, повелением, имже запове́дал еси. 8 И сонм людей обы́дет Тя, и о том на высоту обратися. 9 Господь судит людем: суди ми. Господи, по правде моей, и по незлобе моей на мя. 10 Да скончается злоба грешных, и исправиши праведнаго, испытаяй сердца и утробы, Боже, праведно. 11 Помощь моя от Бога, спасающаго правыя сердцем. 12 Бог Судитель праведен и крепок, и долготерпелив, и не гнев наводя́й на всяк день. 13 Аще не обратитеся, оружие Свое очистит, лук Свой напряже и уготова и, 14 и в нем уготова сосуды смертныя, стрелы Своя сгараемым содела. 15 Се боле неправдою, зачат болезнь, и роди беззаконие: 16 ров изры, и ископа и, и падет в яму, ю́же соде́ла. <sup>17</sup> Обрати́тся болезнь его на главу его, и на верх его неправда его сни́дет. <sup>18</sup> Испове́мся Го́сподеви по правде Его и пою имени Господа Вы́шняго.

#### В конец, о точилех, псалом Давиду, 8

<sup>2</sup> Господи, Господь наш, яко чудно имя Твое по всей земли, яко взятся великолепие Твое превыше небес. <sup>3</sup> Из уст младенец и ссущих совершил еси хвалу, враг Твоих ради, еже разрушити врага и местника. 4 Яко узрю небеса, дела перст Твоих, луну и звезды, яже Ты основал еси. 5 Что есть человек, яко помниши его? Или сын человечь, яко посещаещи его? 6 Умалил еси его малым чим от ангел, славою и честию венчал еси его. <sup>7</sup> И поставил еси его над делы руку Твоею, вся покорил еси под нозе его. <sup>8</sup> Овцы и волы́ вся, еще же и скоты́ польски́я, <sup>9</sup> птицы небесныя, и рыбы морски́я, прехода́щыя стези́ морски́я. <sup>10</sup> Господи, Господь наш, я́ко чу́дно имя Твое по всей земли́.

#### Слава:

#### Молитвы по 1-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

И тропари сия, глас 1-й:

В беззако́ниих зача́вся аз, блу́дный, не дерза́ю взира́ти на высо́ту Небесную, но, дерза́я на человеколю́бие Твое, зову: Боже, очи́сти мя, грешнаго, и спаси мя.

Аще праведник едва́ спасается, аз где явлюся, грешный? Тяготы́ и зноя дневна́го не понесо́х, но с наемники единонадесятаго часа сопричти мя, Боже, и спаси мя.

Слава: Объя́тия Отча отве́рсти ми потщи́ся, блу́дно мое ижди́х житиє́, на богатство неиждива́емое взира́яй щедро́т Твоих, Спа́се, ныне обнища́вшее мое да не пре́зриши сердце. Тебе бо, Господи, умиле́нием зову: согреши́х на Небо и пред Тобою.

И ныне: Упование христиан, Пресвятая Дево, Егоже родила́ еси Бога па́че ума же и сло́ва, непреста́нно моли с горними силами да́ти оставление грехов нам всем и исправление жития́, верою и любовию при́сно Тя чту́щим.

Господи, помилуй (40 раз) и молитва:

Владыко Вседержи́телю, Непостижи́ме, начало света и преу́мная Си́ло, И́же Ипоста́снаго Слова Отец и Единоси́льнаго Твоего Духа испуститель: милосердныя ради милости и неизреченныя благости не презревый человеческого естества, тмою греха содержимаго, но Божественными светы священных Твоих учений, законом и пророки светивый миру, последи же нам того Единороднаго Твоего Сына благоволивый плотию возсияти и ко осиянию нас Твоего просвещения наставити: да будут уши Твои внемлюще гласу моления нашего. И даруй нам, Боже, во бденном и трезвенном сердце, всю настоящаго жития нощь прейти, ожидающым пришествия Сына Твоего и Бога нашего, Судий всех, да не возлежаще и спяще, но бодрствующе и воздвижени в делание заповедей Твоих обрящемся и в радость Его совнидем, идеже празднующих глас непрестанный, и неизреченная сладость зрящих Твоего

#### Псалтирь пророка Давида

лица доброту неизглаголанную. Яко Благ и Человеколюбец Бог еси, и Тебе славу возсыла́ем, Отцу и Сыну и Святому Духу, ныне и присно, и во веки веко́в, аминь.





#### КАФИСМА 2

#### В конец, о тайных сына, псалом Давиду, 9

<sup>2</sup> Исповемся Тебе, Господи, всем сердцем моим, повем вся чудеса Твоя, <sup>3</sup> Возвеселюся и возрадуюся о Тебе, пою имени Твоему, Вышний. 4 Внегда возвратитися врагу моему вспять, изнемогут и погибнут от лица Твоего. 5 Яко сотворил еси суд мой, и прю мою, сел еси на Престоле, судяй правду. 6 Запретил еси языком, и погибе нечестивый, имя его потребил еси в век и в век века. 7 Врагу оскудеща оружия в конец, и грады разрушил еси, погибе память его с шумом. <sup>8</sup> И Госполь во век пребывает, уготова на суд Престол Свой, 9 и Той судити имать вселенней в правду.

судити имать людем в правоте́. 10 И бысть Господь прибежище убогому, помощник во благовремениих, в скорбех. 11 И да уповают на Тя знающии имя Твое, яко не оставил еси взыскающих Тя, Господи. <sup>12</sup> Пойте Господеви, живущему в Сионе, возвестите во языщех начинания Его. <sup>13</sup> Яко взыскаяй крови их помяну, не забы звания убогих. 14 Помилуй мя, Господи, виждь смирение мое от враг моих, вознося́й мя от врат сме́ртных. 15 Яко да возвещу вся хвалы Твоя во вратех дщере Сиони, возрадуемся о спасении Твоем. 16 Углебоща языцы в па́губе, ю́же сотвори́ша, в се́ти сей, юже скрыша, увязе нога их. 17 Знаемь есть Господь судьбы творяй, в делех руку своею увязе грешник. 18 Да возвратятся грешницы во ад, вси языцы забывающии Бога. 19 Яко не до конца забвен будет нищий, терпение убогих не погибнет до конца. <sup>20</sup> Воскресни, Госполи, да не крепится человек, да судятся языцы пред Тобою. 21 Постави, Господи, законоположителя над ними, да разумеют языцы, я́ко челове́цы суть. 22 Вскую, Господи, отстоя далече, презираещи во благовремениих, в скорбех? <sup>23</sup> Внегда́ горди́тися нечести́вому, возгарается нищий, увязают в советех, яже помышляют. <sup>24</sup> Яко хвалимь есть грешный в похотех души своея, и обидяй благословим есть. 25 Раздражи Господа грешный, по множеству гнева своего не взыщет: несть Бога пред ним. 26 Оскверняются путие его на всякое время, отъемлются судьбы Твоя от лица его: всеми враги своими обладает. 27 Рече бо в сердце своем: не подвижуся от рода в род без зла. <sup>28</sup> Егоже клятвы уста его

полна суть, и горести и льсти, под языком его труд и болезнь. 29 Приседит в ловительстве с богатыми в тайных, еже убити неповиннаго, очи его на нишаго призираете. 30 Лови́т в тайне, я́ко лев во ограде своей, ловит, еже восхитити нишаго, восхитити нищаго, внегда привлещи и в сети своей. <sup>31</sup> Смирит его, преклонится и падет, внегда ему обладати убогими. 32 Рече бо в сердне своем: забы Бог, отврати лице Свое, да не видит до конца. 33 Воскресни, Господи, Боже мой, да вознесется рука Твоя, не забуди убогих Твоих до конца. 34 Чесо ради прогнева нечестивый Бога? Рече бо в сердце своем: не взыщет. <sup>35</sup> Видиши, яко Ты болезнь и ярость смотряещи, да предан будет в руце Твои. Тебе оставлен есть нищий, сиру Ты буди Помощник. 36 Сокруши мышцу грешному и лука́вому, взы́щется грех его и не обря́щется. <sup>37</sup> Госпо́дь Царь во век и в век века, поги́бнете язы́цы от земли Его. <sup>38</sup> Жела́ние убо́гих услышал еси, Го́споди, угото́ванию се́рдца их внят ухо Твое. <sup>39</sup> Суди́ си́ру и смире́ну, да не приложи́т ктому́ велича́тися человек на земли́.

## В конец, псалом Давиду, 10

<sup>1</sup> На Господа уповах, како рече́те души моей: превитай по гора́м, яко птица? <sup>2</sup> Яко се грешницы наляко́ша лук, угото́ваша стре́лы в ту́ле, состреля́ти во мра́це пра́выя сердцем. <sup>8</sup> Зане́ я́же Ты совершил еси, они разруши́ша, праведник же что́ сотвори́? Госпо́дь во храме святе́м Своем. <sup>4</sup> Госпо́дь, на Небеси́ Престол Его, очи Его на ни́щаго призира́ете, ве́жди Его испыта́ете сы́ны человеческия. <sup>5</sup> Госпо́дь испы-

та́ет пра́веднаго и нечести́ваго, любя́й же неправду ненави́дит свою душу. <sup>6</sup> Одожди́т на гре́шни-ки сети, огнь и жу́пел, и дух бу́рен, часть чаши их. <sup>7</sup> Яко праведен Господь, и пра́вды возлюби́, правоты́ ви́де лице Его.

#### Слава:

## В конец, о осмей, псалом Давиду, 11

<sup>2</sup> Спаси мя, Господи, яко оскуде преподобный, яко умалишася истины от сынов человеческих. В Суетная глагола кийждо ко искреннему своему: устне льстивыя в сердце, и в сердце глаголаша злая. Чотребит Господь вся устны льстивыя, язык велеречивый. Рекшыя: язык наш возвеличим, устны наша при нас суть, кто нам Господь есть? Страсти ради ни-

щих и воздыха́ния убогих, ны́не воскресну́, глаголет Господь, положу́ся во спасение, не обиню́ся о нем. <sup>7</sup> Словеса́ Госпо́дня, словеса́ чи́ста, сребро́ разжже́но, искуше́но земли́, очище́но седмери́цею. <sup>8</sup> Ты, Го́споди, сохрани́ши ны и соблюде́ши ны от ро́да сего и во век. <sup>9</sup> Окрест нечести́вии ходят: по высоте́ Твоей умно́жил еси сы́ны челове́ческия.

# В конец, псалом Давиду, 12

<sup>2</sup> Доко́ле, Го́споди, забу́деши мя до ковца? Доко́ле отвраща́еши лице́ Твое от мене́? <sup>3</sup> Доко́ле положу́ сове́ты в души́ моей, болезни в сердце моем день и нощь? Доко́ле вознесе́тся враг мой на мя? <sup>4</sup> При́зри, услы́ши мя, Го́споди, Боже мой, просвети́ очи мои, да не когда́ усну́ в смерть, <sup>5</sup> да не когда́ речет враг мой: укрепихся на него. <sup>6</sup> Стураг мой: укрепихся на него. <sup>6</sup> Стужающии ми возра́дуются, а́ще подви́жуся. <sup>7</sup> Аз же на милость Твою упова́х, возра́дуется сердце мое о спасении Твоем, воспою́ Го́сподеви, благоде́явшему мне, и пою имени Господа Вы́шняго.

#### В конец, псалом Давиду, 13

Рече́ безумен в сердце своем: несть Бог. Растлеша и омерзищася в начинаниих: несть творяй благостыню. 2 Господь с Небесе приниче на сыны человеческия, видети, аще есть разумеваяй, или взыскаяй Бога. <sup>3</sup> Вси уклонишася, вкупе неключими быша: несть творяй благостыню, несть до единаго. 4 Ни ли уразумеют вси делающии беззаконие, снедающии люди моя в снедь хлеба? Господа не призваша. 5 Тамо убоящася страха, идеже не бе страх, яко Господь в роде праведных. 6 Совет нищаго посрами́сте, Господь же упова́ние его есть. <sup>7</sup> Кто даст от Сио́на спасение Изра́илево? <sup>8</sup> Внегда́ возврати́т Госпо́дь плене́ние людей Своих, возра́дуется Иаков и возвесели́тся Изра́иль.

#### Слава:

# В конец, псалом Давиду, 14

¹ Го́споди, кто обита́ет в жилищи Твоем? Или́ кто всели́тся во святую го́ру Твою? ² Хода́й непоро́чен и де́лаяй правду, глаго́ляй истину в сердце своем. ³ Иже не ульсти́ язы́ком своим и не сотвори́ и́скреннему своему зла, и поноше́ния не прия́т на бли́жния своя́. ⁴ Уничиже́н есть пред ним лука́внуяй, боя́щыя же ся Господа сла́вит, клены́йся и́скреннему своему и не отмета́яся. ⁵ Сребра своего не даде́ в ли́хву и мяды на непови́нных не

прият. Творяй сия не подвижится во век.

# Столпописание Давиду, 15

¹ Сохрани мя, Господи, яко на Тя уповах. 2 Рех Господеви: Господь мой еси Ты, яко благих моих не требуеши. 3 Святым, иже суть на земли Его, удиви Господь вся хотения Своя в них. 4 Умножишася немощи их, по сих ускорища: не соберу соборы их от кровей, ни помяну же имен их устнама мойма. 5 Господь часть достояния моего и чаши моея, Ты еси устрояяй достояние мое мне. 6 Ужя нападоша ми в державных моих, ибо достояние мое державно есть мне. 7 Благословлю Господа, вразумившаго мя, еще же и до ноши наказа́ша мя утробы моя. 8 Предзре́х Господа предо мною выну, яко одесную мене есть, да не подвижуся. <sup>9</sup> Сего́ ра́ди возвесели́ся сердце мое и возра́довася язык мой, еще же и плоть моя всели́тся на упова́нии. <sup>10</sup> Яко не оста́виши ду́шу мою во аде, ниже́ да́си преподобному Твоему ви́дети истле́ния. <sup>11</sup> Сказал ми еси́ пути́ живота, испо́лниши мя веселия с лицем Твоим, красота в десни́це Твоей в конец.

## Молитва Давиду, 16

<sup>1</sup> Услыши, Господи, правду мою, вонми молению моему, внуши молитву мою не во устнах льстивых. <sup>2</sup> От лица Твоего судьба моя изыдет, очи мои да видита правоты. <sup>3</sup> Искусил еси сердце мое, посетил еси нощию, искусил мя еси, и не обретеся во мне неправда. <sup>4</sup> Яко да не возглаголют уста моя дел человеческих, за словеса устен Твоих аз сохраних пути жестоки. <sup>5</sup> Соверши стопы моя во стезях Твоих, да

не подвижутся стопы моя. 6 Аз воззвах, яко услышал мя еси. Боже, приклони ухо Твое мне и услыши глаголы моя. 7 Удиви милости Твоя, спасаяй уповающыя на Тя от противящихся деснице Твоей. 8 Сохрани мя, Господи, яко зеницу ока, в крове крилу Твоею покрыещи мя. 9 От лица нечестивых, острастших мя, врази мои душу мою одержаша. 10 Тук свой затворища, уста их глаголаща гордыню. 11 Изгонящии мя ныне обыдоша мя, очи свои возложища укдонити на землю. 12 Объяща мя яко лев готов на лов, и яко скимен обитаяй в тайных. 13 Воскресни, Господи, предвари я, и запни им, избави душу мою от нечестиваго, оружие Твое от враг руки Твоея. 14 Господи, от малых от земли, раздели я в животе их, и сокровенных Твоих исполнися чрево их, насытишася сыно́в, и оста́виша оста́нки младе́нцем своим. <sup>15</sup> Аз же правдою явлю́ся лицу Твоему, насы́щуся, внегда́ яви́ти ми ся славе Твоей.

#### Слава:

#### Молитвы по 2-й кафисме

Святый Боже: трижды, Слава, и ныне: Пресвятая Троице: Господи помилуй трижды, Слава, и ныне: Отче наш:

Таже тропари, глас 2-й:

Аз сый древо неплодное, Господи, умиления плода не ношу отнюдь и посечения страшуся, и огня о́наго бою́ся негаси́маго. Те́мже Тя молю: прежде о́ныя ну́жды обрати́ и спаси́ мя.

Яко во́лны морски́я, на мя воста́ша беззако́ния моя, яко корабле́ц в пучи́не, аз един обурева́юся от прегреше́ний многих, но в тихое

пристанище настави мя, Господи, покаянием и спаси мя.

Слава: Помилуй мя, рече́ Давид, и аз Тебе зову́: согреших, Спа́се, грехи моя очи́стив покаянием, помилуй мя.

И ныне: Предстательство те́плое христиан, Сына Твоего моли́, Богоро́дице, вся́каго злоде́йства и лю́тости избавити нас ра́тника, и дати прощение нам, о ни́хже согреши́хом, милосе́рдия ради щедро́т, Твоими молитвами, Мати Де́во.

Господи, помилуй (40 раз) и молитва:

Влады́ко Вседержи́телю, Отче Господа нашего Иисуса Христа, Единоро́днаго Твоего Сына, даждь ми тело нескве́рное, сердце чистое, ум бодр, разум незаблу́дный, Духа Свята́го наше́ствие, к стяжа́нию и дово́льству истины во Христе Тво-

#### Молитвы по 2-й кафисме

ем: с Ни́мже Тебе слава подоба́ет, честь и поклонение со Святым Духом, ны́не и при́сно, и во веки веков, аминь.





## КАФИСМА 3

В конец, отроку Господню Давиду, яже глагола Господеви словеса песни сея, в день, воньже избави его Господь от руки всех враг его, и из руки Саули, и рече: 17

<sup>2</sup> Возлюблю́ Тя, Господи, крепосте моя, <sup>3</sup> Госпо́дь утвержде́ние мое, и прибежище мое, и Избавитель мой, Бог мой, Помощник мой, и уповаю на Него, Защититель мой, и рог спасения моего, и Заступник мой. 4 Хваля призову Господа и от враг моих спасуся. 5 Одержаща мя болезни смертныя, и потоцы беззакония смятоща мя, 6 болезни а́довы обыдо́ша мя, предвари́ша мя сети смертныя. 7 И внегда скорбети ми, призвах Господа, и к Богу моему воззвах, услыша от храма святаго Своего глас мой, и вопль мой пред Ним внидет во уши Его. <sup>8</sup> И подвижеся, и трепетна бысть земля, и основания гор смятошася и подвигошася, яко прогневася на ня Бог. 9 Взыде дым гневом Его, и огнь от лица Его воспламенится, углие возгореся от Hero. 10 И приклони небеса, и сниде, и мрак под ногама Его. 11 И взыде на Херувимы, и лете, лете на крилу ветреню. 12 И положи тму закров Свой, окрест Его селение Его, темна вода во облацех воздушных. 13 От облистания пред Ним облацы проидо́ша, град и у́глие огненное. 14 И возгреме с Небесе Господь и Вышний даде́ глас Свой. 15 Низпосла́ стрелы и разгна я, и молнии умножи и смяте я́. 16 И явишася источницы воднии, и открышася основания вселенныя, от запрещения Твоего, Господи, от дохнове-

ния духа гнева Твоего. 17 Низпосла́ с высоты, и прият мя, восприят мя от вод многих. 18 Избавит мя от врагов моих сильных и от ненавидящих мя, яко утвердишася паче мене́. 19 Предвари́ша мя в день озлобления моего, и бысть Господь утверждение мое. <sup>20</sup> И изведе мя на широту, избавит мя, яко восхоте́ мя. 21 И возда́ст ми Господь по правде моей и по чистоте руку моею воздаст ми. <sup>22</sup> Яко сохраних пути Господни и не нечествовах от Бога моего. <sup>23</sup> Яко вся судьбы Его предо мною и оправдания Его не отступища от мене. 24 И буду непорочен с Ним, и сохранюся от беззакония моего. <sup>25</sup> И воздаст ми Господь по правде моей и по чистоте руку моею пред очима Его. <sup>26</sup> C преподобным преподобен будеши, и с мужем неповинным неповинен будещи, <sup>27</sup> и со избранным

избран будеши, и со строптивым развратишися. <sup>28</sup> Яко Ты люди смиренныя спасещи и очи гордых смирищи. <sup>29</sup> Яко Ты просветищи светильник мой, Господи, Боже мой, просветищи тму мою. <sup>30</sup> Яко Тобою избавлюся от искущения и Богом моим прейду стену. 31 Бог мой, непорочен путь Его, словеса Господня разжжена, Защититель есть всех уповающих на Него. 32 Яко кто бог, разве Господа? Или кто бог, разве Бога нашего? 33 Бог препоясуяй мя силою, и положи непорочен путь мой. <sup>34</sup> Совершаяй но́зе мои, яко еле́ни, и на высоких поставляяй мя. 35 Научаяй руце мои на брань, и положил еси лук ме́дян мы́шца моя, <sup>36</sup> И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. <sup>37</sup> Уширил еси стопы моя подо мною, и не изнемогосте плесне мои. 38 Пожену враги моя, и постигну я, и не возвращуся, дондеже скончаются. 39 Оскорблю их, и не возмогут стати, падут под ногама моима. 40 И препоясал мя еси силою на брань, спял еси вся востающыя на мя под мя. 41 И врагов моих дал ми еси хребет, и ненавидящыя мя потребил еси. 42 Воззваща, и не бе спасаяй: ко Господу, и не услыша их. 43 И истню я яко прах пред лицем ветра, яко брение путей поглажду я́. 44 Избавиши мя от пререкания людей, поставиши мя во главу языков. Людие, ихже не ве́дех, рабо́таша ми. 45 В слух уха послушаща мя. Сынове чуждии солгаша ми. 46 Сынове чуждии обетшаша и охромоща от стезь своих. 47 Жив Господь, и благословен Бог, и да вознесется Бог спасения моего.

<sup>48</sup> Бог даяй отмщение мне и покори́вый люди под мя. <sup>49</sup> Изба́витель мой от враг моих гневли́вых, от востающих на мя вознесе́ши мя, от мужа непра́ведна изба́виши мя. <sup>50</sup> Сего́ ра́ди испове́мся Тебе во язы́цех, Го́споди, и имени Твоему пою, <sup>51</sup> велича́яй спасения царе́ва, и творя́й милость Христу Своему Давиду, и се́мени его до века.

#### Слава:

# В конец, псалом Давиду, 18

<sup>2</sup> Небеса пове́дают славу Божию, творе́ние же руку́ Его возвеща́ет твердь. <sup>3</sup> День дни отрыга́ет глаго́л, и нощь но́щи возвеща́ет ра́зум. <sup>4</sup> Не суть ре́чи, ниже́ словеса́, и́хже не слы́шатся гла́си их. <sup>5</sup> Во всю зе́млю изы́де веща́ние их и в концы́ вселе́нныя глаго́лы их. В соляще положи́ селение Свое, <sup>6</sup> и Той, я́ко

Жених исходяй от чертога Своего. возрадуется, яко исполин тещи путь. 7 От края небесе исход Его, и сретение Его до края небесе, и несть иже укрыется теплоты Его. <sup>8</sup> Закон Господень непорочен, обращаяй душы, свидетельство Господне верно, умудряющее младенцы. 9 Оправдания Господня права, веселящая сердце, заповедь Господня светла, просвещающая очи. 10 Страх Госпо́день чист, пребываяй в век века: судьбы Господни истинны, оправданны вкупе, 11 вожделенны паче злата и камене честна многа и слаждша паче меда и сота. 12 Ибо раб Твой хранит я, внегда сохранити я, воздаяние много. 13 Грехопадения кто разумеет? От тайных моих очисти мя. 14 и от чуждих пошади раба Твоего. аще не обладают мною, тогда непорочен буду и очищуся от греха вели́ка. <sup>15</sup> И будут во благоволе́ние словеса́ уст моих, и поуче́ние се́рдца моего пред Тобою вы́ну, Го́споди, Помо́щниче мой и Изба́вителю мой.

#### В конец, псалом Давиду, 19

<sup>2</sup> Услышит тя Господь в день печали, защитит тя имя Бога Иаковля. 3 Послет ти помощь от Святаго и от Сиона заступит тя. 4 Помянет вся́ку жертву твою, и всесожже́ние твое тучно буди. <sup>5</sup> Даст ти Господь по сердцу твоему и весь совет твой исполнит. 6 Возрадуемся о спасении твоем и во имя Господа Бога нашего возвеличимся. Исполнит Господь вся прошения твоя. 7 Ныне познах, яко спасе Господь христа Своего, услышит его с Небесе Святаго Своего, в силах спасение десницы Его. 8 Сии на колесницах, и сии на конех, мы же во имя Го́спода Бога нашего призове́м, <sup>9</sup> Ти́и спя́ти бы́ша и падо́ша, мы же воста́хом и испра́вихомся. <sup>10</sup> Го́споди, спаси́ царя и услы́ши ны, во́ньже аще день призове́м Тя.

## Псалом Давиду, 20

<sup>2</sup> Господи, силою Твоею возвеселится царь и о спасении Твоем возрадуется зело. 3 Желание сердца его дал еси ему, и хотения устну его неси лишил его. 4 Яко предварил еси его благословением благостынным, положил еси на главе его венец от камене честна. 5 Живота просил есть у Тебе, и дал еси ему долготу дний во век века. 6 Велия слава его спасением Твоим, славу и велеление возложини на него. 7 Яко даси ему благословение во век века, возвеселищи его радостию с лицем Твоим. 8 Яко царь уповает на Господа, и милостию Вышняго не подвижится. 9 Да об-

рящется рука Твоя всем врагом Твоим, десница Твоя да обрящет вся ненавидящыя Тебе. <sup>10</sup> Яко положиши их яко пещь огненную во время лица Твоего, Господь гневом Своим смятет я, и снесть их огнь. 11 Плод их от земли погубищи, и семя их от сынов человеческих. 12 Яко уклониша на Тя злая, помыслиша советы, ихже не возмогут составити. 13 Яко положищи я хребет, во избытцех Твоих уготовиши лице их. 14 Вознесися, Господи, силою Твоею, воспоем и поем силы Твоя.

#### Слава:

В конец, о заступлении утреннем, псалом Давиду, 21 <sup>2</sup> Боже, Боже мой, вонми ми, вскую оставил мя еси? Дале́че от спасе́ния моего словеса́ грехопаде́ний моих. <sup>3</sup> Боже мой, воззову́ во

дни, и не услышиши, и в нощи, и не в безумие мне. 4 Ты же во Святем живещи, хвало Израилева. 5 На Тя уповаща отпы наши, уповаща и избавил еси я́. 6 К Тебе воззваща и спасошася, на Тя уповаща, и не постыдещася, 7 Аз же есмь червь. а не человек, поношение человеков и уничижение людей. 8 Вси видящии мя поругаша ми ся, глаголаша устнами, покиваша главою: 9 упова́ на Господа, да изба́вит его, да спасет его, яко хощет его, <sup>10</sup> Яко Ты еси исторгий мя из чрева, упование мое от сосцу матере моея. 11 K Тебе привержен есмь от ложесн, от чрева матере моея Бог мой еси Ты. 12 Да не отступиши от мене, яко скорбь близ, яко несть помогаяй ми. 13 Обыдоща мя тельцы мнози, юнцы тучнии одержаща мя. 14 Отверзоща на мя уста своя, я́ко лев восхищаяй и рыкаяй. 15 Яко вода излия́хся, и разсы́пашася вся кости моя, бысть сердце мое яко воск, таяй посреде чрева моего. 16 Изсше яко скудель крепость моя, и язык мой прильпе гортани моему, и в персть смерти свел мя еси. 17 Яко обыдоща мя пси мнози, сонм лукавых одержаща мя, ископаша руце мои и нозе мои. 18 Исчетоща вся кости моя, тии же смотриша и презреща мя. 19 Разделиша ризы моя себе, и о одежди моей мета́ша жребий. 20 Ты же, Господи, не удали помощь Твою от мене, на заступление мое вонми. 21 Избави от оружия душу мою, и из руки песии единородную мою. 22 Спаси мя от уст львовых и от рог единорожь смирение мое. <sup>23</sup> Повем имя Твое братии моей, посреде церкве воспою Тя. 24 Боящиися Господа, восхвалите Его, все семя Иаковле, прославите Его, да убоится же от Него все семя Израилево, 25 Яко не уничижи, ниже негодова́ молитвы нищаго, ниже́ отврати лице Свое от мене, и егда воззвах к Нему, услыша мя. <sup>26</sup> От Тебе похвала моя, в церкви велицей исповемся Тебе, молитвы моя воздам пред боящимися Его. 27 Ядят убозии и насытятся, и восхвалят Господа взыскающии Его, жива будут сердца́ их в век века. 28 Помянутся и обратятся ко Господу вси концы земли, и поклонятся пред Ним вся отечествия язык. <sup>29</sup> Яко Господне есть царствие, и Той обладает языки. 30 Ядо́ша и поклони́шася вси тучнии земли, пред Ним припадут вси низходящии в землю, и душа моя тому живет. 31 И семя мое поработает Ему, возвестит Господеви род грядущий. 32 И возвестя́т правду Его лю́дем ро́ждшымся, яже сотвори Господь.

## Псалом Давиду, 22

Господь пасет мя, и ничтоже мя лишит. <sup>2</sup> На месте злачне, тамо всели мя, на воде покойне воспита мя. <sup>3</sup> Душу мою обрати, настави мя на стези правды, имене ради Своего. 4 Аще бо и пойду посреде сени смертныя, не убоюся зла, яко Ты со мною еси, жезл Твой и палица Твоя, та мя утешиста. 5 Уготовал еси предо мною трапезу сопротив стужающым мне, умастил еси елеом главу мою, и чаша Твоя упоявающи мя, яко державна. 6 И милость Твоя поженет мя вся дни живота моего, и еже вселити ми ся в дом Господень, в долготу дний.

#### Псалом Давиду, единыя от суббот, 23

<sup>1</sup> Господня земля, и исполнение ея, вселенная и вси живущии на ней. <sup>2</sup> Той на моря́х основа́л ю́ есть, и на река́х угото́вал ю́ есть. 3 Кто взыдет на гору Господню? Или кто станет на месте святем Его? 4 Неповинен рукама и чист сердцем, иже не прият всуе душу свою, и не клятся лестию искреннему своему. 5 Сей приимет благословение от Господа, и милостыню от Бога. Спаса своего. 6 Сей род ишуших Господа, ищущих лице Бога Иаковля. 7 Возмите врата князи ваша, и возмитеся врата вечная, и внидет Царь славы. 8 Кто есть сей Царь славы? Господь крепок и силен, Господь силен в брани. 9 Возмите врата князи ваша, и возмитеся врата вечная, и внидет Царь славы. 10 Кто есть сей Царь славы? Господь сил, Той есть Царь славы.

#### Слава:

#### Молитвы по 3-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 3-й:

Живущи на земли, душе моя, покайся: персть во гробе не поет, прегрешений не избавляет. Возоний Христу Богу: Сердцеведче, согреших, прежде даже не осудиши мя, помилуй мя.

Доко́ле, душе моя, пребыва́еши в прегреше́ниих? Доко́ле прие́млеши покаяния преложе́ние? Приими́ во уме суд грядущий и возопи́й Господу: Сердцеве́дче, согреших, прежде даже не осу́диши мя, помилуй мя.

Слава: На Страшном судищи без оглаго́льников облича́юся, без свидетелей осужда́юся, книги бо со́- вестныя разгибаются, и дела сокровенная открываются. Прежде неже во оном всенародном позорищи имаши испытати, яже мною содеянная, Боже, очисти мя и спаси мя.

И ныне: Недоразумева́емое и непостижи́мое есть, Влады́чице Богоблагода́тная, соде́янное о Тебе страшное таинство: Необъе́млемаго бо заче́нпш, родила́ еси пло́тию обложе́ннаго от чи́стых крове́й Твоих: Егоже, Чистая, яко Сына Твоего, моли спасти вся пою́щыя Тя.

Господи, помилуй (40 раз) и молитва:

Господи Вседержителю, Слове Пребезначальнаго Отца, самосовершенный Боже Иисусе Христе, милосердия ради безприкладнаго милости Твоея, никакоже разлучаяйся Твоих рабов, но присно в

них почиваяй, не остави мя, раба Твоего, Всесвятый Царю, но даждь мне, недостойному, радование спасения Твоего и просвети мой ум светом познания Евангелиа Твоего, душу мою любовию Креста Твоего обяжи, тело же мое Твоим безстрастием украси, мысли умири и нозе мои сохрани от поползновения, и не погуби мя со беззаконьми моими, Благий Господи, но искуси мя, Боже, и вразуми сердце мое, испытай мя и увеждь стези моя, и виждь, аще путь беззакония во мне, и отврати от него, и настави мя на путь вечен. Ты бо еси Путь, и Истина, и Живот, и Тебе славу возсылаем, со Безначальным Твоим Отцем, и Пресвятым, и Благим, и Животворящим Духом, ныне и присно и во веки веков, аминь.

# M.M.M.M.M.M.M.M.

#### КАФИСМА 4

# Псалом Давиду, 24

1 К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, 2 ибо вси терпящии Тя не постыдятся. 3 Да постыдятся беззаконнующии вотще́. 4 Пути́ Твоя, Господи, скажи́ ми, и стезям Твоим научи мя, 5 Настави мя на истину Твою, и научи мя, яко Ты еси Бог Спас мой, и Тебе терпех весь день. 6 Помяни щедроты Твоя, Господи, и милости Твоя, яко от века суть. 7 Грех юности моея, и неведения моего не помяни, по милости Твоей помяни мя Ты, ради благости Твоея, Господи. 8 Благ и прав Господь, сего ради законоположит согрешающым на пути. 9 Наставит кроткия на суд, научит кроткия путем Своим. 10 Вси путие Господни милость и истина, взыскающым завета Его, и свидения Ero. 11 Ради имене Твоего. Господи, и очисти грех мой, мног бо есть. 12 Кто есть челове́к бояйся Госпола? Законоположит ему на пути, егоже изволи. <sup>13</sup> Душа его во благих водворится, и семя его наследит землю. 14 Держава Господь боящихся Его, и завет Его явит им. 15 Очи мой выну ко Господу, яко Той исторгнет от сети но́зе мои. 16 При́зри на мя и поми́луй мя, яко единород и нищ есмь аз. 17 Скорби сердна моего умножишася, от нужд моих изведи мя. 18 Виждь смирение мое, и труд мой, и остави вся грехи моя, 19 Вижль враги моя, яко умножищася, и ненавидением неправедным возненави́деша мя. 20 Сохрани́ ду́шу мою, и изба́ви мя, да не постыжу́ся, яко упова́х на Тя. <sup>21</sup> Незло́бивии и пра́вии прилепля́хуся мне, яко потерпе́х Тя, Господи. <sup>22</sup> Изба́ви, Боже, Изра́иля от всех скорбе́й его́.

#### Псалом Давиду, 25

1 Суди ми, Господи, яко аз незлобою моею ходих, и на Господа уповая, не изнемогу. 2 Искуси мя, Господи, и испытай мя, разжай утробы моя, и сердце мое. 3 Яко милость Твоя пред очима моима есть, и благоугодих во истине Твоей. 4 Не селох с сонмом суетным, и со законопреступными не вниду. 5 Возненавидех церковь лукавнующих, и с нечестивыми не ся́ду. 6 Умыю в неповинных руце мои, и обыду жертвенник Твой, Господи. 7 Еже услышати ми глас хвалы Твоея, и поведати вся чудеса

Твоя́. <sup>8</sup> Господи, возлюби́х благоле́пие до́му Твоего и ме́сто селе́ния сла́вы Твоея. <sup>9</sup> Да не погуби́нии с нечести́выми ду́шу мою́, и с му́жи крове́й живот мой. <sup>10</sup> Ихже в руку́ беззако́ния, десни́ца их испо́лнися мзды. <sup>11</sup> Аз же незло́бою мое́ю ходи́х, изба́ви мя, Господи, и помилуй мя. <sup>12</sup> Нога́ моя ста на правоте́: в це́рквах благословлю́ Тя, Господи.

## Псалом Давиду, прежде помазания, 26

<sup>1</sup> Господь просвещение мое и Спаси́тель мой, кого убою́ся? Господь Защи́титель живота́ моего, от кого́ устрашу́ся? <sup>2</sup> Внегда́ приближа́тися на мя зло́бующым, е́же сне́сти пло́ти моя, оскорбля́ющии мя, и врази́ мои́, ти́и изнемого́ша и падо́ша. <sup>3</sup> Аще ополчи́тся на мя полк, не убои́тся се́рдце мое́, а́ще воста́- нет на мя брань, на Него аз уповаю. 4 Едино просих от Господа, то взышу́: е́же жи́ти ми в дому́ Господни вся дни живота моего, зрети ми красоту Господню и посещати храм святый Его. 5 Яко скры мя в селении Своем в день зол моих, покры мя в тайне селения Своего, на камень вознесе мя. 6 И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспою Господеви. 7 Услыши, Господи, глас мой, имже воззвах: помилуй мя и услыши мя. <sup>8</sup> Тебе́ рече́ се́рдце мое, Господа взыщу. Взыска Тебе лице мое, лица́ Твоего, Господи, взыщу́, 9 Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. 10 Яко отец мой и мати моя остависта мя, Господь же восприят мя. 11 Законоположи ми, Господи, в пути Твоем и настави мя на стезю правую враг моих ради. 12 Не предаждь мене в душы стужающих ми, яко востаща на мя свидетеле неправеднии и солга неправда себе. 13 Верую видети благая Господня на земли живых. 14 Потерпи Господа, мужайся и да крепится сердце твое, и потерпи Господа.

#### Слава:

## Псалом Давиду, 27

<sup>1</sup> К Тебе, Господи, воззову, Боже мой, да не премолчи́ши от мене́, да не когда́ премолчи́ши от мене́: и уподоблюся низходя́щым в ров. <sup>2</sup> Услы́ши, Господи, глас моле́ния моего, внегда́ моли́ти ми ся к Тебе,

внегда воздети ми руце мой к храму святому Твоему. 3 Не привлецы мене со грешники и с делающими неправду не погуби мене, глаголющими мир с ближними свойми, злая же в сердцах свойх. 4 Даждь им, Господи, по делом их, и по лукавству начинаний их: по делом руку их даждь им: воздаждь воздаяние их им. 5 Яко не разумеша в дела Господня и в дела руку Его: разориши я, и не созиждеши я. <sup>6</sup> Благослове́н Господь, яко услыша глас моления моего. 7 Господь Помощник мой, и Защититель мой: на Него упова сердце мое, и поможе ми, и процвете плоть моя, и волею моею исповемся Ему. 8 Господь утверждение людей Своих, и Защититель спасений христа Своего есть. 9 Спаси люди Твоя и благослови достояние Твое, и упаси я, и возми я до века.

## Псалом Давиду, исхода скинии, 28

1 Принесите Господеви сынове Божии, принесите Господеви, сыны овни, принесите Господеви славу и честь. <sup>2</sup> Принесите Господеви славу имени Его, поклонитеся Господеви во дворе святем Его. <sup>3</sup> Глас Господень на водах, Бог славы возгреме, Господь на водах многих. 4 Глас Господень в крепости, глас Господень в великолепии. 5 Глас Господа, сокрушающаго кедры, и стрыет Господь кедры Ливанския: 6 и истнит я яко тельца Ливанска, и возлюбленный яко сын единорожь. 7 Глас Господа, пресецающаго пламень огня. 8 Глас Госпола. стрясающаго пустыню, и стрясет Господь пустыню Каддийскую. 9 Глас Госпо́день сверша́ющий еле́ни, и открыет дубравы, и в храме Его всякий глаго́лет сла́ву. 10 Господь пото́п населя́ет, и ся́дет Господь Царь в век. 11 Господь кре́пость лю́дем Своим даст, Господь благослови́т лю́ди Своя́ ми́ром.

#### Псалом песни, обновления дому Давидова, 29

<sup>2</sup> Вознесу́ Тя, Господи, яко подъял мя еси, и не возвеселил еси врагов моих о мне. 3 Господи Боже мой, воззвах к Тебе, и исцелил мя еси. 4 Господи, возве́л еси от а́да ду́шу мою, спасл мя еси от низходящих в ров. 5 Пойте Господеви, преподобнии Его, и исповедайте память святыни Его. <sup>6</sup> Яко гнев в ярости Его, и живот в воли Его: вечер водворится плачь, и заутра радость. <sup>7</sup> Аз же рех во обилии моем: не подвижуся во век. 8 Господи, во́лею Твое́ю пода́ждь добро́те мое́й силу. Отвратил же еси лице Твое,

218

и бых смущен. 9 К Тебе, Господи, воззову, и к Богу моему помолюся. 10 Ка́я по́льза в кро́ви мое́й, внегла́ сходити ми во истление? Еда исповестся Тебе персть, или возвестит истину Твою? 11 Слыша Господь и помилова мя: Господь бысть Помощник мой. 12 Обратил еси плачь мой в радость мне: растерзал еси вретище мое, и препоясал мя еси веселием. <sup>13</sup> Яко да воспоет Тебе слава моя, и не умилюся: Господи Боже мой, во век исповемся Teбé.

#### Слава:

# В конец, псалом Давиду, изступления, 30

<sup>2</sup> На Тя, Господи, упова́х, да не постыжу́ся во век: пра́вдою Твое́ю изба́ви мя и изми́ мя. <sup>3</sup> Приклони́ ко мне у́хо Твое́, ускори́ изъ́яти мя, буди ми в Бога Защитителя, и в дом прибежища, еже спасти мя. 4 Яко держава моя и прибежище мое еси Ты, и имене Твоего ради наставиши мя, и препитаещи мя. 5 Изведе́ши мя от се́ти сея́, ю́же скрыша ми, яко Ты еси Защититель мой, Господи. 6 В ру́не Твои предложу дух мой: избавил мя еси. Господи Боже истины. 7 Возненавидел еси хранящыя суеты вотще: аз же на Господа уповах. 8 Возрадуюся и возвеселюся о милости Твоей, яко призрел еси на смирение мое, спасл еси от нужд душу мою, 9 и неси мене затворил в руках вражиих, поставил еси на пространне нозе мои. 10 Помилуй мя, Господи, яко скорблю: смятеся яростию око мое, душа моя и утроба моя. 11 Яко исчезе в болезни живот мой и лета моя в воздыханиих, изнеможе нищетою крепость моя и кости моя смятощася. 12 От всех враг моих бых поношение, и соседом моим зело, и страх знаемым моим: видящии мя вон бежа́ша от мене́. 13 Забве́н бых я́ко мертв от сердца, бых яко сосуд погублен. 14 Яко слышах гаждение многих, живущих окрест, внегда собратися им вкупе на мя, прияти дущу мою совещаща. 15 Аз же на Тя, Господи, уповах, рех: Ты еси Бог мой. 16 B руку Твоею жребии мой: избави мя из руки враг моих и от гонящих мя. 17 Просвети лице Твое на раба Твоего, спаси мя милостию Твоею. 18 Господи, да не постыжуся, яко призвах Тя: да постыдятся нечестивии и снидут во ад. 19 Немы да будут устны льстивыя, глаголюшыя на праведнаго беззаконие, гордынею и уничижением. 20 Коль многое множество благости Твоея, Господи, юже скрыл еси боящымся Тебе, соделал еси уповающым на Тя пред сыны человеческими. 21 Скрыеши их в тайне лица Твоего от мятежа человеческа, покрыещи их в крове от пререкания язык. <sup>22</sup> Благословен Господь, яко удиви милость Свою во граде ограждения. 23 Аз же рех во изступлении моем: отвержен есмь от лица очию Твоею: сего ради услышал еси глас молитвы моея, внегда воззвах к Тебе. 24 Возлюбите Господа, вси преподобнии Его, яко истины взыскает Господь, и воздает излише творящым гордыню. <sup>25</sup> Мужайтеся, и да крепится сердце ваше, вси уповаюшии на Господа.

## Псалом Давиду, разума, 31

<sup>1</sup> Блаже́ни, и́хже оста́вишася беззако́ния и и́хже прикры́шася греси́. <sup>2</sup> Блаже́н муж, ему́же не вменит Господь греха, ниже есть во усте́х его лесть. 3 Яко умолча́х, обетшаша кости моя, от еже звати ми весь день. 4 Яко день и нощь отяготе на мне рука Твоя, возвратихся на страсть, егда унзе ми терн. 5 Беззаконие мое познах и греха моего не покрых, рех: исповем на мя беззаконие мое Госполеви, и Ты оставил еси нечестие сердца моего. 6 За то помолится к Тебе всяк преподобный во время благопотребно: обаче в потопе вод многих к нему не приближатся. <sup>7</sup> Ты еси прибежище мое от скорби обдержащия мя: радосте моя, избави мя от обыше́дших мя. 8 Вразумлю́ тя и наставлю тя на путь сей, воньже пойдеши, утвержу на тя очи Мои. 9 Не будите яко конь и меск, имже несть разума: броздами и уздою челюсти их востя́гнеши, не приближающихся к тебе.

<sup>10</sup> Мно́ги ра́ны грешному, упова́ющаго же на Господа милость обы́дет. <sup>11</sup> Весели́теся о Господе, и ра́дуйтеся, пра́веднии, и хвали́теся, вси правии сердцем.

#### Слава:

#### Молитвы по 4-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 7-й:

Смиренную мою душу посети, Господи, во гресех все житие иждившую: имже образом блудницу, приими и мене, и спаси мя.

Препла́вая пучи́ну настоящаго жития́, помышля́ю бе́здну многих моих зол, и не име́яй окорми́теля помышле́ний, Петров провещава́ю Ти глас: спаси́ мя, Христе, спаси́ мя, Боже, яко Человеколю́беп.

Слава: Скоро совни́дем в неве́стник Христов, да вси услышим блаженный глас Христа Бога нашего: прииди́те, лю́бящии Небесную славу, соприча́стницы бы́вше мудрых дев, уясни́вше свещы́ на́шя верою.

И ныне: Душе, покайся прежде исхода твоего, суд неумытен грешным есть и нестерпимый. Возопий Господу во умилении сердца: согреших Ти в ведении и не в ведении, Щедрый, молитвами Богородицы ущедри и спаси мя.

Господи, помилуй (40 раз) и мо-

Тебе, Господи, Единому Благому и Непамятозлобному, исповедаю грехи моя, Тебе припадаю вопия, недостойный: согреших, Господи, согреших и несмь достоин воззрети на высоту небесную от множества неправд моих. Но, Господи мой, Господи, даруй ми слезы умиле-

ния, Единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет, и никтоже в помощь спутствуяй или избавляяй. Тем припадаю Твоей благости, не предаждь обидящым мя, ниже да похвалятся о мне врази мои, Благий Господи, ниже да рекут: в руки нашя пришел еси, и нам предан еси. Ни, Господи, не забуди щедрот Твоих и не воздаждь ми по беззаконием моим, и не отврати лица Твоего от мене: но Ты, Господи, накажи мя обаче милостию и щедротами. Враг же мой да не возрадуется о мне, но угаси его на мя прещения и все упраздни его действо, и даждь ми к Тебе путь неукорный, Благий Господи: зане-

#### Молитвы по 4-й кафисме

же и согрешив, не прибегох ко иному врачу, и не прострох руки моей к богу чуждему. Не отрини убо моления моего, но услыши мя Твоею благостию и утверди мое сердце страхом Твоим, и да будет благодать Твоя на мне, Господи, яко огнь попаляяй нечистыя во мне помыслы. Ты бо еси, Господи, свет, паче всякия радости; упокоение, паче всякия радости; упокоение, паче всякаго упокоения; жизнь истинная и спасение, пребывающее во веки веков, аминь.





# КАФИСМА 5

## Псалом Давиду, не надписан у еврей, 32

<sup>1</sup> Радуйтеся, праведнии, о Господе, правым подобает похвала, 2 Исповедайтеся Господеви в гуслех. во псалтири десятоструннем пойте Ему. <sup>3</sup> Воспойте Ему песнь нову, добре пойте Ему со восклицанием: 4 яко право слово Господне, и вся дела́ Его в вере. 5 Любит милостыню и суд Господь, милости Господни исполнь земля. 6 Словом Господним небеса утвердишася, и духом уст Его вся сила их. 7 Собираяй я́ко мех во́ды морския, полага́яй в сокровищах бездны. 8 Да убойтся Господа вся земля, от Негоже да подвижутся вси живущии по вселе́нней. 9 Яко Той рече́, и бы́ша, Той повеле, и создащася. 10 Господь разоряет советы языков, отметает же мысли людей, и отметает советы князей. 11 Совет же Господень во век пребывает, помышления сердца Его в род и род. 12 Блажен язык, емуже есть Господь Бог его, люди, яже избра в наследие Себе. 13 С Небесе призре Господь, виде вся сыны человеческия. <sup>14</sup> От готоваго жилища Своего призре на вся живущыя на земли. 15 Создавый наедине сердца их, разумеваяй на вся дела их. 16 He спасается царь многою силою, и исполин не спасется множеством крепости своея. 17 Лож конь во спасение, во множестве же силы своея не спасется. 18 Ce очи Господни на боящыяся Его, уповающыя на милость Его. 19 Избавити от смерти душы их, и препитати я в глад. 20 Душа́ же наша чает Господа, я́ко Помо́щник и Защи́титель наш есть. <sup>21</sup> Яко о Нем возвесели́тся се́рдце на́ше, и во и́мя свято́е Его упова́хом. <sup>22</sup> Бу́ди, Господи, ми́лость Твоя́ на на́с, я́коже упова́хом на Тя.

Псалом Давиду, внегда измени лице свое пред Авимелехом, и отпусти его, и отъиде, 33

<sup>2</sup> Благословлю́ Господа на вся́кое вре́мя, вы́ну хвала́ Его во усте́х мои́х. <sup>3</sup> О Господе похва́лится душа́ моя́, да услы́шат кро́тцыи и возвеселя́тся. <sup>4</sup> Возвели́чите Господа со мно́ю и вознесе́м и́мя Его вку́пе. <sup>5</sup> Взыска́х Господа и услы́ша мя, и от всех скорбе́й моих изба́ви мя. <sup>6</sup> Приступи́те к Нему́ и просвети́теся, и ли́ца ва́ша не постыдя́тся. <sup>7</sup> Сей ни́щий воззва́, и Господь услы́ша и́, и от всех скорбе́й его спасе́ и́. <sup>8</sup> Ополчи́тся Ангел Госпо́день

о́крест боящихся Его, и избавит их. 9 Вкусите и видите, яко благ Господь: блажен муж, иже уповает Нань. <sup>10</sup> Бойтеся Господа, вси святии Его, яко несть лишения боящымся Его́. 11 Бога́тии обнища́ша и взалкаща, взыскающии же Господа не лишатся всякаго блага. 12 Приидите, чада, послушайте мене, страху Господню научу вас. 13 Кто есть челове́к хотя́й живо́т, любяй дни видети благи? 14 Удержи язык твой от зла, и устне твой, еже не глаголати льсти. 15 Уклонися от зла и сотвори благо. Взыщи ми́ра, и пожени́ и́, 16 Очи Господни на праведныя, и уши Его в молитву их. 17 Лице же Госполне, на творящыя злая, еже потребити от земли память их. 18 Воззваща праведнии, и Господь услыша их, и от всех скорбей их избави их. 19 Близ Господь сокрушенных сердцем, и смире́нныя ду́хом спасе́т. <sup>20</sup> Мно́ги ско́рби пра́ведным, и от всех их изба́вит я́ Господь. <sup>21</sup> Храни́т Господь вся ко́сти их, ни еди́на от них сокрушится. <sup>22</sup> Смерть гре́шников люта́, и ненави́дящии пра́веднаго прегреша́т. <sup>23</sup> Изба́вит Господь ду́ши раб Свои́х, и не прегреша́т вси, упова́ющии на Него́.

#### Слава:

## Псалом Давиду, 34

<sup>1</sup> Суди, Господи, обидящыя мя, побори борющыя мя. <sup>2</sup> Приими оружие и щит, и востани в помощь мою. <sup>3</sup> Изсуни мечь, и заключи сопротив гонящих мя. Рцы души моей: спасение твое еемь Аз. <sup>4</sup> Да постыдятся и посрамятся ищущии душу мою, да возвратятся вспять и постыдятся мыслящии ми злая.
<sup>5</sup> Да будут яко прах пред лицем

ветра, и Ангел Господень оскорбляя их. 6 Да бу́дет путь их тма и ползок, и Ангел Господень погоняяй их: 7 яко туне скрыша ми пагубу сети своея, всуе поносища души моей. 8 Да приидет ему сеть, юже не весть, и ловитва, юже скры, да объимет и, и в сеть да впадет в ню. 9 Душа́ же моя́ возра́дуется о Госполе, возвеселится о спасении Его. 10 Вся кости моя рекут: Господи, Господи, кто подобен Тебе́? Избавляяй нища из руки́ крепльших его, и нища, и убога от расхищающих его. 11 Воставше на мя свидетеле неправеднии, яже не ве́дях, вопроша́ху мя. 12 Возда́ша ми лукавая воз благая, и безчадие души моей. <sup>13</sup> Аз же, внегда они стужаху ми, облачахся во вретише, и смирях постом душу мою, и молитва моя в недро мое возвратится. 14 Яко ближнему, яко брату нашему, тако угождах, яко плача и сетуя, тако смиряхся. 15 И на мя возвеселищася и собращася: собрашася на мя раны, и не познах, разделищася, и не умилищася. 16 Искуси́ша мя, подражни́ша мя подражнением, поскрежетаща на мя зубы своими. 17 Господи, когда узриши? Устрой душу мою от злодейства их, от лев единородную мою. <sup>18</sup> Исповемся Тебе в церкви мнозе, в людех тяжцех восхвалю Тя. 19 Да не возрадуются о мне враждующии ми неправедно, ненави́дящии мя ту́не и помиза́ющии очима. 20 Яко мне убо мирная глаголаху и на гнев лести помышляху. 21 Разширища на мя уста своя, реша: благоже, благоже, видеша очи наши. <sup>22</sup> Ви́дел еси́, Господи, да не премолчищи: Господи, не отступи от мене. 23 Востани. Господи, и вонми суду моему, Боже

мой и Господи мой, на прю мою. 24 Суди ми, Господи, по правде Твоей. Господи Боже мой, и да не возрадуются о мне. 25 Да не рекут в сердцах своих: благоже, благоже луши нашей, ниже да рекут: пожро́хом его. <sup>26</sup> Да постыдя́тся и посрамятся вкупе радующиися злом моим, да облекутся в студ и срам велеречующии на мя. <sup>27</sup> Да возрадуются и возвеселятся хотящии правды моея, и да рекут выну: да возвеличится Господь, хотящии мира рабу Его. 28 И язык мой поучится правде Твоей, весь день хвале Твоей.

## В конец, отроку Господню Давиду, 35

<sup>2</sup> Глаго́лет пребеззако́нный согреша́ти в себе: несть страха Божия пред очи́ма его. <sup>3</sup> Яко ульсти́ пред ним обрести беззаконие свое и возненавидети. 4 Глаголы уст его беззаконие и лесть, не восхоте разумети еже ублажити. <sup>5</sup> Беззаконие помысли на ложи своем: предста всякому пути неблагу, о злобе же не негодова́. 6 Господи, на Небеси́ милость Твоя и истина Твоя до облак. 7 Правда Твоя, яко горы Божия, судьбы Твоя бездна многа. Человеки и скоты спасещи. Госполи. <sup>8</sup> Яко умножил еси милость Твою, Боже, сынове же человечестии в крове крилу Твоею надеятися имут. 9 Упиются от тука дому Твоего, и потоком сладости Твоея напоиши я. 10 Яко у Тебе источник живота, во свете Твоем узрим свет. <sup>11</sup> Пробави милость Твою ве́дущым Тя и правду Твою правым сердцем. 12 Да не прийдет мне нога гордыни, и рука грешнича да не подвижит мене́. 13 Тамо падоша вси делающии беззаконие: изриновени быша, и не возмогут стати.

#### Слава:

# Псалом Давиду, 36

1 Не ревнуй лука́внующым, ниже́ завиди творящым беззаконие. 2 Зане яко трава скоро изсшут, и яко зелие злака скоро отпадут. 3 Уповай на Господа и твори благостыню, и насели землю, и упасещися в богатстве ея. 4 Насладися Господеви, и даст ти прошения сердца твоего. <sup>5</sup> Открый ко Господу путь твой и уповай на Него, и Той сотворит: 6 и изведет, яко свет, правду твою и судьбу твою, яко полудне, <sup>7</sup> Повинися Господеви и умоди Его. Не ревнуй спеющему в пути своем человеку, творящему законопреступление. 8 Престани гнева и остави ярость, не ревнуй е́же лука́вновати. 9 Зане́ лука́внующии потребятся, терпящии же Господа, ти́и насле́дят зе́млю. 10 И еще мало, и не будет грешника, и взыщеши место его, и не обрящеши. 11 Кротпыи же наследят землю и насладятся о множестве мира. 12 Назира́ет грешный пра́веднаго и поскрежещет нань зубы своими. <sup>13</sup> Господь же посмеется ему, зане прозирает, яко прийдет день его. <sup>14</sup> Мечь извлеко́ша гре́шницы, напрягоша лук свой, низложити убога и нища, заклати правыя сердцем. 15 Мечь их да внидет в сердца их, и луцы их да сокрушатся. 16 Лучше малое праведнику, паче богатства грешных многа. 17 Зане мышцы грешных сокрушатся, утверждает же праведныя Господь. 18 Весть Господь пути непорочных, и достояние их в век будет. 19 Не постыдя́тся во время

лютое, и во днех глада насытятся, яко грешницы погибнут. 20 Врази же Господни, купно прославитися им и вознестися, исчезающе яко дым исчезоща. <sup>21</sup> Заемлет грешный и не возвратит, праведный же ще́дрит и дает. 22 Яко благословя́щии Его наследят землю, кленущии же Его потребятся. 23 От Господа стопы человеку исправляются, и пути его восхощет зело. <sup>24</sup> Егда падет, не разбиется, яко Господь подкрепляет руку его. <sup>25</sup> Юнейший бых, ибо состарехся, и не видех праведника оставлена, ниже семени его просяща хлебы. <sup>26</sup> Весь день милует и взаим дает праведный, и семя его во благословение будет. <sup>27</sup> Уклонися от зла и сотвори благо, и вселися в век века. 28 Яко Господь любит суд и не оставит преподобных Своих, во век сохранятся. Беззаконницы же из-

женутся, и семя нечестивых потребится. <sup>29</sup> Праведницы же наследят землю и вселя́тся в век века на ней. 30 Уста праведнаго поучатся премудрости, и язык его возглаголет суд. <sup>31</sup> Закон Бога его в сердце его, и не запнутся стопы его. 32 Сматряет грешный праведнаго и ищет е́же умертвити его. 33 Господь же не оставит его в руку его, ниже осу́дит его, егда́ су́дит ему. 34 Потерпи Господа и сохрани путь Его, и вознесет тя еже наследити землю, внегда потреблятися грешником узриши. 35 Видех нечестиваго превозносящася и высящася, яко ке́дры Лива́нския. 36 И мимоидо́х, и се не бе, и взысках его, и не обретеся место его. <sup>37</sup> Храни незлобие и виждь правоту, яко есть останок человеку мирну. 38 Беззаконницы же потребятся вкупе: останцы же нечестивых потребятся.

<sup>39</sup> Спасе́ние же пра́ведных от Господа, и Защи́титель их есть во вре́мя ско́рби. <sup>40</sup> И помо́жет им Господь, и иза́а́вит их, и и́змет их от гре́шник, и спасе́т их, я́ко упова́ша на Hero.

#### Слава:

## Молитвы по 5-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 5-й:

Страшный Твой Престо́л, лукавое мое житиє́: и кто мя избавит тогда́шния ну́жды, а́ще не Ты поми́луеши мя, Христе Боже, яко Щедр и Человеколюбец?

Слава: Попечение жития изгна мя рая, и что сотворю, отчаянный? Сего́ ради толку́ во врата́ и зову:

Господи, Господи, отверзи ми покая́нием и спаси́ мя.

И ныне: Кий наречем храм Твой, Богоро́дице? Приста́нище ли духовное? Или́ рай сладости Небе́сныя, хода́тайствен жизни неконча́емыя? Вся бо и́маши до́брая, всегда моли́ся Христу спастися душа́м нашым.

Господи, помилуй (40 раз) и молитва:

Боже Праведный и Хва́льный, Боже Великий и Крепкий, Боже Преве́чный, услыши гре́шнаго му́жа молитву в час сей: услыши мя, обеща́вый услы́шати во и́стине Тя призыва́ющих, и не омерзи́ мя, нечистыя устне́ иму́ща и во гресе́х содержи́ма, упование всех конце́в земли и странствующих дале́че. Приими́ оружие и щит и воста́ни в помощь мою: изле́й мечь и заключи́ сопроти́в гона́щих мя. Запрети нечистым духовом от лица безумия моего, и да отлучится от моея мысли дух ненависти и злопомнения, дух зависти и лести, дух боязни и уныния, дух гордости и всякия иныя злобы: и да угаснет всякое разжжение и движение плоти моея, от диавольскаго действа составляемое, и да просветится моя душа и тело, и дух светом Твоего Божественнаго познания: да множеством щедрот Твоих достигну соединения веры, в мужа совершенна, в меру возраста, и прославлю со Ангелы и всеми святыми Твоими всечестное и великолепое имя Твое, Отца и Сына и Святаго Луха, ныне и присно, и во веки веков, аминь.





# КАФИСМА 6

# Псалом Давиду, в воспоминание о субботе, 37

<sup>2</sup> Господи, да не я́ростию Твое́ю обличищи мене, ниже гневом Твоим накажеши мене́. 3 Яко стре́лы Твоя унзоша во мне, и утвердил еси на мне руку Твою. 4 Несть исцеления в плоти моей от лица гнева Твоего, несть мира в костех моих от лица грех моих. 5 Яко беззакония моя превзыдоща главу мою, яко бремя тяжкое отяготеща на мне. 6 Возсмердеща и согнища раны моя от лица безумия моего. 7 Пострадах и слякохся до конца, весь день сетуя хождах. 8 Яко дялвия моя наполнишася поруганий. и несть испеления в плоти моей. 9 Озлоблен бых и смирихся до зела, рыках от воздыхания сердца моего. 10 Господи, пред Тобою все желание мое и воздыхание мое от Тебе не утайся. 11 Сердце мое смятеся, остави мя сила моя, и свет очию моею, и той несть со мною. 12 Друзи мои и искреннии мои прямо мне приближишася и сташа, 13 и ближнии мои отдалече мене сташа, и нуждахуся ищущии душу мою, и ищущии злая мне глаголаху суетная и льстивным весь день поучахуся. <sup>14</sup> Аз же я́ко глух не слы́шах и яко нем не отверзаяй уст своих. 15 И бых яко человек не слышай и не имый во устех своих обличения. <sup>16</sup> Яко на Тя, Господи, уповах, Ты услышиши, Господи Боже мой. 17 Яко рех: да не когда порадуют ми ся врази мои: и внегда подвижатися ногам моим, на мя велеречеваща. 18 Яко аз на раны готов, и болезнь моя предо мною есть выну. <sup>19</sup> Яко беззаконие мое аз возвещу и попекуся о гресе моем. <sup>20</sup> Врази же мои живут и укрепинася пачемене, и умножишася ненавидящии ми без правды. <sup>21</sup> Воздающии ми злая возблагая, оболгаху мя, зане гонях благостыно. <sup>22</sup> Не остави мене, Господи Боже мой, не отступи от мене. <sup>23</sup> Вонми в помощь мою, Господи спасения моего.

## В конец, Идифуму, песнь Давиду, 38

<sup>2</sup> Рех: сохраню пути моя, е́же не согреша́ти ми язы́ком моим: положи́х усто́м моим храни́ло, внегда́ воста́ти грешному предо мною. <sup>3</sup> Онеме́х и смири́хся, и умолча́х от благ, и болезнь моя обнови́ся. <sup>4</sup> Согре́яся сердце мое во мне, и в поуче́нии моем разгори́тся огнь. Глаго́лах язы́ком моим: <sup>5</sup> скажи ми, Господи, кончину мою и число

дней моих, кое есть? Да разумею, что лишаюся аз? 6 Се пяди положил еси дни моя, и состав мой яко ничтоже пред Тобою, обаче всяческая суета всяк человек живый. <sup>7</sup> Убо образом ходит человек, обаче всуе мятется: сокровищствует, и не весть, кому соберет я́. 8 И ныне кто терпение мое, не Господь ли? И состав мой от Тебе есть, 9 От всех беззаконий моих избави мя, поношение безумному дал мя еси. 10 Онемех и не отверзох уст моих, яко Ты сотвори́л еси́. 11 Отста́ви от мене раны Твоя: от крепости бо руки Твоея аз изчезох. 12 Во обличениих о беззаконии наказал еси человека и истаял еси, яко паучину, душу его: обаче всуе всяк человек. 13 Услыши молитву мою, Господи, и моление мое внуши, слез моих не премолчи: яко пресельник аз есмь у Тебе и пришлец,

я́коже вси отцы мои. 14 Осла́би ми, да почи́ю, прежде даже не отъиду́, и ктому́ не буду.

# В конец, псалом Давиду, 39

<sup>2</sup> Терпя́, потерпе́х Господа, и внят ми, и услыша молитву мою. 3 И возведе мя от рова страстей, и от брения тины, и постави на камени нозе мои, и исправи стопы моя, 4 и вложи во уста моя песнь нову, пение Богу нашему. Узрят мнози и убоятся, и уповают на Госпола. 5 Блажен муж, емуже есть имя Господне упование его, и не призре в суеты и неистовления ложная. 6 Многа сотворил еси Ты, Господи, Боже мой, чудеса Твоя и помышлением Твоим несть кто уподобится Тебе: возвестих и глаголах, умножищася паче числа. 7 Же́ртвы и приношения не восхотел еси, тело же свершил ми еси, всесожжений

и о гресе́ не взыска́л еси́. 8 Тогда рех: се прииду, в главизне книжне писано есть о мне: 9 еже сотворити во́лю Твою, Боже мой, восхоте́х, и закон Твой посреде чрева моего. 10 Благовести́х правду в це́ркви велицей, се устнам моим не возбраню: Господи, Ты разумел еси. 11 Правду Твою не скрых в сердце моем, истину Твою и спасение Твое рех, не скрых милость Твою и истину Твою от сонма многа. 12 Ты же, Господи, не удали щедрот Твоих от мене: милость Твоя и истина Твоя выну да заступите мя. 13 Яко одержаща мя злая, имже несть числа, постигоща мя беззакония моя, и не возмогох зрети, умножишася паче влас главы моея, и сердце мое остави мя. 14 Благоволи, Господи, избавити мя: Господи, во еже помощи ми вонми. 15 Да постыдятся и посрамятся вкупе ищущии ду́шу мою изъя́ти ю́, да возвратя́тся вспять и постыдя́тся хотя́щии ми зла́я. ¹в Да прии́мут а́бие студ свой глаго́лющии ми: бла́гоже, бла́гоже. ¹¹ Да возра́дуются и возвессля́тся о Тебе вси и́щущии Тебе, Господи, и да реку́т вы́ну: да возвели́чится Господь, лю́бящии спасе́ние Твое. ¹в Аз же нищ есмь и убог, Господь попечется о мес. Помо́щник мой и Защи́титель мой еси́ Ты, Боже мой, не закосни́.

#### Слава:

# В конец, псалом Давиду, 40

<sup>2</sup> Блаже́н разумева́яй на ни́ща и убо́га, в день лют изба́вит его Господь. <sup>3</sup> Господь да сохрани́т его и живи́т его, и да ублажи́т его на земли́, и да не преда́ст его в ру́ки враго́в его. <sup>4</sup> Господь да помо́жет ему на одре́ боле́зни его: все ло́же

его обратил еси в болезни его. 5 Аз рех: Господи, помилуй мя, исцели душу мою, яко согреших Ти. 6 Врази мои реша мне здая: когда умрет и погибнет имя eго? <sup>7</sup> И вхождаще видети, всуе глаголаще сердце его, собра беззаконие себе, исхождаще вон и глаголаще вкупе. 8 На мя шептаху вси врази мои, на мя помышля́ху злая мне. 9 Сло́во законопреступное возложища на мя: еда спяй не приложит воскреснути? 10 Ибо человек мира моего, на негоже уповах, ядый хлебы моя, возвеличи на мя запинание. 11 Ты же, Господи, помилуй мя и возстави мя и воздам им. 12 В сем познах. яко восхоте́л мя еси, яко не возра́дуется враг мой о мне. 13 Мене же за незлобие приял и утвердил мя еси пред Тобою в век. 14 Благословен Господь Бог Израилев от века и до века: буди, буди.

#### В конец, в разум сынов Кореовых, псалом Давиду, не надписан у еврей, 41

<sup>2</sup> Имже образом желает елень на источники водныя, сице желает душа моя к Тебе, Боже, <sup>8</sup> Возжада душа моя к Богу Крепкому, Живому: когда прииду и явлюся лицу Божию? 4 Быша слезы моя мне хлеб день и нощь, внегда глаголатися мне на всяк день: где есть Бог твой? 5 Сия помянух и излиях на мя душу мою, яко пройду в место селения дивна, даже до дому Божия, во гласе радования и исповедания шума празднующаго. 6 Вскую прискорбна еси, душе моя? И вскую смущаещи мя? Уповай на Бога, яко исповемся Ему, спасение лица моего, и Бог мой, <sup>7</sup> Ко мне самому́ душа́ моя́ смяте́ся: сего ради помянух Тя от земли Иордански и Ермониймски, от горы малыя. 8 Бездна бездну призывает во гласе хлябий Твоих, вся высоты Твоя и волны Твоя на мне преидоща. 9 В день заповесть Господь милость Свою, и ношию песнь Его от мене, молитва Богу живота моего́, 10 Реку́ Богу: Засту́пник мой еси, почто мя забыл еси? И вскую сетуя хожду, внегда оскорбляет враг? 11 Внегда сокрушатися костем моим, поношаху ми врази мои, внегда глаголати им мне на всяк день: где есть Бог твой? 12 Вскую прискорбна еси, душе моя? И вскую смушаещи мя? Уповай на Бога, яко исповемся Ему, спасение лица моего, и Бог мой.

### Псалом Давиду, не надписан у еврей, 42

¹ Суди́ ми, Боже, и разсуди́ прю мою́: от языка непреподобна, от челове́ка неправедна и льсти́ва избави мя. 2 Зане Ты еси, Боже, Крепость моя, вскую отринул мя еси? И вскую сетуя хожду, внегда оскорбляет враг? 3 Посли свет Твой и истину Твою, та мя настависта и введоста мя в гору святую Твою и в селения Твоя. <sup>4</sup> И вниду к жертвеннику Божию, к Богу веселящему юность мою, исповемся Тебе в гуслех, Боже, Боже мой. 5 Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

#### Слава:

### В конец, сынов Кореовых, в разум, 43

<sup>2</sup> Боже, ушима нашима услышаком, и отцы наши возвестиша нам дело, е́же соде́лал еси во днех их, во днех дре́вних. <sup>3</sup> Рука́ Твоя язы́- ки потреби, и насадил я еси, озлобил еси люди и изгнал еси я. 4 Не бо мечем своим наследища землю. и мышца их не спасе их, но лесница Твоя, и мышца Твоя, и просвещение лица Твоего, яко благоводил еси в них. 5 Ты еси Сам Царь мой и Бог мой, заповедаяй спасения Иаковля. 6 О Тебе враги нашя избодем роги, и о имени Твоем уничижим востающыя на ны. 7 Не на лук бо мой уповаю, и меч мой не спасет мене. 8 Спасл бо еси нас от стужающих нам, и ненавидящих нас посрами́л еси. 9 О Бозе похвалимся весь день и о имени Твоем исповемыся во век. <sup>10</sup> Ныне же отринул еси и посрамил еси нас, и не изыдеши, Боже, в силах наших. 11 Возвратил еси нас вспять при вразе́х наших, и ненави́дящии нас расхищаху себе, 12 Дал еси нас яко овцы снеди, и во языщех разсеял

ны еси. 13 Отдал еси люди Твоя без цены, и не бе множество в восклицаниих наших. 14 Положил еси нас поношение соседом нашым, подражнение и поругание сущым окрест нас. 15 Положил еси нас в притчу во языщех, покиванию главы в людех. <sup>16</sup> Весь день срам мой предо мною есть, и студ лица моего покры мя, 17 от гласа поношающаго и оклеветающаго, от лица́ вражия и изгоня́щаго. 18 Сия́ вся приидоща на ны, и не забыхом Тебе, и не неправдовахом в завете Твоем. 19 И не отступи вспять сердце наше, и уклонил еси стези нашя от пути Твоего. <sup>20</sup> Яко смирил еси нас на месте озлобления, и прикры ны сень смертная. <sup>21</sup> Аще забыхом имя Бога нашего и аще воздехом руки нашя к богу чуждему. 22 He Бог ли взыщет сих? Той бо весть тайная сердца. 23 Зане Тебе ради умерщвля́емся весь день, вмени́хомся яко овцы заколе́ния. <sup>24</sup> Воста́ни, вску́ю спи́ши, Господи? Воскресни́ и не отри́ни до конца́. <sup>25</sup> Вску́ю лице́ Твое отвраща́еши? Забыва́еши нищету́ на́шу и скорбь на́шу? <sup>26</sup> Яко смири́ся в персть душа́ на́ша, прильпе́ земли́ утро́ба на́ша. <sup>27</sup> Воскресни́, Господи, помози́ нам и изба́ви нас и́мене ради Твоего.

## В конец, о изменяемых сыном Кореовым, в разум, песнь о возлюбленнем, 44

<sup>2</sup> Отры́гну се́рдце мое сло́во бла́го, глаго́лю аз дела́ моя царе́ви: язы́к мой трость кни́жника скоропи́сца. <sup>3</sup> Красе́н добро́тою па́че сыно́в челове́ческих, излия́ся благодать во устна́х Твоих, сего́ ра́ди благослови́ Тя Бог во век. <sup>4</sup> Препоя́ши мечь Твой по бедре́ Твоей, Си́льне. <sup>5</sup> Кра-

сотою Твоею и добротою Твоею, и наляцы, и успевай, и царствуй истины ради и кротости, и правды, и наставит Тя дивно десница Твоя. 6 Стрелы Твоя изощрены, сильне, людие под Тобою падут в сердцы враг царевых. 7 Престол Твой, Боже, в век века: жезл правости, жезл Царствия Твоего. 8 Возлюбил еси правду и возненавидел еси беззаконие, сего ради помаза Тя, Боже, Бог Твой елеем радости, паче причастник Твоих. 9 Смирна и стакти и кассиа от риз Твоих, от тяжестей слоновых, из нихже возвесели́ша Тя. 10 Дще́ри царе́й в чести Твоей, предста Царица одесную Тебе, в ризах позлащенных оде́яна преиспещре́на. 11 Слы́ши, Дщи, и виждь, и приклони ухо Твое, и забуди люди Твоя, и дом отца Твоего. 12 И возжелает Царь доброты Твоея: зане Той есть Гос-

подь Твой и поклонишися Ему. 13 И дши Ти́рова с да́ры, лицу́ Твоему помолятся богатии людстии. 14 Вся слава Дшере Царевы внутрь, рясны златыми одеяна и преиспещрена. 15 Приведутся Царю девы в след Ея, искренния Ея приведутся Тебе. 16 Приведутся в веселии и радовании, введутся в храм Парев. 17 Вместо отеп твоих быша сынове твои: поставиши я князи по всей земли. 18 Помяну имя Твое во всяком роде и роде. Сего ради людие исповедятся Тебе в век и во DOW DOWS

# В конец, о сынех Кореовых, о тайных, псалом 45

<sup>2</sup> Бог нам Прибежище и Сила, Помощник в скорбех, обретших ны зело. <sup>3</sup> Сего ради не убоймся, внегда смущается земля и прелагаются горы в сердца морская. <sup>4</sup> Возшуметоры в сердца морская. <sup>4</sup> Возшумеша и смятошася воды их, смятошася горы крепостию Ero. 5 Речная устремления веселят град Божий: освятил есть селение Свое Вышний. 6 Бог посреде его, и не подвижится: поможет ему Бог утро заутра. 7 Смятошася языцы, уклонишася царствия: даде глас Свой Вышний, подвижеся земля. 8 Господь сил с нами, Заступник наш Бог Иаковль. 9 Приидите и видите дела Божия, яже положи чудеса на земли: 10 отъемля брани до конец земли, лук сокрушит и сломит оружие, и шиты сожжет огнем. 11 Упразднитеся и разумейте, яко Аз есмь Бог: вознесуся во языцех, вознесуся на земли. 12 Господь сил с нами, Заступник наш Бог Иаковль.

#### Слава:

#### Молитвы по 6-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 3-й:

Хвалу приношу Ти, Господи, прегрешения моя вся возвещаю Ти, Боже, обратив помилуй мя.

Слава: Спаси мя, Боже мой, я́коже иногда мытаря́ спасл еси, и блудни́цы слез не презре́вый, и мое воздыхание приими́, Спа́се мой, и спаси́ мя.

И ныне: Рабски ныне притекаю к покрову Твоему, Пренепорочная: избави мя, Богородительнице, слия́ния страсте́й, яко безстра́стия Виновнаго ро́ждшая.

Господи, помилуй (40 раз) и молитва:

Благодари́м Тя, Го́споди Боже наш, о всех благодея́ниих Твоих,

яже от перваго возраста до настоящаго в нас, недостойных, бывших, о ихже вемы и не вемы, о явленных и неявленных, яже делом бывших, и словом: возлюбивый нас, якоже и Единороднаго Твоего Сына о нас дати изволивый, сподоби и нас достойны быти Твоея любве. Даждь словом Твоим мудрость и страхом Твоим вдохни крепость от Твоея силы, и аще что хотяще или не хотяще согрешихом, прости, и не вмени, и сохрани душу нашу святу, и представи ю Твоему Престолу, совесть имущу чисту, и конец достоин человеколюбия Твоего. И помяни, Господи, всех призывающих имя Твое во истине: помяни всех, блага или сопротивная нам хотящих: вси бо человецы есмы, и всуе всяк человек. Темже молимся Тебе, Господи: подаждь нам Твоего благоутробия велию милость.



#### КАФИСМА 7

# В конец, о сынех Кореовых,

<sup>2</sup> Вси языцы восплещите руками, воскликните Богу гласом радования. <sup>3</sup> Яко Господь Вышний страшен, Царь велий по всей земли. 4 Покори люди нам и языки под ноги нашя: 5 избра нам достояние Свое, доброту Иаковлю, юже возлюби. 6 Взыде Бог во воскликновении, Господь во гласе трубне. 7 Пойте Богу нашему, пойте, пойте Цареви нашему, пойте. <sup>8</sup> Яко Царь всея земли Бог, пойте разумно. 9 Воцарися Бог над языки, Бог седит на Престоле святем Своем. 10 Князи людстии собращася с Богом Авраамлим. Яко Божии державнии земли зело вознесощася.

#### Псалом, песни сынов Кореовых, вторыя субботы, 47

<sup>2</sup> Велий Господь и хвален зело во граде Бога нашего, в горе святей Ero. <sup>3</sup> Благокоре́нным ра́дованием всея земли: горы Сионския, ребра северова, град Царя Великаго. 4 Бог в тяжестех его знаемь есть, егла заступает и. 5 Яко се парие земстии собрашася, снидошася вкупе. 6 Тин видевше тако, удивишася, смятошася, подвигошася. <sup>7</sup> Трепет прият я: тамо болезни яко раждающия. 8 Духом бурным сокрушищи корабли Фарсийския. 9 Якоже слышахом, тако и видехом во граде Господа сил, во граде Бога нашего. Бог основа и в век. 10 Прияхом, Боже, милость Твою посреде людей Твоих. 11 По имени Твоему, Боже, тако и хвала Твоя на концах земли, правды исполны десница Твоя. 12 Да возвесели́тся

гора́ Сио́нская и да возра́дуются дще́ри Иуде́йския суде́б ради Твоих, Господи. <sup>13</sup> Обыди́те Сио́н и обыми́те его, пове́дите в столпе́х его. <sup>14</sup> Положи́те сердца́ ваша в силу Его и раздели́те до́мы Его, яко да пове́сте в ро́де ино́м. <sup>15</sup> Яко Той есть Бог наш во век и в век ве́ка, Той упасе́т нас во веки.

#### В конец, сыном Кореовым, псалом 48

<sup>2</sup> Услышите сия вси языцы, внушите вси живущии по вселенней: <sup>3</sup> земноро́днии же и сы́нове челове́честии, вку́пе богат и убог. <sup>4</sup> Уста́ моя возглаго́лют прему́дрость, и поуче́ние сердца моего разум. <sup>5</sup> Приклоню́ в при́тчу ухо мое, отве́рзу во псалти́ри гана́ние мое. <sup>6</sup> Вску́ю бою́ся, в день лют? Беззако́ние пяты́ моея́ обы́дет мя. <sup>7</sup> Наде́ющиися на силу свою и о мно́- жестве богатства своего хвалящиися, 8 брат не избавит, избавит ли человек? Не даст Богу измены за ся, <sup>9</sup> и цену избавления души своея, и утрудися в век. <sup>10</sup> И жив будет до конца, не узрит пагубы. 11 Егда увидит премудрыя умирающыя, вкупе безумен и несмыслен погибнут и оставят чуждим богатство свое. 12 И гроби их жилища их во век, селения их в род и род, нарекоша имена своя на земля́х. <sup>13</sup> И человек в че́сти сый не разуме, приложися скотом несмысленным и уполобися им. 14 Сей путь их соблазн им, и по сих во устех своих благоволят. 15 Яко́ овны во аде положени суть, смерть упасет я, и обладают ими правии заутра, и помощь их обетщает во аде, от славы своея изриновени быша. 16 Обаче Бог избавит душу мою из руки адовы, егда приемлет мя. <sup>17</sup> Не убойся, егда́ разбогате́ет человек или́ егда́ умно́жится сла́ва до́му его: <sup>18</sup> яко внегда́ умре́ти ему, не во́змет вся, ниже́ сни́дет с ним слава его. <sup>19</sup> Яко душа́ его в животе́ его благослови́тся: испове́стся тебе, егда́ благосотвори́ши ему. <sup>20</sup> Вни́дет даже до ро́да отец своих, даже до ве́ка не у́зрит света. <sup>21</sup> И человек в че́сти сый не разуме́, приложи́ся ското́м несмы́сленным и уподо́бися им.

#### Слава:

# Псалом Асафу, 49

<sup>1</sup> Богбогов Господь глагола, и призва землю, от восток солнца до запад. <sup>2</sup> От Сиона благоле́пие красоты́ Его. <sup>3</sup> Бог я́ве прии́дет, Бог наш, и не премолчи́т: отнь пред Ним возгори́тся, и о́крест Его буря зе́ль-

на. 4 Призовет Небо свыше и землю разсудити люди Своя. 5 Соберите Ему преподобныя Его, завещающыя завет Его о жертвах. 6 И возвестят небеса правду Его, яко Бог Судия есть, Услышите, людие Мои, и возглаголю вам, Израилю, и засвидетельствую тебе: Бог, Бог твой есмь Аз. 8 Не о жертвах твоих обличу тя, всесожжения же твоя предо Мною суть выну. 9 Не прииму от дому твоего тельцов, ниже от стад твоих козлов. 10 Яко Мои суть вси зверие дубравнии, скоти в гора́х и воло́ве. 11 Позна́х вся птицы небесныя, и красота сельная со Мною есть. 12 Аще взалчу, не реку тебе: Моя бо есть вселенная и исполнение ея. 13 Еда ям мяса юнча или кровь козлов пию? 14 Пожри Богови жертву хвалы и воздаждь Вышнему молитвы твоя. 15 И призови́ Мя в день скорби твоея, и изму тя, и прославиши Мя. 16 Грешнику же рече Бог: вскую ты поведаеши оправдания Моя и восприемлеши завет Мой усты твоими? 17 Ты же возненавидел еси наказание и отвергл еси словеса́ Моя вспять. 18 Аще ви́дел еси татя, текл еси с ним, и с прелюбодеем участие твое полагал еси. 19 Уста́ твоя умножища злобу, и язык твой сплеташе льщения. 20 Седя, на брата твоего клеветал еси и на сына матере твоея полагал еси соблазн. 21 Сия сотворил еси и умолчах, вознепщевал еси беззаконие, яко буду тебе подобен: обличу тя и представлю пред лицем твоим грехи́ твоя, <sup>22</sup> Разуме́йте убо сия, забывающии Бога, да не когда похитит, и не будет избавляяй. <sup>23</sup> Же́ртва хвалы́ просла́вит Мя, и тамо путь, имже явлю ему спасение Мое.

В конец, псалом Давиду, внегда внити к нему Нафану пророку, егда вниде

к Вирсавии, жене Уриеве, 50 <sup>3</sup> Помилуй мя, Боже, по велицей милости Твоей, и по множеству щедрот Твоих очисти беззаконие мое. 4 Наипаче омый мя от беззакония моего, и от греха моего очисти мя. 5 Яко беззаконие мое аз знаю, и грех мой предо мною есть выну, 6 Тебе Единому согреших и лукавое пред Тобою сотворих, яко да оправдишися во словесех Твоих, и победищи внегда судити Ти. 7 Се бо в беззакониих зачат есмь, и во гресе́х роди́ мя мати моя. 8 Се бо истину возлюбил еси, безвестная и тайная премудрости Твоея явил ми еси. 9 Окропиши мя иссопом, и очищуся, омыеши мя, и паче снега убелюся. 10 Слуху моему даси радость и веселие, возрадуются кости

смиренныя. 11 Отврати лице Твое от грех моих и вся беззакония моя очисти, 12 Сердце чисто созижди во мне, Боже, и дух прав обнови во утробе моей. <sup>13</sup> Не отвержи мене от лица Твоего, и Духа Твоего Святаго не отъими от мене. 14 Воздаждь ми радость спасения Твоего, и Духом владычним утверди мя. 15 Научу беззаконныя путем Твоим, и нечестивии к Тебе обратятся. 16 Избави мя от кровей, Боже, Боже спасения моего, возрадуется язык мой правде Твоей. 17 Госполи. устне мои отверзеши, и уста моя возвестят хвалу Твою. 18 Яко аще бы восхоте́л еси же́ртвы, дал бых убо: всесожжения не благоволиши. 19 Же́ртва Богу дух сокруше́н: сердце сокрушенно и смиренно Бог не уничижит. <sup>20</sup> Ублажи, Господи, благоволением Твоим Сиона, и да созиждутся стены Иерусалимския. <sup>21</sup> Тогда благоволи́ши же́ртву правды, возноше́ние и всесожега́емая: тогда возложа́т на олта́рь Твой тельцы́.

### Слава:

В конец, разума Давиду, внегда приити Допку Идумейску, и возвестити Саулу, и рещи ему: прииде Давид в дом Авимелехов, 51

<sup>3</sup> Что́ хва́лишися во зло́бе, сильне? Веззако́ние весь день, <sup>4</sup> непра́вду умы́сли язык твой, яко бри́тву изощре́ну сотвори́л еси́ лесть. <sup>5</sup> Возлюби́л еси́ зло́бу па́че благосты́ни, неправду не́же глаго́лати правду. <sup>6</sup> Возлюби́л еси́ вея глаго́лы пото́пныя, язык льстив. <sup>7</sup> Сего ради Бог разруши́т тя до конца, восто́ргнет тя, и пресели́т тя от селения твоего и корень твой от земли живых.

8 Узрят праведнии и убоятся, и о нем возсмеются и рекут: 9 се человек, иже не положи Бога Помощника себе, но упова на множество богатства своего, и возможе суетою своею. 10 Аз же яко маслина плодовита в дому Божии, уповах на милость Божию во век и в век века. 11 Исповемся Тебе во век, яко сотворил еси, и терплю имя Твое, яко благо пред преподобными Твоими.

# В конец, о Маелефе, разума Давиду, 52

<sup>2</sup> Рече́ безу́мен в сердце своем: несть Бог, растле́ша и омерзи́шася в беззако́ниих, несть творя́й благо́е. <sup>3</sup> Бог с Небео́е прини́че на сы́ны челове́ческия, ви́дети, а́ще есть разумева́яй или́ взыска́яй Бога? <sup>4</sup> Вси уклони́шася, вку́пе непотре́бни бы́ша, несть творя́й благо́е, несть

до единаго. <sup>5</sup> Ни ли уразуме́ют вси де́лающии беззако́ние, снеда́ющии люди моя в снедь хлеба? Го́спода не призва́ша. <sup>6</sup> Тамо устраши́шася стра́ха, иде́же не бе страх, я́ко Бог разсы́па кости человекоуго́дников: постыде́шася, яко Бог уничижи́ их. <sup>7</sup> Кто даст от Сио́на спасение Изра́илево? Внегда́ возврати́т Бог плене́ние людей Своих, возрадуется Иа́ков и возвесели́тся Израиль.

В конец, в песнех разума Давиду, внегда приити Зифеем, и рещи Саулови: не се ли Давид скрыся в нас? 53

<sup>8</sup> Боже, во имя Твое спаси мя и в силе Твоей суди ми. <sup>4</sup> Боже, услыши молитву мою, внуши глаголы уст моих. <sup>5</sup> Яко чуждии восташа на мя и крепцыи взыска́ша ду́шу мою, и не предложи́ша Бога пред собою. <sup>6</sup> Се бо Бог помогает ми, и

Господь Заступник души моей. <sup>7</sup> Отвратит злая врагом моим, истиною Твоею потреби их. <sup>8</sup> Волею пожру Тебе, исповемся имени Твоему, Господи, яко благо, <sup>9</sup> яко от всякия печали избавил мя еси, и на враги моя воззре око мое.

## В конец, в песнех разума Асафу, псалом 54

<sup>2</sup> Внуши, Боже, молитву мою и не пре́зри моле́ния моего. <sup>3</sup> Вонми́ ми и услыши мя: возскорбе́х печа́лию моею и смято́хся. <sup>4</sup> От гласа вра́жия и от стуже́ния гре́шнича, яко уклони́ша на мя беззако́ние и во гневе враждова́ху ми. <sup>5</sup> Сердце мое смяте́ся во мне, и боязнь смерти нападе́ на мя. <sup>6</sup> Страх и тре́пет при́де на мя, и покры́ мя тъма. <sup>7</sup> И рех: кто́ даст ми криле́, я́ко голуби́не? И полещу́, и почи́ю. <sup>8</sup> Се удали́хся бе́гая, и водвори́хся в

пустыни. 9 Чаях Бога, спасающаго мя от малоду́шия и от бури. 10 Потопи, Господи, и раздели языки их: яко видех беззаконие и пререкание во граде. 11 Днем и нощию обыдет и по стенам его. Беззаконие и труд посреде его, и неправда. 12 И не оскуде от стогн его лихва и лесть. 13 Яко аще бы враг поносил ми, претерпел бых убо, и аше бы ненавидяй мя на мя велеречевал. укры́л бых ся от него. 14 Ты же, человече равнодушне, владыко мой и знаемый мой, 15 иже купно наслаждался еси со мною брашен, в дому Божии ходихом единомышле́нием. 16 Да прии́дет же смерть на ня, и да снидут во ад живи, яко лукавство в жилищах их, посреде их. 17 Аз к Богу воззвах, и Господь услыша мя. <sup>18</sup> Вечер и заутра, и полу́дне пове́м, и возвещу́, и услы́шит глас мой. 19 Избавит миром душу мою от приближающихся мне, яко во мнозе бяху со мною. 20 Услышит Бог и смирит я, сый прежде век. Несть бо им изменения, яко не убоящася Бога, 21 Простре руку свою на воздаяние, осквернища завет Его. 22 Разделищася от гнева лица Его, и приближищася сердца их, умякнуша словеса их паче елеа, и та суть стрелы. 23 Возверзи на Господа печаль твою, и Той тя препитает, не даст в век молвы праведнику. <sup>24</sup> Ты же, Боже, низведеши их во студенец истления, мужие кровей и льсти не преполовят дний своих. Аз же, Господи, уповаю на Тя.

#### Слава:

# Молитвы по 7-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди

поми́луй *трижды*, Сла́ва, и ныне: Отче наш:

Таже тропари, глас 5-й:

Судий седя́щу, и Ангелом стоя́щим, трубе́ глася́щей, пла́мени горя́щу, что́ сотвори́ши, душе́ моя, ведома на суд? Тогда бо лю́тая твоя предста́нут, и та́йная облича́тся согрешения. Те́мже прежде конца возопи́й Судии́: Боже, очисти мя и спаси мя.

Слава: Вси побдим, и Христа усрящим со множеством еле́а и свещами светлыми, яко да черто́га внутрь сподо́бимся: и́же бо вне двере́й пости́гнувый, безде́льно Богови воззове́т: помилуй мя.

И ныне: На одре́ лежя́ согреше́ний многих, окрада́ем есмь в наде́жди спасения моего, ибо сон моея ле́ности хода́тайствует души́ моей му́ку. Но Ты, Боже, рожде́йся от Де́вы, воздви́гни мя к Твоему пе́нию, да сла́влю Тя.

Господи, помилуй (40 раз) и молитва:

Господи, Боже мой, яко Благ и Человеколюбец, многия милости сотворил еси со мною, яже не чаях видети, и что воздам Твоей благости, Господи мой, Господи? Благодарю Твое многопетое имя, благодарю Твое неисповедимое на мне благоутробие, благодарю безприкла́дное Твое долготерпение. И отныне заступи, и помози мне, и покрый мя, Владыко, от всех, еже не ктому согрешати пред Тобою: Ты бо веси естества моего удобопоползновенное, Ты веси безумие мое, Ты веси мною содеянная, яже в ведении и не в ведении, яже вольная и невольная, яже в нощи и во дни, и во уме, и мысли. Яко Благ убо и Человеколюбец Бог,

очи́сти я́ росо́ю милости Твоея, Преблаги́й Господи, и спаси́ нас и́мене ради Твоего свята́го, и́миже ве́си судьба́ми. Ты бо еси́ Свет и Истина, и Живо́т, и Тебе славу возсыла́ем, Отцу и Сыну и Святому Духу, ныне и присно и во ве́ки веков, аминь.





#### КАФИСМА 8

В конец, о людех, от святых удаленых, Давиду в столюписание, внегда удержаща и иноплеменницы в Гефе, псалом 55

<sup>2</sup> Поми́луй мя, Боже, яко попра́ мя человек, весь день боря́ стужи́ ми <sup>3</sup> Попра́ша мя врази́ мои весь день, я́ко мно́зи борющии мя с высоты. <sup>4</sup> В день не убою́ся, аз же упова́ю на Тя. <sup>5</sup> О Бо́зе похвалю́ словеса́ моя, на Бога уповах, не убою́ся, что́ сотвори́т мне плоть? <sup>6</sup> Весь день слове́с моих гнуша́хуся, на мя вся помышле́ния их на зло. <sup>7</sup> Вселя́тся и скры́ют, ти́и пя́ту мою сохраня́т, я́коже потерпе́ша ду́шу мою. <sup>8</sup> Ни о чесо́мже отри́не-

ши я, гневом люди низведеши. 9 Боже, живот мой возвестих Тебе, положил еси слезы моя пред Тобою, яко и во обетовании Твоем. 10 Да возвратя́тся врази́ мои вспять, воньже аще день призову Тя, се познах, яко Бог мой еси Ты. 11 О Бозе похвалю глагол, о Господе похвалю слово. 12 На Бога уповах, не убоюся, что сотворит мне человек? 13 Во мне, Боже, молитвы, я́же возда́м хвалы́ Твоея, 14 яко избавил еси душу мою от смерти, очи мои от слез, и нозе мои от поползновения, благоугожду пред Господем во свете живых.

В конец, да не растлиши, Давиду в столпописание, внегда ему отбегати от лица Саулова в пещеру, 56

<sup>2</sup> Помилуй мя. Боже, помилуй мя. яко на Тя упова душа моя, и на сень крилу Твоею надеюся, дондеже прейдет беззаконие. <sup>3</sup> Воззову к Богу Вышнему, Богу благодеявшему мне. <sup>4</sup> Посла с Небесе и спасе мя, даде в поношение попираюшыя мя, посла Бог милость Свою и истину Свою, 5 и избави душу мою от среды скимнов. Поспах смущен, сынове человечестии, зубы их оружия и стрелы, и язык их меч остр. 6 Вознесися на Небеса. Боже, и по всей земли слава Твоя. 7 Сеть уготоваща ногам моим и слякоша душу мою, ископаша пред лицем моим яму и впадоща в ню. <sup>8</sup> Готово сердце мое, Боже, готово сердце мое, воспою и пою во славе моей. 9 Востани слава моя, востани псалтирю и гусли, востану рано. <sup>10</sup> Исповемся Тебе в людех, Господи, воспою Тебе во языщех, 11 я́ко возвеличися до Небес милость Твоя, и даже до облак истина Твоя. <sup>12</sup> Вознеси́ся на Небеса́, Боже, и по всей земли́ слава Твоя.

## В конец, да не растлиши, Давиду в столпописание, 57

<sup>2</sup> Аще войстинну убо правду глаголете, правая судите, сынове человечестии. <sup>3</sup> Ибо в сердце беззаконие делаете на земли, неправду руки ваша сплетают. 4 Очуждищася грешницы от ложесн, заблудиша от чрева, глаголаша лжу. 5 Ярость их по подобию змиину, яко аспида глуха и затыкающаго ущи свои, <sup>6</sup> иже не услыщит гласа обавающих, обаваемь обавается от прему́дра. 7 Бог сокруши́т зу́бы их во устех их, членовныя львов сокрушил есть Господь. 8 Уничижатся яко вода мимотекущая, напряжет лук свой, дондеже изнемогут. 9 Яко воск растаяв отъймутся, паде огнь на них и не видеща солнца. <sup>10</sup> Прежде е́же разуме́ти те́рния вашего ра́мна, я́ко жи́вы, я́ко во гневе пожре́т я́. <sup>11</sup> Возвесели́тся пра́ведник, егда́ увидит отмще́ние, ру́це свои умы́ет в кро́ви грешника. <sup>12</sup> И рече́т человек: а́ще у́бо есть плод праведнику, у́бо есть Бог суда́ им на земли.

#### Слава:

В конец, да не растлиши, Давиду в столпописание, внегда посла Саул, и стреже дом его, еже умертвити его, 58

<sup>2</sup> Изми́ мя от враг моих, Боже, и от востающих на мя изба́ви мя. <sup>3</sup> Изба́ви мя от делающих беззако́ние и от муж крове́й спаси́ мя. <sup>4</sup> Яко се улови́ша ду́шу мою, нападо́ша на мя кре́ппыи, ниже́ беззако́ние мое, ниже́ грех мой, Господи. <sup>5</sup> Без беззако́ния теко́х и испра́- вих, востани в сретение мое и виждь. 6 И Ты, Господи Боже сил, Боже Израилев, вонми посетити вся языки, да не ущедриши вся делающыя беззаконие. 7 Возвратятся на вечер и взалчут, яко пес, и обы́дут град. 8 Се ти́и отвеща́ют усты своими, и меч во устнах их, яко кто слыша? 9 И Ты, Господи, посмеещися им, уничижищи вся языки. 10 Державу мою к Тебе сохраню, яко Ты, Боже, Заступник мой еси. 11 Бог мой, милость Его предварит мя, Бог мой, явит мне на вразе́х моих. 12 Не убий их. да не когда забудут закон Твой, расточи я силою Твоею и низведи я, Защитниче мой, Господи. 13 Грех уст их, слово устен их, и яти да будут в гордыни своей, и от клятвы и лжи возвестя́тся в кончи́не. 14 Во гневе кончины, и не будут и уведят, яко Бог владычествует Иаковом и концы земли. <sup>15</sup> Возвратя́тся на вечер, и вза́лчут, я́ко пес, и обы́дут град. <sup>16</sup> Ти́и разы́дутся я́сти. Аще ли же не насы́тятся, и поро́пщут. <sup>17</sup> Аз же воспою́ силу Твою и возра́дуюся зау́тра о милости Твоей, я́ко был еси́ Заступник мой и Прибе́жище мое в день скорби моея. <sup>18</sup> Помощник мой еси́, Тебе пою: я́ко Бог Заступник мой еси́, Воже мой, ми́лость моя.

В конец, о изменитися хотящих, в столпописание Давиду, в научение, внегда сожже средоречие Сирийское, и Сирию Совальскую, и возвратися Иоав, и порази Едома в дебри Солей дванадесять тысящ, 59

<sup>8</sup> Боже, отринул ны еси и низложил еси нас, разгневался еси, и уще́дрил еси нас. <sup>4</sup> Стрясл еси землю и смутил еси ю, исцели сокрушение ей, яко подвижеся. <sup>5</sup> Пока-

зал еси людем Твоим жестокая, напойл еси нас вином умиления. 6 Лал еси боящымся Тебе знамение, еже убежати от лица лука. <sup>7</sup> Яко да изба́вятся возлю́бленнии Твои, спаси десницею Твоею и услыши мя. 8 Бог возглагола во святем Своем: возрадуюся и разделю Сикиму, и юдоль жилищ размерю. 9 Мой есть Галаа́д, и Мой есть Манассий, и Ефрем крепость главы Моея, Иуда царь Мой. 10 Моа́в коноб упования Моего, на Идумею простру сапог Мой, Мне иноплеме́нницы покори́шася. 11 Кто введет мя во град ограждения? Или кто наставит мя до Идуме́и? 12 Не Ты ли, Боже, отринувый нас? И не изыщеши, Боже, в силах наших? 13 Даждь нам помощь от скорби, и су́етно спасение челове́ческо. 14 О Бозе сотворим силу, и Той уничижит стужающыя нам.

#### В конец, в песнех, Давиду псалом, 60

<sup>2</sup> Услыши, Боже, моление мое, вонми молитве моей. 3 От конец земли к Тебе воззвах, внегда уны сердце мое, на камень вознесл мя еси, наставил мя еси. 4 Яко был еси упование мое, столп крепости от лица вражия. 5 Вселюся в селении Твоем во веки, покрыюся в крове крил Твоих. 6 Яко Ты, Боже, услышал еси молитвы моя, дал еси достояние боящымся имене Твоего. 7 Дни на дни царевы приложиши, лета его до дне рода и рода. <sup>8</sup> Пребудет в век пред Богом, милость и истину Его кто взыщет? 9 Тако воспою имени Твоему во веки, воздати ми молитвы моя день от дне.

Слава:

# В конец, о Идифуме, псалом Давиду, 61

<sup>2</sup> Не Богу ли повинется луша моя? От Того бо спасение мое. 3 Ибо Той Бог мой и Спас мой, Заступник мой, не подвижуся наипаче. 4 Локоле належите на человека? Убиваете вси вы, яко стене преклонене, и оплоту возриновену. <sup>5</sup> Обаче цену мою совещаща отринути, текоща в жажди, усты своими благословляху и сердцем своим кленяху. 6 Обаче Богови повинися, душе моя, яко от Того терпение мое. 7 Ибо Той Бог мой и Спас мой, Заступник мой, не преселюся. 8 О Бозе спасение мое и слава моя. Бог помощи моея, и упование мое на Бога. 9 Уповайте на Него весь сонм люлей, излияйте пред Ним сердца ваша, яко Бог Помощник наш. 10 Обаче суєтни сынове человечестии, лживи сынове человечестии

в ме́рилех е́же непра́вдовати, ти́и от суеты́ вку́пе. <sup>11</sup> Не упова́йте на неправду и на восхище́ние не желайте. Богатство а́ще тече́т, не прилата́йте се́рдца. <sup>12</sup> Еди́ною глато́ла Бог, дво́я сия́ слы́шах, зане́ держа́ва Божия, <sup>13</sup> и Твоя, Господи, милость, я́ко Ты возда́си кому́ждо по дело́м его.

# Псалом Давиду, внегда быти ему в пустыни Иудейстей, 62

<sup>2</sup> Бо́же, Бо́же мой, к Тебе у́тренюю, возжада́ Тебе душа моя, коль мно́жицею Тебе плоть моя, в земли́ пу́сте и непрохо́дне, и безво́дне. <sup>3</sup> Та́ко во святе́м яви́хся Тебе, ви́дети силу Твою и славу Твою. <sup>4</sup> Яко лу́чши милость Твоя па́че живо́т, устне́ мои похвали́те Тя. <sup>5</sup> Та́ко благословлю́ Тя в животе́ моем, о и́мени Твоем воздежу́ ру́це мои. <sup>6</sup> Яко от ту́ка и ма́сти да испо́лнит-

ся душа моя, и устнама радости восхвалят Тя уста моя. 7 Ame поминах Тя на постели моей, на утренних поучахся в Тя. 8 Яко был еси Помощник мой, и в крове крилу́ Твоею возрадуюся. 9 Прильпе́ душа моя по Тебе, мене же прият десница Твоя. 10 Тии же всуе искаша душу мою, внидут в преисподняя земли, 11 предадятся в руки оружия, части лисовом будут. 12 Царь же возвеселится о Бозе, похвалится всяк кленыйся Им, я́ко загради́шася уста́ глаго́люших неправедная.

# В конец, псалом Давиду, 63

<sup>2</sup> Услыши, Боже, глас мой, внегда́ моли́ти ми ся к Тебе, от стра́ха вра́жия изми́ ду́шу мою. <sup>3</sup> Покры́й мя от со́нма лука́внующих, от мно́жества делающих неправду. <sup>4</sup> Иже изостри́ша, я́ко мечь, язы́ки своя,

напрягоша лук свой, вещь горьку, 5 состреляти в тайных непорочна, внезапу состреляют его и не убоятся. 6 Утвердища себе слово лукавое, поведаща скрыти сеть, реша: кто узрит их? 7 Испытаща беззаконие, исчезоща испытающии испытания, приступит человек, и сердце глубоко, в и вознесется Бог. Стрелы младенец быша язвы их, 9 и изнемого́ша на ня язы́цы их. Смутишася вси видящии их, 10 и убоя́ся всяк человек, и возвести́ша дела Божия, и творения Его разуме́ша. 11 Возвесели́тся праведник о Госполе и уповает на Него, и похвалятся вси правии сердцем.

#### Слава:

### Молитвы по 8-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди

поми́луй *трижды*, Сла́ва, и ныне: Отче наш:

Таже тропари, глас 5-й:

Во глубины мя греха поползшася, треволнение обуревает отчаяния, но предвари, Христе, яко Всесилен, Управителю всех, и ко пристанищу тихому устреми безстрастия, за благоутробие, Спасе, и спаси мя.

Слава: Душе́, я́же зде привре́менна, та́мо же ве́чна, зрю суди́лище, и на Престоле Судию́, и трепе́щу изрече́ния: про́чее, душе́, обрати́ся, суд непроща́емь.

И пыне: Наде́жде непаде́емых, по́моще безпо́мощных, заступление на Тя упова́ющих, святая Влады́чице Богоро́дице, по́мощь Твою низпосли́ нам.

Господи, помилуй (40 раз) и молитва:

Господи Щедрый и Милостивый, Долготерпеливе и Многомилостиве, внуши молитву и вонми гласу моления моего: сотвори со мною знамение во благо, настави мя на путь Твой, еже ходити во истине Твоей, возвесели сердце мое, во еже боятися имене Твоего Святаго, занеже велий еси, и творяй чудеса. Ты еси Бог Един, и несть подобен Тебе в бозех, Господи, Сильный в милости, и Благий в крепости, во еже помогати и утешати, и спасати вся уповаюшыя на имя Твое, Отца и Сына и Святаго Духа, ныне и присно, и во веки веков, аминь.



# M.M.M.M.M.M.M.M.M.

#### КАФИСМА 9

В конец, псалом песни Давиду, песнь Иеремиева и Иезекиилева, людей преселения, егда хотяху исходити. 64

<sup>2</sup> Тебе подобает песнь, Боже, в Сионе, и Тебе воздастся молитва во Иерусалиме. <sup>3</sup> Услыши молитву мою, к Тебе всяка плоть прийдет. 4 Словеса беззаконник премогоша нас, и нечестия наша Ты очистиши. 5 Блажен, егоже избрал еси и приял. вселится во дворех Твоих. Исполнимся во благих лому Твоего, свят храм Твой, 6 дивен в правде. Услыши ны. Боже. Спасителю наш, упование всех концей земли, и сущих в мори далече, 7 уготовляяй горы крепостию Своею, препоя́сан силою, 8 смуща́яй глубину морскую, шуму волн его кто постойт? Смятутся языцы, 9 и убоятся живущии в концах от знамений Твоих, исходы утра и вечера украси́ши. 10 Посети́л еси́ землю и упойл еси ю, умножил еси обогатити ю: река Божия наполнися вод. Уготовал еси пищу им, яко тако (есть) уготование. 11 Бразды ея упой, умножи жита ея, в каплях ея возвеселится возсияющи. 12 Благословищи венен лета благости Твоея, и поля Твоя исполнятся тука, <sup>13</sup> разботеют красная пустыни, и радостию холми препоящутся. 14 Одеящася овни овчии, и удолия умножат пшеницу, воззовут, ибо воспоют.

#### В конец, песнь псалма воскресения, 65

<sup>2</sup> Воскли́кните Го́сподеви, вся земля, пойте же и́мени Его, дади́те славу хвале́ Его. <sup>3</sup> Рцы́те Богу:

коль страшна дела Твоя? Во множестве силы Твоея солжут Тебе врази Твои. 4 Вся земля да поклонится Тебе и поет Тебе, да поет же имени Твоему, Вышний. 5 Приидите и видите дела Божия, коль страшен в советех паче сынов человеческих. 6 Обращаяй море в cvшу, в реце пройдут ногами, тамо возвеселимся о Нем, 7 владычествующем силою Своею веком. Очи Его на языки призираете, преогорчевающии да не возносятся в себе. <sup>8</sup> Благословите, языны, Бога нашего и услышан сотворите глас хвалы Его, <sup>9</sup> положшаго душу мою в живот и не давшаго во смятение ног моих. 10 Яко искусил ны еси, Боже, разжегл ны еси, якоже разжизается сребро. 11 Ввел ны еси в сеть, положил еси скорби на хребте нашем. 12 Возве́л еси́ человеки на главы наша, проидохом сквозе

огнь и воду, и извел еси ны в покой. 13 Вниду в дом Твой со всесожжением, воздам Тебе молитвы моя, 14 яже изрекосте устне мои, и глаголаша уста моя в скорби моей, 15 всесожжения тучна вознесу Тебе с кадилом, и овны, вознесу Тебе волы с козлы, 16 Приидите, услышите, и повем вам, вси боящиися Бога, елика сотвори души моей. <sup>17</sup> К Нему усты моими воззвах и вознесох под языком моим. 18 Неправду аще узрех в сердце моем, ла не услышит мене Госполь. 19 Ceго ради услыша мя Бог, внят гласу моления моего. <sup>20</sup> Благословен Бог. иже не отстави молитву мою и милость Свою от мене.

#### В конец, в песнех, псалом песни Давиду, 66

<sup>2</sup> Боже, уще́дри ны и благослови́ ны, просвети́ лице́ Твое на ны и помилуй ны. <sup>3</sup> Позна́ти на земли́ путь Твой, во всех язы́цех спасение Твое. 4 Да испове́дятся Тебе лю́дие, Воже, да испове́дятся Тебе лю́дие вси. 5 Да возвеселя́тся и да возра́дуются язы́цы, я́ко су́диши лю́дем правото́ю и язы́ки на земли́ наста́виши. 6 Да испове́дятся Тебе лю́дие, Боже, да испове́дятся Тебе лю́дие вси. 7 Земля даде́ плод свой, благослови́ ны, Боже, Боже наш, 8 благослови́ ны, Боже, и да убоя́тся Его вси концы земли.

#### Слава:

#### В конец, псалом песни Давиду, 67

<sup>2</sup> Да воскре́снет Бог, и расточа́тся врази Его, и да бежа́т от лица Его ненави́дящии Его. <sup>3</sup> Яко исчеза́ет дым, да исче́знут, я́ко та́ет воск от лица огня, та́ко да поги́бнут гре́шницы от лица́ Божия, <sup>4</sup> а пра́ведницы да возвеселя́тся, да возра́дуются пред Богом, да насладятся в веселии. 5 Воспойте Богу, пойте имени Его, путесотворите возшедшему на запады, Господь имя Ему, и радуйтеся пред Ним. 6 Да смятутся от лица Его, Отца сирых и Судий вдовиц: Бог в месте святем Своем. <sup>7</sup> Бог вселяет единомысленныя в дом, изводя окованныя мужеством, такожде преогорчеваюшыя живущыя во гробех. 8 Боже, внегда исходити Тебе пред людьми Твоими, внегда мимоходити Тебе в пустыни, <sup>9</sup> земля потрясеся, ибо небеса кануша от лица Бога Синаина, от лица Бога Израилева. 10 Дождь волен отлучиши, Боже, достоянию Твоему и изнеможе, Ты же совершил еси é. 11 Животная Твоя живут на ней, уготовал еси благостию Твоею нищему, Боже. 12 Господь даст глаго́л благовествующым силою многою. 13 Царь сил

возлюбленнаго, красотою дому разделити корысти. 14 Аще поспите посреде предел, криле голубине посребрене, и междорамия ея в блещании злата. <sup>15</sup> Внегда разнствит Небесный цари на ней, оснежатся в Селмоне. 16 Гора Божия, гора тучная, гора усыренная, гора тучная. 17 Вскую непшуете горы усыренныя? Гора, юже благоволи Бог жити в ней, ибо Госполь вселится до конца. 18 Колесница Божия тмами тем, тысяща гобзуюших. Госполь в них в Синаи во святем. 19 Возщел еси на высоту, пления еси плен, приял еси даяния в человецех, ибо не покаряющыяся, еже вселитися, <sup>20</sup> Госполь Бог благословен, благословен Господь день дне, поспешит нам Бог спасений наших. <sup>21</sup> Бог наш, Бог еже спасати, и Господня, Господня исходища смертная. <sup>22</sup> Обаче Бог сокрушит главы врагов Своих, верх влас преходящих в прегрешениих своих. <sup>23</sup> Рече Господь: от Васана обращу, обращу во глубинах морских. 24 Яко да омочится нога твоя в крови, язык пес твоих, от враг от него. <sup>25</sup> Ви́дена быша ше́ствия Твоя, Боже, шествия Бога моего Царя, иже во святем, <sup>26</sup> предвариша князи близ поющих, посреде дев тимпанниц. 27 В церквах благословите Бога, Господа от источник Израилевых. 28 Тамо Вениамин юнейший во ужасе, князи Иудовы владыки их, князи Завудони, князи Неффалимли. 29 Заповеждь. Боже, силою Твоею, укрепи, Боже, сие, еже соделал еси в нас. 30 От храма Твоего во Иерусалим Тебе принесут царие дары. 31 Запрети зверем тростным, сонм юнец в юницах людских, еже затворити искушенныя сребром, расточи язы́ки котя́щыя бра́нем. <sup>32</sup> Прии́дут моли́твенницы от Египта, Ефио́пиа предвари́т ру́ку свою к Богу. <sup>33</sup> Царства земна́я, пойте Богу, воспойте Го́сподеви, <sup>34</sup> возше́дшему на Небо небесе́ на восто́ки, се даст гла́су Своему глас силы. <sup>35</sup> Дади́те сла́ву Бо́гови, на Изра́или велеле́пота Его, и сила Его на облацех. <sup>36</sup> Ди́вен Бог во святых Своих, Бог Изра́илев: Той даст силу и державу лю́дем Своим, благословен Бог.

#### Слава:

#### В конец, о изменшихся, псалом Давиду, 68

<sup>2</sup> Спаси́, мя, Боже, я́ко внидо́ша во́ды до души́ моея́. <sup>3</sup> Углебо́х в тиме́нии глубины́, и несть постоя́ния. Приидо́х во глубины́ морския, и буря потопи́ мя. <sup>4</sup> Утруди́хся зовый, измолче гортань мой, исчезосте очи мои, от еже уповати ми на Бога моего. 5 Умножищася паче влас главы моея ненавидящии мя туне, укрепишася врази мои, изгонящии мя неправедно: яже не восхищах, тогда воздаях. 6 Боже, Ты уве́дел еси́ безумие мое, и прегрешения моя от Тебе не утайшася. 7 Да не постыдятся о мне терпящии Тебе, Господи, Господи сил, ниже да посрамятся о мне ищущии Тебе, Боже Израилев. 8 Яко Тебе ради претерпе́х поноше́ние, покры срамота лице мое. 9 Чуждь бых братии моей, и странен сыновом матере моея. 10 Яко ревность дому Твоего снеде мя, и поношения поносящих Ти нападоша на мя. 11 И покрых постом душу мою, и бысть в поношение мне, 12 и положих одеяние мое вретище, и бых им в притчу. 18 О мне глумляхуся седящии во вратех, и о мне пояху пиющии вино. 14 Аз же молитвою моею к Тебе, Боже, время благоволения, Боже, во множестве милости Твоея услыши мя, во истине спасения Твоего, 15 Спаси мя от брения, да не углебну, да избавлюся от ненавидящих мя и от глубоких вод. 16 Да не потопит мене буря водная, ниже да пожрет мене глубина, ниже сведет о мне ровенник уст своих. 17 Услыши мя. Господи, яко блага милость Твоя, по множеству щедрот Твоих призри на мя. <sup>18</sup> Не отврати лица Твоего от отрока Твоего, яко скорблю, скоро услыши мя. <sup>19</sup> Вонми души моей, и избави ю, враг моих ради избави мя. <sup>20</sup> Ты бо веси поношение мое и студ мой, и срамоту мою: пред Тобою вси оскорбляющии мя. <sup>21</sup> Поношение чаяще душа моя и страсть: и ждах соскорбящаго, и

не бе, и утешающих, и не обретох. <sup>22</sup> И да́ша в снедь мою желчь, и в жа́жду мою напои́ша мя о́цта. 23 Да будет трапеза их пред ними в сеть, и в воздаяние, и в соблазн. <sup>24</sup> Да помрачатся очи их, еже не видети, и хребет их выну сляцы. 25 Пролей на ня гнев Твой, и ярость гнева Твоего да постигнет их. <sup>26</sup> Да будет двор их пуст, и в жилищах их да не будет живый. 27 Зане́ егоже Ты поразил еси, тии погнаша, и к боле́зни язв моих приложища. 28 Приложи беззаконие к беззаконию их, и да не внидут в правду Твою. <sup>29</sup> Да потребятся от книги живых и с праведными да не напишутся. 30 Нищ и боляй есмь аз: спасение Твое, Боже, да приимет мя. 31 Восхвалю́ имя Бога моего с песнию, возвеличу Его во хвалении: 32 и угодно будет Богу паче тельца юна, роги износяща и пазнокти. 33 Да ўзрят ни́щии и возвеселя́тся: взыщи́те Бога, и жива́ будет душа ваша. 34 Яко услыша убо́гия Господь, и окова́нныя Своя не уничижи́. 35 Да восхва́лят Его небеса и земля, море и вся живу́щая в нем. 36 Яко Бог спасет Сиона, и сози́ждутся гра́ди Иуде́йстии, и вселя́тся та́мо, и насле́дят и́, 37 и семя рабов Твоих удержи́т и́, и лю́бящии имя Твое вселя́тся в нем.

#### В конец, Давиду, в воспоминание, во еже спасти мя Господу, 69

<sup>2</sup> Боже, в помощь мою вонми, Господи, помощи ми потщися. <sup>3</sup> Да постыдятся и посрамятся ищущии душу мою, да возвратится вспять и постыдятся хотищим им злая. <sup>4</sup> Да возвратится абие стыдящеся глаголющии ми: благоже, благоже. <sup>5</sup> Да возрадуются и возвеселят-

ся о Тебе вси и́щущии Тебе, Боже, и да глаголют вы́ну, да возвели́чится Господь, лю́бящии спасение Твое: <sup>6</sup> аз же нищ есмь и убог, Боже, помози́ми: Помо́щник мой и Изба́витель мой еси Ты, Господи, не закосни́.

#### Слава:

### Молитвы по 9-й кафисме

Святый Боже: трижды, Слава, и ныне: Пресвятая Троице: Господи помилуй трижды, Слава, и ныне: Отче наш:

Таже тропари, глас 6-й:

Помышля́ю день стра́шный, и пла́чу дея́ний моих лука́вых, ка́ко отвеща́ю Безсме́ртному Царю? Или́ ко́им дерзнове́нием воззрю́ на Судию́, блу́дный аз? Благоутро́бный Отче, Сыне Единоро́дный, Ду́ше Святы́й, помилуй мя.

Слава: Во юдо́ли плаче́вне, на месте, е́же завеща́л еси, егда́ ся́депи, Ми́лостиве, сотвори́ти пра́ведный суд, не обличи́ моя сокрове́нная, ниже́ посрами мене́ пред Ангелы, но пощади́ мя, Боже, и помилуй мя.

И ныне: Упова́ние и покро́в держа́вный к Тебе притека́ющих, Богороди́тельнице, благо́е предста́тельство ми́ра, моли́ со безпло́тными приле́жно, Его́же родила́ еси́ Человеколю́бнейшаго Бога, избавитися душа́м нашым от вся́каго преще́ния, Еди́на Благослове́нная.

Господи, помилуй (40 раз) и молитва:

Влады́ко Го́споди, Боже наш, и́же Еди́н окая́нныя моея́ души́ неду́г и сея́ исцеле́ние ве́дый, исцели ю́, я́коже ве́си, ра́ди множества милости Твоея и щедро́т Твоих, поне́же от дел моих несть пла́с-

тыря приложи́ти ей, ниже́ еле́а, ниже́ обяза́ния, но Ты, прише́дый не пра́ведныя призва́ти, но гре́шныя в покая́ние, поми́луй, уще́дри, прости́ ю́, раздери́ рукописа́ние многих мои́х и сту́дных дея́ний и наста́ви мя на правый путь Твой, да ходя́й во и́стине Твоей, возмогу́ избежа́ти стрел лука́ваго и си́це предста́ну неосужде́нно пред страшным престо́лом Твоим, сла́вя и воспева́я Пресвятое Твое имя во ве́ки, аминь.





# КАФИСМА 10

Давиду псалом, сынов Ионадавовых и первых пленшихся, не надписан у еврей, 70

<sup>1</sup> На Тя, Господи, уповах, да не постыжуся в век. 2 Правдою Твоею избави мя и изми мя, приклони ко мне ухо Твое и спаси мя. <sup>3</sup> Буди ми в Бога Защитителя и в место крепко спасти мя, яко утверждение мое и прибежище мое еси Ты. 4 Боже мой, избави мя из руки грешнаго, из руки законопреступнаго и обидящаго, 5 яко Ты еси терпение мое, Господи, Господи, упование мое от юности моея. 6 В Тебе утвердихся от утробы, от чрева матере моея Ты еси мой покровитель: о Тебе пение мое выну. 7 Яко чудо бых многим, и Ты помощник мой крепок. 8 Да исполнятся уста моя хваления, яко да воспою славу Твою, весь день великоле́пие Твое: 9 Не отве́ржи мене́ во время старости, внегда оскудевати крепости моей, не остави мене́. 10 Яко ре́ша врази́ мои мне, и стрегущии душу мою совещаща вкупе, <sup>11</sup> глаго́люще: Бог оставил есть его, пожените и имите его, яко несть избавляяй. 12 Боже мой, не удалися от мене, Боже мой, в помощь мою вонми. 13 Да постыдятся и исчезнут оклеветающии душу мою, да облекутся в студ и срам ищущии злая мне. 14 Аз же всегда возуповаю на Тя и приложу на вся́ку похвалу́ Твою. 15 Уста́ моя возвестят правду Твою, весь день спасение Твое, яко не познах книжная. 16 Вниду в силе Господни, Господи, помяну правду Тебе

Единаго. 17 Боже мой, имже научил мя еси от юности моея, и до ныне возвещу чудеса Твоя, 18 и лаже до старости и престарения. Боже мой, не остави мене, дондеже возвещу мышцу Твою роду всему грядущему, 19 силу Твою и правду Твою, Боже, даже до вышних, яже сотворил ми еси величия. Боже, кто полобен Тебе? <sup>20</sup> Елики явил ми еси скорби многи и злы, и обращься оживотворил мя еси, и от бездн земли возвел мя еси. 21 Умножил еси на мне величествие Твое, и обращься утешил мя еси, и от бездн земли паки возвел мя еси. 22 Ибо аз исповемся Тебе в людех, Господи, в сосудех псаломских истину Твою, Боже, воспою Тебе в гуслех, Святый Израилев. <sup>23</sup> Возрадуетеся устне мои, егда воспою Тебе, и душа моя, юже еси избавил. 24 Еще же и язык мой весь

день поучится правде Твоей, егда постыдятся и посрамятся ищущии злая мне.

# О Соломоне, псалом Давиду, 71

Боже, суд Твой цареви даждь, и правду Твою сыну цареву: 2 судити людем Твоим в правде, и нищым Твоим в суде. 3 Да восприимут горы мир людем, и холми правду. 4 Судит нищым людским, и спасет сыны убогих и смирит клеветника. 5 И пребудет с солнцем, и прежде луны рода родов. 6 Снидет яко дождь на руно, и яко капля, каплющая на землю, 7 Возсияет во днех его правда и множество мира, дондеже отъимется луна. 8 И обладает от моря до моря, и от рек до конец вселенныя. 9 Пред ним припадут Ефиопляне, и врази его персть полижут. 10 Царие Фарсийстии и острови дары принесут,

царие Аравстии и Сава дары привелут: 11 и поклонятся ему вси царие земстии, вси языцы поработают ему. 12 Яко избави нища от сильна, и убога, емуже не бе помощника. 13 Пощадит нища и убога, и душы убогих спасет: 14 от лихвы и от неправды избавит душы их, и честно имя его пред ними. 15 И жив будет, и дастся ему от злата Аравийска, и помолятся о нем выну, весь день благословят его. 16 Будет утверждение на земли́ на версех гор, превознесется паче Ливана плод его: и процветут от града яко трава земная. 17 Будет имя его благословено во веки, прежде солнца пребывает имя его, и благословятся в нем вся колена земная, вси языцы ублажат его. 18 Благословен Господь Бог Израилев, творяй чудеса́ Един, 19 и благословено имя славы Его во век и в век века, и исполнится славы Его вся земля: буди, буди.

#### Слава:

## Оскудеша песни Давида, сына Иессеова. Псалом Асафу, 72

1 Коль благ Бог Израилев, правым сердцем. 2 Мои же вмале не подвижастеся нозе: вмале не пролиящася стопы моя. 3 Яко возревновах на беззаконныя, мир грешников зря. <sup>4</sup> Яко несть восклонения в смерти их, и утверждения в ране их, 5 в трудех человеческих не суть, и с человеки не приимут ран. 6 Сего ради удержа я гордыня их до конца: одеящася неправдою и нечестием своим. 7 Изыдет яко из тука неправда их, преидоща в любовь се́рдца. 8 Помы́слиша и глаго́лаша в лукавстве, неправду в высоту глаго́лаша, <sup>9</sup> Положи́ша на небеси́

уста своя, и язык их прейде по земли. 10 Cero ради обратятся людие мои семо, и дние исполнени обрящутся в них. 11 И реша: како уве́де Бог? И аще есть разум в Вышнем? 12 Се сии грешницы и гобзующии в век, удержаща богатство. <sup>13</sup> И рех: еда всуе оправдих сердце мое и умых в неповинных руце мои. 14 И бых язвен весь день, и обличение мое на утренних. <sup>15</sup> Аще глаго́лах, пове́м тако: се роду сынов Твоих, емуже обещахся, 16 и непщевах разумети: сие труд есть предо мною, 17 дондеже вниду во святило Божие и разумею в последняя их. <sup>18</sup> Обаче за льщения их положил еси им злая, низложил еси я, внегда разгордещася. 19 Ка́ко бы́ша в запустение? Внеза́пу исчезоща, погибоща за беззаконие свое. <sup>20</sup> Яко соние востающаго, Господи, во граде Твоем образ их

уничижищи. <sup>21</sup> Яко разжжеся сердце мое, и утробы моя изменишася. 22 И аз уничиже́н и не разумех, скотен бых у Тебе. 23 И аз выну с Тобою, удержал еси руку десную мою, <sup>24</sup> и советом Твоим наставил мя еси, и со славою приял мя еси. 25 Что бо ми есть на небеси? И от Тебе что восхоте́х на земли́? 26 Исчезе сердце мое и плоть моя, Боже сердца моего, и часть моя, Боже, во век. <sup>27</sup> Яко се удаляющии себе от Тебе, погибнут; потребил еси всякаго любодеющаго от Тебе. <sup>28</sup> Мне же прилеплятися Богови благо есть, полагати на Господа упование мое, возвестити ми вся хвалы Твоя во вратех динере Сиони.

# Разума Асафу, 73

<sup>1</sup> Вскую, Боже, отринул еси до конца? Разгневася ярость Твоя на о́вцы па́жити Твоея? <sup>2</sup> Помяни́ сонм Твой, егоже стяжал еси исперва, избавил еси жезлом достояния Твоего, гора Сион сия, в нейже вселился еси. 3 Воздвигни руце Твои на гордыни их в конец, елика лукавнова враг во святем Твоем. 4 И восхвалишася ненавидящии Тя посреде праздника Твоего, положища знамения своя, знамения, и не познаща, <sup>5</sup> яко во исходе превыше, яко в дубраве древяне секирами разсекоща. 6 Двери его вкупе: сечивом и оскордом разрушища й. <sup>7</sup> Возжгоща огнем святило Твое, на земли оскверниша жилище имене Твоего. 8 Реша в сердце своем южики их вкупе: приидите и отставим вся праздники Божия от земли. 9 Знамения их не видехом: несть ктому пророка, и нас не познает ктому. 10 Доколе, Боже, поносит враг? Раздражит противный имя Твое до конца? 11 Вскую

отвращаещи руку Твою и десницу Твою от среды недра Твоего в конец? 12 Бог же Царь наш прежде века содела спасение посреде земли. <sup>18</sup> Ты утвердил еси силою Твоею море. Ты стерл еси главы змиев в воде. 14 Ты сокрушил еси главу змиеву, дал еси того бращно людем Ефиопским. 15 Ты расторгл еси источники и потоки, Ты изсушил еси реки Ифамския. 16 Твой есть день. и Твоя есть нощь: Ты совершил еси зарю и со́лнце. <sup>17</sup> Ты сотвори́л еси вся пределы земли, жатву и весну Ты создал еси я. 18 Помяни сия: враг поноси Господеви, и людие безумнии раздражища имя Твое. 19 Не предаждь зверем душу, исповедающуюся Тебе, душ убогих Твоих не забуди до конца. 20 Призри на завет Твой, яко исполнишася помраченнии земли домов беззаконий. <sup>21</sup> Да не возвратится смиренный посра́млен, нищ и убог восхвали́та имя Твое. <sup>22</sup> Воста́ни, Боже, суди́ прю Твою, помяни́ поноше́ние Твое, е́же от безу́мнаго весь день. <sup>23</sup> Не забу́ди гла́са моли́твенник Твоих, горды́ня ненави́дящих Тя взы́де вы́ну.

### Слава:

В конец, да не растлиши, псалом песни Асафу, 74

<sup>2</sup> Испове́мыся Тебе́, Боже, испове́мыся Тебе́, и призове́м имя Твое; пове́м вся чудеса́ Твоя. <sup>3</sup> Егда́ приму́ вре́мя, Аз правоты́ возсужду́. <sup>4</sup> Раста́яся земля́ и вси живу́щии на ней, Аз утверди́х столпы́ ея́. <sup>5</sup> Рех беззако́ннующым, не беззако́ннуйте: и согреша́ющым, не возноси́те ро́га, <sup>6</sup> не воздвиза́йте на высоту́ ро́га ва́шего, и не глаго́лите на Бога непра́вду: <sup>7</sup> яко ниже́ от

исход, ниже́ от за́пад, ниже́ от пусты́х гор. 8 Яко Бог судия́ есть: сего смиря́ет, и сего возно́сит. 9 Яко ча́ша в руде́ Господни, вина́ нерастворе́на, испо́лнь растворе́ния, и уклони́ от сея́ в сию́: оба́че дро́ждие его не истощи́ся, испию́т вси гре́шнии земли́. 10 Аз же возра́дуюся в век, воспою́ Богу Иа́ковлю: 11 и вся ро́ги гре́шных сломлю́, и вознесе́тся ро́г пра́веднаго.

## В конец, в песнех, псалом Асафу, песнь ко ассирианину, 75

<sup>2</sup> Ве́дом во Иуде́и Бог, во Изра́или ве́лие имя Его. <sup>3</sup> И бысть в ми́ре ме́сто Его и жили́ще Его в Сио́не. <sup>4</sup> Та́мо сокруши́ кре́пости луко́в, ору́жие и мечь и брань. <sup>5</sup> Просвеща́еши Ты ди́вно от гор ве́чных. <sup>6</sup> Смято́шася вси неразу́мнии се́рдцем: усну́ша сном своим, и ничто́-

же обретоща вси мужие богатства в руках своих. 7 От запрещения Твоего, Боже Иаковль, воздремаша вседшии на кони. 8 Ты страшен еси, и кто противостанет Тебе? Оттоле гнев Твой. 9 С Небесе слышан сотворил еси сул: земля убояся, и умолча, <sup>10</sup> внегда востати на суд Богу, спасти вся кроткия земли, 11 Яко помышление человеческое исповестся Тебе: и останок помышления празднует Ти. 12 Помолитеся и воздадите Господеви Богу нашему. Вси иже окрест Его принесут дары, 13 страшному и отъемлюшему духи князей, страшному паче царей земных.

# В конец, о Идифуме, псалом Асафу, 76

 $^2$  Гла́сом моим ко Господу воззва́х, гла́сом мои́м к Богу, и внят ми.  $^3$  В день ско́рби мое́я Бога взыска́х

рукама моима, нощию пред Ним, и не прельщен бых. Отвержеся уте́шитися душа́ моя. 4 Помяну́х Бога и возвеселихся, поглумляхся и малодуществоваще дух мой. 5 Предваристе стражбы очи мои: смятохся и не глаголах. 6 Помыслих дни первыя, и лета вечная помянух, и поучахся: 7 нощию сердцем моим глумляхся, и тужаше дух мой: 8 еда во веки отринет Господь, и не приложит благоволити паки? 9 Или до конца милость Свою отсечет, сконча глагол от рода в род? 10 Еда забудет ущедрити Бог? Или удержит во гневе Своем щедроты Своя? 11 И рех, ныне начах: сия измена десницы Вышняго. 12 Помянух дела Господня, яко помяну от начала чудеса Твоя, <sup>13</sup> и поучуся во всех делех Твоих, и в начинаниих Твоих поглумлюся. 14 Боже, во святем путь

Твой: кто бог велий яко Бог наш? 15 Ты еси Бог творяй чудеса: сказал еси в людех силу Твою, 16 избавил еси мышцею Твоею люди Твоя, сыны Иаковли и Иосифовы, 17 Видеша Тя воды, Боже, видеша Тя воды, и убоящася: смятощася бездны, 18 множество шума вод, глас даща облацы, ибо стрелы Твоя прехо́дят. 19 Глас гро́ма Твоего в колеси, осветища мо́лния Твоя вселе́нную: подвижеся и трепетна бысть земля́. 20 В мори путие́ Твои, и стези Твоя в водах многих, и следы Твои не познаются, <sup>21</sup> Наставил еси яко овцы люди Твоя рукою Моисе́овою и Ааро́нею.

#### Слава:

## Молитвы по 10-й кафисме

Святый Боже: *трижды*, Сла́ва, и ныне: Пресвятая Тро́ице: Го́споди

поми́луй *трижды*, Сла́ва, и ныне: Отче наш:

Таже тропари, глас 6-й:

Стра́шнаго дне прише́ствия Твоего́ ужаса́юся, Христе́, и неумы́тнаго суди́лища боя́йся, Го́споди, ужаса́юся и трепе́шу, я́ко имы́й множество согрешений, но прежде конца я́ко Ми́лостив Бог, обрати́ и спаси́ мя, Спа́се мой Многомилостиве.

Слава: Егда́ престо́ли на суд поста́вятся, Го́споди, и суди́лищу Твоему предста́нут челове́цы: не предпочте́тся царь во́ина, не преиму́ществит влады́ка раба́: ки́йждо бо от своих дел или́ просла́вится, или́ постыди́тся.

И ныне: Великих дарова́ний, Чи́стая Дево Богома́ти, Ты сподобилася еси, яко родила еси пло́тию Еди́наго от Тро́ицы, Христа Жизнода́вца, во спасение душ наших. Господи, помилуй (40 раз) и молитва:

Господи Боже наш, в милости Богатый и в щедротах Непостижимый, Едине по естеству Безгрешен, и нас ради кроме греха быв Человек, услыши в час сей болезненное мое сие моление, яко нищ и убог есмь от дел благих, и сердце мое смятеся внутрь мене. Ты бо веси. Вышний Царю, Господи небесе и земли, яко всю мою юность во гресе́х иждих и в след похоте́й плоти моея ходив, весь смех демонов бых, весь диаволу последовах, выну в тимении сластей валяяйся, омрачився бо помышлением от младенства, даже и до ныне, никогдаже восхотех сотворити волю Твою святую, но весь от наветуюших мя страстей пленився, смех и поругание демонов бых, никакоже во уме помышляяй, яко нестериймый гнев еже на грешники прещения Твоего, и лежащую геенну огненную. Якоже отсюду во отчаяние впадый, и никакоже в чувстве обращения быв, пуст и наг еже от Твоея дружбы бых. Кий бо вид греха не соделах? Кое дело демонское не содеях? Кое деяние студное и блудное не с преимуществом и тщанием соверших? Ум воспоминаньми плотскими оскверних, тело смешеньми окалях, дух сосложением оскверних, всяк уд окаянныя моея плоти служити и работати грехом возлюбих. И кто прочее не возрыдает мя, окаяннаго? Кто не восплачет мя, осужденнаго? Аз бо един, Владыко, ярость Твою прогневах, аз един гнев Твой на мя разжегох, аз един лукавое пред Тобою сотворих, превозшед и препобедив вся от века грешники, несравненно погрешивый и непрошенно. Но понеже Многомилостивый, Благоутробный еси, Человеколюбче, и ожидаеши человеческаго обращения, се и аз ввергаю себе пред страшное и нестерпимое Твое судище, и якоже пречистым Твоим ногам касаяйся, из глубины души взываю Ти: очисти, Господи, прости, Благопременителю, помилуй немощь мою, приклонися недоумению моему, вонми молению моему и слез моих не премолчи; приими мя, кающагося, и заблуждшаго обрати, обращающагося объими и молящагося прости. Не бо положил еси покаяние праведным, не положил еси прощения не согрешающым, но положил еси покаяние мне, грешному, в нихже в негодование Твое содеях, наг и обнажен пред Тобою предстою, Сердцеве́дче Господи, испове́даяй моя грехи: не бо могу воззрети и видети высоту́ Небесную, от тя́жести грехо́в моих сляца́емь. Просвети́ у́бо очи се́рдца моего и даждь ми умиле́ние к покая́нию, и сокруше́ние се́рдца ко исправле́нию, да со благо́ю наде́ждею и и́стинным увере́нием, к та́мошнему миру пойду́, хваля и благословя́ вы́ну всесвято́е имя Твое, Отца и Сына и Святаго Духа, ны́не и при́сно, и во ве́ки веков, аминь.





#### КАФИСМА 11

## Разума Асафу, 77

1 Внемлите, людие мои, закону моему, приклоните ухо ваше во глаголы уст моих. 2 Отверзу в притчах уста моя, провещаю ганания исперва. <sup>3</sup> Елика слышахом и познахом я, и отцы наши поведаща нам: 4 не утайшася от чад их в род ин, возвещающе хвалы Господни и силы Его, и чудеса Его, яже сотвори. 5 И воздвиже свидение во Иакове, и закон положи во Израили: елика заповеда отцем нашым, сказати я сыновом своим, 6 яко да познает род ин, сынове родящиися, и востанут и поведят я сыновом своим: 7 да положат на Бога vnoвание свое, и не забудут дел Божиих, и заповеди Его взыщут. 8 Да не будут якоже отцы их, род строптив и преогорчеваяй, род иже не исправи сердца своего, и не увери с Богом духа своего. 9 Сынове Ефремли наляцающе и стреляюще луки, возвратишася в день брани: 10 не сохрани́ша заве́та Божия, и в законе Его не восхотеща ходити. <sup>11</sup> И забы́ша благодея́ния Его, и чудеса́ Его, яже показа́ им 12 пред отцы их, яже сотвори чудеса в земли Египетстей: на поли Танеосе. 13 Разверзе море, и проведе их, представи воды яко мех. 14 И настави я облаком во дни, и всю нощь просвещением огня. 15 Разверзе камень в пустыни, и напой я яко в бе́здне мно́зе, <sup>16</sup> и изведе́ во́ду из камене, и низведе яко реки воды. <sup>17</sup> И приложи́ша еще́ согреша́ти Ему, преогорчища Вышняго в безво́дней; 18 и искусища Бога в сердцах своих, воспросити брашна душам своим. 19 И клеветаша на Бога, и реша: еда возможет Бог уготовати трапезу в пустыни? 20 Понеже порази камень, и потекоща воды, и потоцы наводнишася: еда и хлеб может дати, или уготовати трапезу людем Своим? 21 Сего ради слыша Господь и презре: и огнь возгоре́ся во Иакове, и гнев взы́де на Израиля, <sup>22</sup> яко не вероваща Богови, ниже уповаща на спасение Eго. <sup>23</sup> И запове́да облаком свы́ше, и двери небесе отверзе, <sup>24</sup> и одожди им манну ясти, и хлеб небесный даде́ им. 25 Хлеб ангельский яде́ человек, брашно посла им до сытости, <sup>26</sup> Воздвиже юг с небесе, и наведе силою Своею лива, <sup>27</sup> и одожди на ня яко прах плоти, и яко песок морский птицы пернаты. <sup>28</sup> И нападо́ша посреде́ ста́на их, окрест жилищ их. 29 И ядоща и насытишася зело, и желание их принесе им. 30 Не лишишася от

желания своего: еще брашну сущу во усте́х их, <sup>31</sup> и гнев Божий взы́де на ня, и уби множайшая их, и избранным Израилевым запят. 32 Во всех сих согрешища еще, и не вероваща чудесем Его. 33 И исчезоща в суете дние их, и лета их со тщанием. 34 Егда убиваще я, тогда взыскаху Его, и обращахуся, и утреневаху к Богу: 35 и помянуша, яко Бог Помощник им есть, и Бог Вышний Избавитель им есть. 36 И возлюбища Его усты своими, и языком своим солгаша Ему: <sup>37</sup> се́рдце же их не бе право с Ним, ниже уверишася в завете Его. 38 Той же есть щедр, и очистит грехи их, и не растлит, и умножит отвратити ярость Свою, и не разжжет всего гнева Своего. 39 И помяну, яко плоть суть, дух ходяй и не обращаяйся, 40 Колькраты преогорчища Его в пустыни, прогневаша Его в земли безводней? 41 И обратишася, и искусища Бога, и Святаго Израилева раздражища, 42 и не помяну́ша руки́ Его в день, воньже избави я из руки оскорбляющаго, <sup>43</sup> я́коже положи́ во Еги́пте знамения Своя, и чудеса Своя на поли Танеосе, 44 и преложи в кровь реки их, и источники их, яко да не пиют. 45 Посла́ на ня песия мухи и поядоща я: и жабы, и растли я. 46 И даде́ рже плоды́ их, и труды́ их пругом. 47 Уби градом винограды их, и черничие их сланою, 48 и предаде граду скоты их, и имение их огню. 49 Посла́ на ня гнев я́рости Своея, ярость и гнев и скорбь, послание ангелы лютыми. 50 Путесотвори стезю гневу Своему, и не пощаде от смерти душ их: и скоты их в смерти заключи, <sup>51</sup> и порази вся́кое перворо́дное в земли́ Еги́петстей, начаток всякаго труда их в селениих Хамовых. 52 И воздвиже яко овны люди Своя, и возведе я́ яко ста́до в пусты́ни, 53 и наста́ви я на упование, и не убоящася, и враги их покры море. 54 И введе я в гору святыни Своея, гору сию, юже стажа десница Его. 55 И изгна от лица́ их языки, и по жребию даде им (землю) ужем жребодаяния, и всели в селениих их колена Израилева. 56 И искусища и преогорчиша Бога Вышняго, и свидений Его не сохранища, 57 и отвратишася, и отвергошася, якоже и отцы их, превратишася в лук развращен, 58 и прогневаща Его в холмех своих и во истуканных своих раздражища Его. 59 Слыша Бог и презре, и уничижи зело Израиля. 60 и отрину скинию Силомскую, селение, еже вселися в человецех. 61 И предаде́ в плен кре́пость их, и доброту их в руки врагов, 62 и затвори во оружии люди Своя, и достояние Свое презре. 63 Юношы их пояде огнь, и девы их не осетованы быша; 64 священницы их мечем падоша, и вдовицы их не опла́каны бу́дут. 65 И воста́ яко спя Господь, яко силен и шумен от вина, 66 и порази враги Своя вспять, поношение вечное даде им. 67 И отрину селение Иосифово, и колено Ефремово не избра, 68 и избра колено Иудово, гору Сионю, юже возлюби, 69 и созда яко единорога святилище Свое, на земли основа́ и в век. 70 И избра́ Дави́да раба Своего, и восприят его от стад овчих. 71 От дойлиц поят его пасти Иакова раба Своего и Израиля достояние Свое. 72 И упасе я в незлобии сердца своего, и в разумех руку своею наставил я есть.

### Слава:

## Псалом Асафу, 78

Боже, приидоша языцы в достояние Твое, осквернища храм святый Твой, <sup>2</sup> положища Иерусалим яко овощное хранилище, положиша трупия раб Твоих брашно птицам небесным, плоти преподобных Твоих зверем земным. 3 Пролияща кровь их яко воду окрест Иерусалима, и не бе погребаяй. 4 Быхом поношение соседом нашым, подражнение и поругание сущым окрест нас. 5 Доколе, Господи, прогневаешися до конца? Разжжется яко огнь рвение Твое? 6 Пролей гнев Твой на языки не знающыя Тебе, и на царствия, яже имене Твоего не призваща, <sup>7</sup> яко поядоща Иакова, и место его опустощища. 8 Не помяни наших беззаконий первых: скоро да предварят ны щедроты Твоя, Господи, яко обниша́хом зело́. 9 Помози́ нам. Боже.

Спасителю наш, славы ради имене Твоего, Господи, избави ны, и очисти грехи нашя имене ради Твоего. 10 Да не когда́ реку́т язы́цы, где есть Бог их? И да увестся во языцех предочима нашима отмщение крове раб Твоих пролитыя. <sup>11</sup> Да вни́дет пред Тя воздыха́ние окованных, по величию мышцы Твоея снабди сыны умерщвленных. 12 Воздаждь соседом нашым седмерицею в недро их поношение их, имже поносища Тя, Госполи, 13 Мы же, людие Твои и овцы пажити Твоея, исповемыся Тебе, Боже, во век, в род и род возвестим хвалу Твою.

В конец, о изменшихся, свидение Асафу, псалом 79

<sup>2</sup> Пасы́й Изра́иля вонми́: наставля́яй яко овча́ Ио́сифа, седя́й на Херуви́мех, яви́ся, <sup>3</sup> пред Ефре́мом и Вениами́ном и Манасси́ем, воздвигни силу Твою, и прииди во еже спасти нас. 4 Боже, обрати ны, и просвети лице Твое, и спасемся. 5 Господи Боже сил, доколе гневаешися на молитву раб Твоих? 6 Напитаещи нас хлебом слезным, и напоиши нас слезами в меру. 7 Положил еси нас в пререкание соседом нашым, и врази наши подражниша ны. 8 Господи Боже сил, обрати ны, и просвети лице Твое, и спасемся. 9 Виноград из Египта пренесл еси, изгнал еси языки, и насадил еси и́. 10 Путесотворил еси́ пред ним, и насадил еси корения его, и исполни землю. 11 Покры горы сень его, и ветвия его кедры Божия; 12 простре розги его до моря, и даже до рек отрасли его. 18 Вскую низложил еси оплот ero, и объимают и вси мимоходящии путем? 14 Озоба и вепрь от дубравы, и уединенный дивий поядей. 15 Боже сил, обратися убо, и призри с Небесе и виждь, и посети виноград сей, 16 и соверши и, егоже насади десница Твоя, и на сына человеческаго, егоже укрепил еси Себе. 17 Пожжен огнем и раскопан, от запрещения лица Твоего погибнут. <sup>18</sup> Да бу́дет рука́ Твоя на му́жа десницы Твоея, и на сына человеческаго, егоже укрепил еси Себе, <sup>19</sup> и не отступим от Тебе; оживищи ны, и имя Твое призовем. 20 Господи Боже сил, обрати ны, и просвети лице Твое, и спасемся.

## В конец, о точилех, псалом Асафу, 80

<sup>2</sup> Ра́дуйтеся Богу Помо́щнику на́шему, воскли́кните Богу Иа́ковлю, <sup>3</sup> приими́те псалом и дади́те тимпа́н, псалти́рь красе́н с гу́сльми, <sup>4</sup> воструби́те в новоме́сячии трубо́ю, во благознамени́тый день праздника вашего, 5 яко повеление Израилеви есть, и судьба Богу Иаковлю. 6 Свидение во Иосифе положи е, внегда изыти ему от земли Египетския, языка егоже не ведяше услыша. 7 Отъят от бремене хребет его, руще его в коши поработасте. 8 В скорби призвал Мя еси, и избавих тя, услышах тя в тайне бурне, искусих тя на воде пререкания. 9 Слышите, людие Мои, и засвидетельствую вам, Израилю, аще послушаеши Мене́. 10 Не будет тебе бог нов, ниже поклонишися богу чуждему. 11 Аз бо есмь Господь Бог твой, изведый тя от земли Египетския, разшири уста твоя, и исполню я́. 12 И не послушаща людие Мои гласа Моего, и Израиль не внят Ми: 13 и отпустих я по начинанием сердец их, пойдут в начинаниих своих. 14 Аше быша людие Мои послушали Мене. Изра́иль аще бы в пути Моя ходи́л, <sup>15</sup> ни о чесо́м же у́бо враги́ его смири́л бых, и на оскорбля́ющыя их возложи́л бых ру́ку Мою. <sup>16</sup> Врази́ Господни солга́ша ему, и бу́дет вре́мя их в век. <sup>17</sup> И напита́ их от ту́ка пшени́чна, и от ка́мене ме́да насы́ти их.

## Слава:

# Псалом Асафу, 81

<sup>1</sup> Бог ста в со́нме бого́в, посреде́ же бо́ги разсу́дите. <sup>2</sup> Доко́ле су́дите непра́вду, и ли́ца гре́шников при-е́млете? <sup>3</sup> Суди́те си́ру и убо́гу, сми-ре́на и ни́ща оправда́йте. <sup>4</sup> Изми́те ни́ща и убо́га, из руки́ гре́шничи изба́вите его. <sup>5</sup> Не позна́ша, ниже́ уразуме́ша, во тьме хо́дят: да подви́жатся вся основа́ния земли́. <sup>6</sup> Аз рех: бо́зи есте́, и сы́нове Вы́шняго вси. <sup>7</sup> Вы же яко челове́цы

умира́ете, и яко един от князе́й па́даете. <sup>8</sup> Воскресни́, Боже, суди́ земли́: яко Ты насле́диши во всех язы́цех.

# Песнь псалма Асафу, 82

<sup>2</sup> Боже, кто уподобится Тебе? Не премолчи, ниже укроти, Боже. <sup>3</sup> Яко се врази Твои возшумеща, и ненавидящии Тя воздвигоща главу. 4 На люди Твоя лукавноваща во́лею, и совеща́ша на святы́я Твоя, <sup>5</sup> Ре́ша: приидите и потребим я от язык, и не помянется имя Израилево ктому. 6 Яко совещаща елиномышлением вкупе, на Тя завет завещаща: 7 селения Идумейска, и Исмаилите, Моав и Агаряне: 8 Гева́л и Аммо́н и Амали́к, иноплеменницы с живущими в Тире, 9 ибо и Ассур прийде с ними, быша в заступление сыновом Лотовым, <sup>10</sup> Сотвори им яко Мадиаму

и Сисаре, яко Иавиму в потоще Киссове. 11 Потребищася во Аендоре, быша яко гной земный. 12 Положи князи их, яко Орива и Зива, и Зеве́а и Салма́на, вся кня́зи их, 13 иже реща: да наследим себе святилище Божие. 14 Боже мой, положи я яко коло, яко трость пред лицем ветра. 15 Яко огнь попаляяй дубравы, яко пламень пожигаяй горы, 16 тако поженещи я бурею Твоею, и гневом Твоим смятеши я́. 17 Исполни лица их безчестия, и взыщут имене Твоего, Господи. 18 Да постыдя́тся и смяту́тся в век века, и посрамятся и погибнут. 19 И да познают, яко имя Тебе Господь. Ты Един Вышний по всей земли.

## В конец, о точилех, сыном Кореовым, псалом 83

<sup>2</sup> Коль возлюбленна селения Твоя, Господи сил! <sup>3</sup> Желает и скончавается душа моя во дворы Господни, сердце мое и плоть моя возрадовастася о Бозе живе. 4 Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю́ мой и Боже мой. 5 Блаже́ни живущии в дому Твоем, в веки веков восхвалят Тя. 6 Блажен муж, емуже есть заступление его у Тебе; восхождения в сердце своем положи, 7 во юдоль плачевную, в место еже положи, ибо благословение даст законополагаяй, 8 Пойдут от силы в силу: явится Бог богов в Сионе. 9 Господи Боже сил, услыши молитву мою, внуши, Боже Иаковль. 10 Защитниче наш, виждь, Боже, и призри на лице христа Твоего. 11 Яко лучше день един во дворех Твоих паче тысящ: изволих приметатися в дому Бога моего паче, неже жити ми в селениих грешничих. 12 Яко ми́лость и и́стину лю́бит Господь, Бог благода́ть и сла́ву даст, Господь не лиши́т благи́х, хода́щих незло́бием. 13 Господи Воже сил, блаже́н челове́к упова́яй на Тя.

# В конец, сыном Кореовым, псалом 84

<sup>2</sup> Благоволи́л еси, Господи, зе́млю Твою, возвратил еси плен Иаковль: <sup>3</sup> оставил еси беззакония людей Твоих, покрыл еси вся грехи их. 4 Укротил еси весь гнев Твой, возвратился еси от гнева ярости Твоея. 5 Возврати нас, Боже спасений наших, и отврати ярость Твою от нас. 6 Еда во веки прогневаешися на ны? Или простреши гнев Твой от рода в род? 7 Боже, Ты обращься оживищи ны, и людие Твои возвеселятся о Тебе. 8 Яви нам. Госполи. милость Твою, и спасение Твое даждь нам. <sup>9</sup> Услы́шу, что́ рече́т о мне Господь Бог: яко рече́т мир на лю́ди Своя, и на преподо́бныя Своя, и на преподо́бныя Своя, и на обраща́ющыя сердца́ к Нему́. <sup>10</sup> Оба́че близ боя́щихся Его спасе́ние Его, всели́ти сла́ву в зе́млю на́шу. <sup>11</sup> Ми́лость и и́стина срето́стеся, пра́вда и мир облобыза́стася. <sup>12</sup> Истина от земли возсия́, и пра́вда с Небесе́ прини́че, <sup>13</sup> ибо Господь даст бла́гость, и земля́ на́ша даст плод свой. <sup>14</sup> Пра́вда пред Ним предъйдет, и положи́т в путь стопы́ своя́.

#### Слава:

## Молитвы по 11-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 7-й:

Имущи, душе моя, врачевство покаяния, приступи слезящи, воздыханием вопиющи: Врачу душ и телес, свободи мя, Человеколюбче, от многих согрешений, сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

Слава: Мытареву покая́нию не поревнова́х, и блудни́цы слез не стажа́х: недоуме́юся бо от ослепле́ния о таково́м исправле́нии, но Твоим благоутро́бием спаси́ мя, Христе́ Бо́же, яко Человеколю́бел.

И ныне: Богоро́дице Де́во Нескве́рная, Сына Твоего моли с го́рними си́лами, проще́ние прегреше́ний нам пре́жде конца́ дарова́ти и ве́лию милость.

Господи, помилуй (40 раз) и мо-литва:

Возсия́й в сердца́х на́ших, Человеколю́бче Го́споди, Твоего Бого-

#### Молитвы по 11-й кафисме

ведения нетленный свет, и мысленная наша отверзи очи, во евангельских Твоих проповеданий разумение, вложи в нас и блаженных Твоих заповедей страх, да плотския похоти вся поправше, духовное жительство пройдем, вся яже ко благоугождению Твоему и мудрствующе и деюще. Ты бо еси просвещение душ и телес наших. Христе Боже, и Тебе славу возсылаем, со Безначальным Твоим Отцем, и Всесвятым, и Благим, и Животворящим Твоим Духом, ныне и присно, и во веки веков, аминь.





## КАФИСМА 12

## Молитва Давиду, 85

1 Приклони, Господи, ухо Твое, и услыши мя, яко нищ и убог есмь аз. <sup>2</sup> Сохрани душу мою, яко преполобен есмь: спаси раба Твоего, Боже мой, уповающаго на Тя. 3 Помилуй мя, Господи, яко к Тебе воззову весь день. 4 Возвесели душу раба Твоего, яко к Тебе взях дущу мою. 5 Яко Ты, Господи, Благ и Кроток, и Многомилостив всем призывающым Тя. 6 Внуши, Господи, молитву мою, и вонми гласу моления моего. 7 В день скорби моея воззвах к Тебе, яко услышал мя еси. <sup>8</sup> Несть подобен Тебе в бозех, Господи, и несть по делом Твоим. 9 Вси языцы, елики сотворил еси, прийдут, и поклонятся пред Тобою, Господи, и прославят имя Твое, 10 яко Велий еси Ты, и творяй чудеса, Ты еси Бог Един. 11 Настави мя. Господи, на путь Твой, и пойду во истине Твоей: да возвеселится сердце мое боятися имене Твоего. 12 Исповемся Тебе, Господи Боже мой, всем сердцем моим, и прославлю имя Твое в век: 13 яко милость Твоя велия на мне, и избавил еси душу мою от ада преисподнейшаго. 14 Боже, законопреступницы восташа на мя, и сонм державных взыскаща душу мою, и не предложища Тебе пред собою. 15 И Ты, Господи Боже мой, Ще́дрый и Милостивый, Долготерпеливый, и Многомилостивый и Истинный, <sup>16</sup> призри на мя и помилуй мя, даждь державу Твою отроку Твоему, и спаси сына рабы Твоея. 17 Сотвори со мною знамение во благо, и да видят ненавидяшии мя, и постылятся, яко Ты. Господи, помогл ми и уте́шил мя еси.

# Сыном Кореовым, псалом песни, 86

<sup>2</sup> Основания его на горах святых; любит Господь врата Сионя паче всех селений Иаковлих. <sup>3</sup> Преславная глаголашася о тебе, граде Божий. <sup>4</sup> Помяну Раав и Вавилона ведущым мя, и се иноплеменицы, и Тир, и людие Ефиопстии, сии быша тамо. <sup>5</sup> Мати Сион речет: человек, и человек родися в нем, и Той основа й Вышний. <sup>6</sup> Господь повесть в писании людей, и князей сих бывших в нем. <sup>7</sup> Яко веселящихся всех жилище в тебе.

Песнь псалма сыном Кореовым, в конец, о Маелефе еже отвещати, разума Еману Израильтянину, 87

<sup>2</sup> Господи Боже спасе́ния моего́, во дни воззва́х, и в нощи́ пред

Тобою, <sup>3</sup> Да внидет пред Тя молитва моя: приклони ухо Твое к молению моему, <sup>4</sup> яко исполнися зол дуща моя, и живот мой аду приближися. 5 Привменен бых с низходящими в ров, бых яко человек без помощи, 6 в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. 7 Положища мя в рове преисподнем, в темных и сени смертней. <sup>8</sup> На мне утвердися ярость Твоя, и вся волны Твоя навел еси на мя. 9 Удалил еси знаемых моих от мене, положища мя мерзость себе: предан бых и не исхождах. 10 Очи мои изнемогосте от нишеты, воззвах к Тебе, Господи, весь день, воздех к Тебе рупе мои. 11 Еда мертвыми твориши чудеса? Или врачеве воскресят, и исповедятся Тебе? 12 Еда повесть кто во гробе милость Твою, и истину Твою в погибели? 13 Еда познана будут во тме чудеса Твоя, и правда Твоя в земли забвенней? 14 И аз к Тебе, Господи, воззвах и утро молитва моя предварит Тя. 15 Вскую, Господи, отрееши душу мою, отвращаеши лице Твое от мене́? 16 Ниш есмь аз, и в трудех от юности моея; вознес же ся, смирихся, и изнемогох. 17 На мне преидоша гневи Твои, устрашения Твоя возмутища мя, 18 обыдоша мя яко вода, весь день одержаща мя вкупе. 19 Удалил еси от мене друга и искренняго, и знаемых моих от страстей.

#### Слава:

## Разума Ефама Израильтянина, псалом 88

<sup>2</sup> Ми́лости Твоя, Господи, во век воспою́, в род и род возвещу́ и́стину Твою усты́ мои́ми. <sup>3</sup> Зане́ рекл еси:

в век милость созиждется, на Небесех уготовится истина Твоя. 4 Завещах завет избранным Моим, кляхся Давиду рабу Моему: 5 до века уготоваю семя твое, и созижду в род и род престол твой, 6 Исповедят Небеса чудеса Твоя, Господи, ибо истину Твою в церкви святых. 7 Яко кто во облацех уравнится Господеви; уподобится Господеви в сынех Божиих? 8 Бог прославляемь в совете святых, Велий и Страшен есть над всеми окрестными Его. <sup>9</sup> Господи Боже сил, кто подобен Тебе; Силен еси, Господи, и истина Твоя окрест Тебе. 10 Ты владычествуещи державою морскою: возмущение же волн его Ты укроча́еши. 11 Ты смири́л еси яко я́звена гордаго, мышцею силы Твоея расточил еси враги Твоя. 12 Твоя суть небеса, и Твоя есть земля, вселенную и исполнение ея Ты основал еси. <sup>13</sup> Север и море Ты создал еси. Фавор и Ермон о имени Твоем возрадуетася, <sup>14</sup> Твоя мышца с силою: да укрепится рука Твоя, и вознесется десница Твоя. 15 Правда и судьба уготование Престола Твоего: милость и истина предъйдете пред лицем Твоим. 16 Блажени людие ведущии воскликновение: Господи, во свете лица́ Твоего пойдут, 17 и о имени Твоем возрадуются весь день, и правдою Твоею вознесутся. 18 Яко похвала силы их Ты еси, и во благоволении Твоем вознесется рог наш. 19 Яко Госполне есть заступление, и Святаго Израилева Царя нашего, <sup>20</sup> Тогда глагодал еси в видении сыновом Твоим, и рекл еси: положих помощь на сильнаго, вознесох избраннаго от людей Моих, <sup>21</sup> обретох Давида раба Моего, елеем святым Моим помазах его.

<sup>22</sup> Ибо рука́ Моя засту́пит его, и мышца Моя укрепит его, <sup>23</sup> ничтоже успеет враг на него, и сын беззакония не приложит озлобити его: <sup>24</sup> и ссеку от лица его враги его, и ненавидящыя его побежду. 25 И истина Моя и милость Моя с ним, и о имени Моем вознесется рог его. <sup>26</sup> и положу на мори руку его, и на река́х десницу его, <sup>27</sup> Той призовет Мя: Отец мой еси Ты, Бог мой и Заступник спасения моего. 28 И Аз первенца положу его, высока паче царей земных: 29 в век сохраню́ ему милость Мою, и завет Мой ве́рен ему́, 30 и положу́ в век века семя его, и престол его яко лиие неба. <sup>31</sup> Аще оставят сынове его закон Мой, и в судьбах Моих не пойдут, <sup>32</sup> аще оправдания Моя осквернят, и заповедей Моих не сохранят, 33 посещу жезлом беззакония их, и ранами неправды их.

34 милость же Мою не разорю от них, ни преврежду во истине Моей, 35 ниже́ оскверню́ заве́та Моего, и исходящих от уст Моих не отвергуся. <sup>36</sup> Единою кляхся о святем Мое́м, аще Давиду солжу? 37 Се́мя его во век пребудет, и престол его. яко со́лнце предо Мною, <sup>38</sup> и яко луна совершена в век, и Свидетель на Небеси ве́рен. <sup>39</sup> Ты же отринул еси и уничижил, негодовал еси помазаннаго Твоего, 40 разорил еси завет раба Твоего, осквернил еси на земли святыню его: 41 разорил еси вся оплоты его, положил еси твердая его страх. 42 Расхищаху его вси мимоходящии путем, бысть поношение соседом своим. 43 Возвысил еси десницу стужающих ему, возвеседил еси вся враги его: 44 отвратил еси помощь меча его, и не заступил еси его во брани. 45 Разория еси от очищения его,

престол его на землю повергл еси, 46 умалил еси дни времене его, облия́л еси его студом. 47 Доко́ле, Господи, отвращаещися в конец? Разжжется яко огнь гнев Твой? 48 Помяни, кий мой состав, еда бо всуе создал еси вся сыны человеческия? <sup>49</sup> Кто есть челове́к, иже поживет и не узрит смерти, избавит дущу свою из руки адовы? 50 Где суть милости Твоя древния, Господи, имиже клялся еси Давиду во истине Твоей? 51 Помяни, Господи, поношение раб Твоих, еже удержах в недре моем многих язык, 52 имже поносища врази Твои, Господи, имже поносища изменению христа Твоего. 53 Благословен Господь во век, буди, буди.

Слава:

# Молитва Моисеа, человека Божия, 89

<sup>2</sup> Господи, прибежище был еси нам в род и род. 3 Прежде даже горам не быти и создатися земли и вселенней, и от века и до века Ты еси. 4 Не отврати человека во смирение, и рекл еси: обратитеся, сынове человечестии. 5 Яко тысяща лет пред очима Твоима. Господи, яко день вчерашний, иже мимойде, и стража нощная. 6 Уничижения их лета будут. Утро яко трава мимойдет, утро процветет и прейдет: на вечер отпадет ожестеет и изсхнет. 7 Яко исчезохом гневом Твоим, и яростию Твоею смутихомся. 8 Положил еси беззакония наша пред Тобою: век наш в просвещение лица́ Твоего. 9 Яко вси дние наши оскудеща, и гневом Твоим исчезо́хом, 10 ле́та на́ша яко

паучина поучахуся. Дние лет наших, в нихже седмьдесят лет, аще же в силах, осмьдесят лет, и множае их труд и болезнь: яко прийде кротость на ны, и накажемся. 11 Kто весть державу гнева Твоего. и от страха Твоего, ярость Твою исчести? 12 Десницу Твою тако скажи ми, и окованныя сердцем в мудрости. 13 Обратися, Господи, доколе? И умолен буди на рабы Твоя. 14 Исполнихомся заутра милости Твоея, Господи, и возрадовахомся, и возвеселихомся, 15 во вся дни нашя возвеселихомся, за дни в няже смирил ны еси, лета в ня́же ви́дехом зла́я, 16 И при́зри на рабы Твоя, и на дела Твоя, и настави сыны их. 17 И буди светлость Господа Бога нашего на нас, и дела рук наших исправи на нас, и дело рук наших исправи.

# Хвала песни Давидовы, не надписан у еврей, 90

1 Живый в помощи Вышняго, в крове Бога Небеснаго водворится. <sup>2</sup> Речет Господеви: Заступник мой еси и Прибежище мое, Бог мой, и уповаю на Него. 3 Яко Той избавит тя от сети ловчи, и от словесе мятежна, <sup>4</sup> плещма Своима осенит тя, и под криле Его надеешися: оружием обыдет тя истина Его. 5 Не убойшися от страха нощнаго, от стрелы летящия во дни, 6 от вещи во тме преходящия, от сряща, и беса полуденнаго. 7 Падет от страны твоея тысяща, и тма одесную тебе, к тебе же не приближится, 8 обаче очима твоима смотриши, и воздаяние грешников узриши. 9 Яко Ты, Господи, упование мое, Вышняго положил еси прибежище твое. 10 Не прийдет к тебе зло, и рана не приближится телеси твоему, 11 яко Ангелом Своим заповесть о тебе, сохранити тя во всех путех твоих. 12 На руках возмут тя, да не когда преткнеши о камень ногу твою, 13 на аспида и василиска наступиши, и попереши льва и змия. 14 Яко на Мя упова, и избавлю и: покрыю и, яко позна имя Мое. 15 Воззове́т ко Мне, и услы́шу его: с ним есмь в скорби, изму его, и прославлю его, 16 долготою дней исполню его, и явлю ему спасение Moe.

#### Слава:

## Молитвы по 12-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 7-й:

Блудни́цы сле́зы и Петро́вы прие́мый, Го́споди, и мытаря́ оправда́вый из глубины воздохну́вша, и мене́ во умиле́нии припа́дающа уще́дри, Спасе́, и помилуй мя.

Слава: Приими я́ко мытаря́, Го́споди, я́ко блудни́цу очи́сти мя, Влады́ко, яко ханане́ю поми́луй, по вели́цей Твоей ми́лости.

И ныне: Мати света Благословенная Богоро́дице, моли́ся Христу Богу совозсия́ти утро, и ве́лию ми́лость душам нашым.

Господи, помилуй (40 раз) и молитва:

Го́споди Боже мой, Един Благи́й и Человеколюбі́явый, Еди́н Милостивый и Кро́ткий, Един Истинный и Пра́ведный, Един Щедрый и Милостивый Боже наш: да прийдет сила Твоя на мя, гре́шнаго и непотре́бнаго раба Твоего, и да укрепи́т

мой храм Евангелием Божественнаго учения Твоего. Владыко и Человеколюбче, Любоблаже, Любоблагоутробне, просвети моя утробы и вся ўды Твоею волею. Очисти мя от всякия злобы и греха: соблюди мя нескверна и непорочна от всякаго найтия и действа диавола, и даруй ми по Твоей благости, Твоя разумети, Твоя мудрствовати, и в Твоих хотениих жити, Твоего страха страшитися, еже творити Тебе благоугодная до после́лняго моего излыха́ния, я́ко да по неисповедимой Твоей милости соблюдещи мое тело и душу, ум же и мысли, не искушен всякия сопротиволежащия сети храм. Господи мой. Господи, покрый мя Твоим благоутробием, и не остави мя. грешнаго, и нечистаго, и недостойнаго раба Твоего: яко Ты еси Защититель мой, Господи, и о Тебе

### Псалтирь пророка Давида

пение мое выну, и Тебе славу возсыла́ем, Отцу и Сыну и Святому Духу, ныне и присно, и во веки веков, аминь.





### КАФИСМА 13

# Псалом песни в день субботный, 91

<sup>2</sup> Благо есть исповедатися Господеви, и пети имени Твоему, Вышний: <sup>3</sup> возвещати заутра милость Твою и истину Твою на всяку нощь, 4 в десятоструннем псалтири с песнию в гуслех. 5 Яко возвеселил мя еси. Госполи, в творении Твоем, и в делех руку Твоею возрадуюся. 6 Яко возвеличищася дела́ Твоя, Господи, зело́ углуби́шася помышления Твоя, 7 Муж безумен не познает, и неразумив не разуме́ет сих. 8 Внегда прозябоща гре́шницы яко трава, и проникоща вси делающии беззаконие, яко да потребятся в век века. 9 Ты же Вышний во век. Господи. <sup>10</sup> Яко се врази́ Твои, Господи, яко се врази Твои погибнут, и разыдутся вси делающии беззаконие. <sup>11</sup> И вознесется яко единорога рог мой, и старость моя в еле́и масти́те. 12 И воззре́ о́ко мое на враги моя, и востающыя на мя лукавнующыя услышит ухо мое. 13 Праведник яко финикс процветет, яко кедр, иже в Ливане, умножится. 14 Насаждени в дому Господни, во дворех Бога нашего процветут, 15 еще умножатся в старости мастите, и благоприемлюще бу́дут. 16 Да возвестя́т, яко прав Господь Бог наш, и несть неправды в Нем.

В день предсубботный, внегда населися земля, хвала песни Давиду, 92

<sup>1</sup> Господь воцарися, в ле́поту облече́ся: облечеся Господь в си́лу и препоя́сася, ибо утверди́ вселе́н-370 ную, яже не подвижится. <sup>2</sup> Гото́в Престо́л Твой отто́ле: от ве́ка Ты еси. <sup>3</sup> Воздвиго́ша ре́ки, Господи, воздвиго́ша ре́ки гла́сы своя, <sup>4</sup> во́змут ре́ки сотре́ния своя, от гласо́в вод мно́гих. Ди́вны высоты́ морски́я, ди́вен в высо́ких Господь. <sup>5</sup> Свиде́ния Твоя уве́ришася зело́, до́му Твоему́ подоба́ет святы́ня, Господи, в долготу́ дний.

## Псалом Давиду, в четвертый субботы, 93

<sup>1</sup> Бог отмщений Господь, Бог отмщений не обинулся есть. <sup>2</sup> Возпесися судяй земли, воздаждь воздаяние гордым. <sup>3</sup> Доколе грешницы, Господи, доколе грешницы восхвалятся? <sup>4</sup> Провещают и возглаголют неправду, возглаголют вси делающии беззаконие? <sup>5</sup> Люди Твоя, Господи, смириша и достояние Твое озлобиша. <sup>6</sup> Вдовицу и

сира умориша и пришельца убиша, 7 и реша: не узрит Господь, ниже уразумеет Бог Иаковль. 8 Разумейте же безумнии в людех и буии некогда умудритеся. 9 Haсаждей ухо, не слышит ли? Или создавый око, не сматряет ли? 10 Наказу́яй язы́ки, не обличи́т ли, учай человека разуму? 11 Госполь весть помышления человеческая, яко суть суетна. 12 Блаже́н человек, егоже аще накажещи, Господи, и от закона Твоего научищи его, 13 укротити его от дней лютых, дондеже изрыется грешному яма. 14 Яко не отринет Госполь людей Свойх, и достояния Своего не оставит, 15 дондеже правда обратится на суд, и держащиися ея вси правии сердцем. 16 Кто востанет ми на лукавнующыя? Или кто спредстанет ми на делающыя беззаконие? 17 Аще не Господь помогл бы ми,

вмале вселилася бы во ад душа моя́. <sup>18</sup> Аще глаго́лах, подвижеся нога моя, милость Твоя, Господи, помогаще ми. 19 По множеству боле́зней моих в сердце мое́м, утеше́ния Твоя возвеселища душу мою. 20 Да не прибудет Тебе престол беззакония, созидаяй труд на повеление. <sup>21</sup> Уловя́т на ду́шу пра́ведничу, и кровь неповинную осудят. 22 И бысть мне Господь в прибежище, и Бог мой в помощь упования моего́. 23 И возда́ст им Господь беззаконие их и по лукавствию их погубит я Господь Бог.

#### Слава:

# Хвала песни Давиду, не надписан у еврей, 94

<sup>1</sup> Приидите, возра́дуемся Го́сподеви, воскли́кнем Богу Спаси́телю на́шему: <sup>2</sup> предвари́м лице́ Его во

исповедании, и во псалмех воскликнем Ему. <sup>3</sup> Яко Бог Велий Господь, и Царь Велий по всей земли. 4 яко в руце Его вси концы земли, и высоты гор Того суть. 5 Яко Того есть море, и Той сотвори е, и сущу руще Его создасте. 6 Приидите, поклонимся и припадем Ему, и восплачемся пред Господем сотворшим нас: 7 яко Той есть Бог наш. и мы людие пажити Его, и овцы руки Его. Днесь аще глас Его услышите, <sup>8</sup> не ожесточите сердец ваших, яко в прогневании, по дни искущения в пустыни, <sup>9</sup> воньже искусища Мя отцы ваши, искусиша Мя, и ви́деша дела́ Моя. 10 Четыредесять лет негодовах рода того, и рех: присно заблуждают сердцем, тии же не познаша путей Моих, <sup>11</sup> яко кляхся во гневе Моем, аше внидут в покой Мой.

# Хвала песни Давиду, внегда дом созидашеся по пленении, не надписан у еврей, 95

Воспойте Господеви песнь нову, воспойте Господеви вся земля, <sup>2</sup> воспойте Господеви, благословите имя Его, благовестите день от дне спасение Его. 3 Возвестите во языщех славу Его, во всех людех чудеса Его. 4 Яко Велий Господь и хвален зело, страшен есть над всеми боги, <sup>5</sup> Яко вси бози язык бесове: Господь же небеса сотвори. 6 Испове́дание и красота́ пред Ним. святыня и великолепие во святиле Его. 7 Принесите Господеви отечествия язык, принесите Господеви славу и честь. 8 Принесите Госполеви славу имени Его, возмите жертвы, и входите во дворы Его. 9 Поклонитеся Господеви во дворе святем Его, да подвижится от лица Его вся земля́. 10 Рцы́те во язы́цех, яко Господь воцари́ся, ибо испра́ви вселе́нную, яже не подви́жится: су́дит лю́дем пра́востию. 11 Да возвеселя́тся небеса́, и ра́дуется земля́, да подви́жится мо́ре и исполне́ние его. 12 Возра́дуются поля́, и вся яже на них, тогда́ возра́дуются вся древа́ дубра́вная. 13 От лица́ Господня, яко гряде́т, яко гряде́т суди́ти земли́, суди́ти вселе́нней в пра́вду, и лю́дем и́стиною Свое́ю.

## Псалом Давиду, егда земля его устроящеся, не надписан у еврей, 96

<sup>1</sup> Господь воцарися, да ра́дуется земля́, да веселя́тся о́строви мно́зи. <sup>2</sup> Облак и мрак о́крест Его, пра́вда и судьба́ исправле́ние Престо́ла Его. <sup>3</sup> Огнь пред Ним предъйдет, и попали́т о́крест враги́ Его. <sup>4</sup> Освети́ша мо́лния Его́ вселе́нную: ви́де,

и подвижеся земля. 5 Горы яко воск растаяша от лица Господня, от лица Господа всея земли, 6 Возвестиша небеса правду Его, и видеша вси лю́дие сла́ву Его. 7 Да постыдятся вси кланяющиися истуканным, хвалящиися о идолех свойх, поклонитеся Ему вси Ангели Его. 8 Слыша и возвеселися Сион, и возрадовашася дщери Иудейския, судеб ради Твоих, Господи, 9 яко Ты Господь Вышний над всею землею, зело превознеслся еси над всеми бо́ги. 10 Любящии Господа, ненавидите злая, хранит Господь душы преподобных Своих, из руки грешничи избавит я́. 11 Свет возсия́ праведнику, и правым сердцем веселие. 12 Веселитеся, праведнии, о Господе и исповедайте память Святыни Его.

Слава:

# Псалом Давиду, 97

Воспойте Господеви песнь нову. яко дивна сотвори Господь. Спасе Его десница Его, и мышца святая Его. <sup>2</sup> Сказа Господь спасение Свое, пред языки откры правду Свою. 3 Помяну милость Свою Иакову, и истину Свою дому Израилеву, видеша вси концы земли спасение Бога нашего. 4 Воскликните Богови вся земля, воспойте, и радуйтеся, и пойте. 5 Пойте Господеви в гуслех, в гуслех и гласе псаломсте. 6 В трубах кованых и гласом трубы рожаны вострубите пред Царе́м Господем. 7 Да подвижится море и исполнение его, вселенная и вси живущии на ней. <sup>8</sup> Реки восплещут рукою вкупе, горы возрадуются. 9 От лица Господня, яко грядет, яко йдет судити земли, судити вселенней в правду, и людем правостию.

# Псалом Давиду, 98

Господь воцарися, да гневаются людие: седяй на Херувимех, да подвижится земля. 2 Господь в Сионе Велик, и Высок есть над всеми людьми. <sup>3</sup> Да исповедятся имени Твоему великому, яко страшно и свято есть. 4 И честь царева суд любит: Ты уготовал еси правоты. суд и правду во Иакове Ты сотворил еси. 5 Возносите Господа Бога нашего, и покланяйтеся подножию ногу Его, яко свято есть. 6 Моисей и Аарон во иереех Его, и Самуил в призывающих имя Его: призываху Господа, и Той послушаше их. <sup>7</sup> В столпе́ облачне глаголаше к ним: яко храняху свидения Его и повеления Его, яже даде им. 8 Господи Боже наш, Ты послушал еси их: Боже, Ты Милостив бывал еси им, и мшая на вся начинания их. 9 Возносите Господа Бога на́шего, и покланя́йтеся в горе́ святе́й Его, яко Свят Господь Бог наш.

## Псалом Давиду, во исповедание, 99

<sup>1</sup> Воскли́кните Бо́гови вся земля́, <sup>2</sup> рабо́тайте Господеви в весе́лии, вни́дите пред Ним в ра́дости. <sup>3</sup> Уве́дите, яко Господь Той есть Бог наш: Той сотвори́ нас, а не мы, мы же лю́дие Его и о́вцы па́жити Его. <sup>4</sup> Вни́дите во врата́ Его во испове́дании, во дворы́ Его в пе́ниих: испове́дайтеся Ему, хвали́те имя Его. <sup>5</sup> Яко благ Господь, в век ми́лость Его, и да́же до рода и рода и́стина Его.

# Псалом Давиду, 100

<sup>1</sup> Ми́лость и суд воспою́ Тебе, Господи. <sup>2</sup> Пою́ и разуме́ю в пути́ непоро́чне, когда́ прии́деши ко мне? Прехождах в незлобии сердца моего посреде дому моего. <sup>3</sup> Не предлагах пред очима моима вещь законопреступную: творящыя преступление возненавидех. 4 Не прильпе мне сердце строптиво, уклоняющагося от мене лукаваго не познах. 5 Оклеветающаго тай искренняго своего, сего изгонях: гордым оком, и несытым сердцем, с сим не ядях. 6 Очи мои на верныя земли, посаждати я со мною: ходяй по пути непорочну, сей ми служаше. 7 Не живяще посреде дому моего творяй гордыню, глаголяй неправедная, не исправляще пред очима моима. 8 Воутрия избивах вся грешныя земли, еже потребити от града Господня вся делающыя беззаконие.

## Слава:

## Молитвы по 13-й кафисме

Святый Боже: трижды, Слава, и ныне: Пресвятая Троице: Господи помилуй трижды, Слава, и ныне: Отче наш:

Таже тропари, глас 8-й:

Оком благоутробным, Господи, виждь мое смирение, яко помале жизнь моя иждивается, и от дел несть мне спасения. Сего ради молюся: оком благоутробным, Господи, виждь мое смирение и спаси мя.

Слава: Яко Судий предстоящу, попецьіся, душе, и стра́шнаго дне час помышляй, суд бо неми́лостив есть не сотво́ршым ми́лости. Возопи́й убо Христу Богу: Сердцеве́дче, согреши́х, прежде даже не осу́диши, помилуй мя.

*И ныне:* Стра́шнаго Твоего и гро́знаго, и неумы́тнаго суда, Христе, во уме прие́м день и час, тре-

пе́щу яко злодей, студа́ дела́ и дея́ния име́яй лю́тая, я́же един аз соде́ях приле́жно. Темже страхом припа́даю Тебе, вопия боле́зненно: моли́твами ро́ждшия Тя, Многоми́лостиве, спаси мя.

Господи, помилуй (40 раз) и молитва:

Господи Святый. Иже в вышних живый, и всевидящим Твоим оком призираяй на всю тварь. Тебе приклонихом выю души и телесе, и Тебе молимся, Святый святых: простри руку Твою невидимую от святаго жилища Твоего, и благослови вся ны: и аще что к Тебе согрешихом волею и неволею, яко Благ и Человеколюбен Бог прости. даруяй нам и мирная благая Твоя. Твое бо есть, еже миловати и спасати. Боже наш, и Тебе славу возсылаем, Отцу и Сыну и Святому Духу, ныне и присно, и во веки веков, аминь.



## КАФИСМА 14

## Молитва нищаго, егда уныет, и пред Господем пролиет моление свое, 101

<sup>2</sup> Господи, услыши молитву мою, и вопль мой к Тебе да прийдет. <sup>3</sup> Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. 4 Яко исчезоща яко дым дние мои, и кости моя яко сущило сосхощася. 5 Уязвен бых яко трава, и изсше сердце мое, яко забых снести хлеб мой. 6 От гла́са возлыха́ния моего прильпе кость моя плоти моей. 7 Уподобихся неясыти пустынней. бых яко нощный вран на нырищи. <sup>8</sup> Бдех и бых яко птица особящаяся на зде. 9 Весь день поношаху ми врази мои, и хвалящии мя мною

кленя́хуся. 10 Зане́ пе́пел яко хлеб ядях, и питие мое с плачем растворях. 11 От лица гнева Твоего и ярости Твоея: яко вознес низвергл мя еси. 12 Дние мои яко сень уклонишася, и аз яко сено изсхох. 13 Ты же, Господи, во век пребываещи, и память Твоя в род и род. 14 Ты воскрес ущедриши Сиона, яко время ущедрити его, яко прийде время. 15 Яко благоволи́ша раби́ Твои камение его, и персть его ущедрят. 16 И убоятся языны имене Господня, и вси царие земстии славы Твоея. 17 Яко созиждет Господь Сиона, и явится во славе Своей. 18 Призре на молитву смиренных, и не уничижи моления их. 19 Да напишется сие в род ин, и людие зиждемии восхвалят Господа. 20 Яко приниче с высоты святыя Своея, Господь с Небесе на землю призре, 21 услышати воздыхание

окованных, разрешити сыны умерщвленных, <sup>22</sup> возвестити в Сионе имя Господне, и хвалу Его во Иерусалиме. <sup>23</sup> Внегда собратися людем вкупе и царем, еже работати Господеви. <sup>24</sup> Отвеща́ ему на пути́ крепости его, умаление дней мойх возвести ми. <sup>25</sup> Не возведи мене во преполовение дней моих: в роде родов лета Твоя, <sup>26</sup> В началех Ты, Господи, землю основал еси, и дела руку Твоею суть небеса. 27 Та погибнут. Ты же пребываещи, и вся яко риза обетшают, и яко одежду свиещи я, и изменятся, <sup>28</sup> Ты же тойжде еси, и лета Твоя не оскудеют. 29 Сынове раб Твоих вселятся, и семя их во век исправится.

# Псалом Давиду, 102

<sup>1</sup> Благослови́, душе́ моя, Господа, и вся вну́тренняя моя имя свято́е Его. <sup>2</sup> Благослови́, душе́ моя, Господа, и не забыва́й всех воздая́ний Ero, 3 очищающаго вся беззакония твоя, исцеляющаго вся недуги твоя, 4 избавляющаго от истления живот твой, венчающаго тя милостию и щедротами, 5 исполняющаго во благих желание твое: обновится яко орля юность твоя. 6 Творяй милостыни Господь, и судьбу всем обидимым. 7 Сказа пути Своя Моисеови, сыновом Израилевым хотения Своя. 8 Щедр и Милостив Господь, Долготерпелив и Многомилостив. 9 Не до конца прогневается, ниже во век враждует, 10 не по беззаконием нашым сотворил есть нам, ниже по грехом нашым воздал есть нам. 11 Яко по высоте небесней от земли, утвердил есть Господь милость Свою на боящихся Его. 12 Елико отстоят востоны от запал. удалил есть от нас беззакония наша. <sup>13</sup> Якоже ще́дрит оте́ц сы́ны, уще́дри Господь боящихся Его.

<sup>14</sup> Яко Той позна создание наше, помяну, яко персть есмы. 15 Человек, яко трава дние его, яко цвет сельный, тако опветет, 16 яко дух пройде в нем, и не будет, и не познает ктому места своего. 17 Милость же Господня от века и до века на боящихся Его, 18 и правда Его на сынех сынов, хранящих завет Его, и помнящих заповеди Его творити я́. 19 Господь на Небеси́ уготова Престол Свой, и Царство Его всеми обладает. <sup>20</sup> Благословите Господа вси Ангели Его, сильнии крепостию, творящии слово Его, услышати глас словес Его. <sup>21</sup> Благословите Господа вся силы Его, слуги Его, творящии волю Eго. <sup>22</sup> Благословите Господа вся дела Его, на всяком месте владычества Его, благослови, душе моя, Господа.

#### Слава:

# Псалом Давиду, о мирстем бытии, 103

Благослови, душе моя, Господа. Господи Боже мой, возвеличился еси зело, во исповедание и в велеле́поту обле́клся еси. 2 Одея́йся све́том яко ризою, простираяй небо яко кожу. <sup>3</sup> Покрываяй водами превыспренняя Своя, полагаяй облаки на восхождение Свое, ходяй на крилу ветреню. 4 Творяй Ангелы Своя духи, и слуги Своя пламень о́гненный, 5 Основаяй землю на тверди ея, не преклонится в век века. <sup>6</sup> Бездна яко риза одеяние ея, на горах станут воды, 7 от запрещения Твоего побегнут, от гласа грома Твоего убоятся. 8 Восходят горы, и низходят подя в место, еже основал еси им. 9 Предел положил еси, егоже не прейдут, ниже обратя́тся покры́ти зе́млю, 10 Посыла́яй

источники в дебрех, посреде гор пройдут воды. 11 Напаяют вся звери сельныя, ждут онагри в жажду свою. 12 На тых птицы небесныя привитают, от среды камения дадя́т глас. 13 Напая́яй го́ры от превыспренних Своих, от плода дел Твойх насытится земля. 14 Прозябаяй траву скотом, и злак на службу челове́ком, извести хлеб от земли́. 15 И вино весели́т се́рдце человека, умастити лице елеем, и хлеб сердце человека укрепит. 16 Насытятся древа польская, кедри Ливанстии, ихже еси насалил, 17 Тамо птицы вогнездятся, еродиево жидище предводительствует ими. <sup>18</sup> Горы высокия еленем, камень прибежище заяцем. 19 Сотворил есть луну во времена, солнце позна запад свой. 20 Положил еси тму, и бысть нощь, в нейже пройдут вси зверие дубравнии. <sup>21</sup> Скимни рыкающии восхитити, и взыскати от Бога пищу себе. 22 Возсия солнце, и собращася, и в ложах свойх ля́гут, <sup>23</sup> Изы́дет челове́к на де́ло свое, и на делание свое до вечера. <sup>24</sup> Яко возвеличищася дела Твоя. Господи, вся премудростию сотворил еси, исполнися земля твари Твоея. <sup>25</sup> Сие море великое и пространное, тамо гади, ихже несть числа, животная малая с великими, <sup>26</sup> тамо корабли преплавают, змий сей, егоже создал еси ругатися ему. <sup>27</sup> Вся к Тебе чают, дати пищу им во благо время. 28 Давшу Тебе им, соберут, отверзшу Тебе руку, всяческая исполнятся благости, <sup>29</sup> отвращшу же Тебе лице, возмятутся, отъймеши дух их, и исчезнут, и в персть свою возвратя́тся. 30 Послеши Духа Твоего, и созиждутся, и обновиши лице земли́. 31 Буди слава Господня во веки, возвесели́тся Господь о де́лех Своих, <sup>32</sup> призира́яй на зе́млю, и твора́й ю́ трясти́ся, прикаса́яйся гора́м, и дыма́тся. <sup>33</sup> Воспою́ Господеви в животе́ моем, пою́ Богу моему́, до́ндеже есмь, <sup>34</sup> да услади́тся Ему́ бесе́да моя, аз же возвеселю́ся о Господе. <sup>35</sup> Да исче́знут гре́шницы от земли́, и беззако́ннипы, я́коже не бы́ти им. Благослови́, душе́ моя, Господа.

## Слава:

# Аллилуиа, 104

<sup>1</sup> Испове́дайтеся Го́сподеви, и призыва́йте имя Его, возвести́те во язы́цех дела́ Его. <sup>2</sup> Воспо́йте Ему и по́йте Ему, пове́дите вся чудеса́ Его. <sup>3</sup> Хвали́теся о имени́ святе́м Его, да возвесели́тся се́рдце и́шущих Господа. <sup>4</sup> Взыщи́те Господа, и утверди́теся, взыщи́те лица́ Его

выну. 5 Помяните чудеса́ Его, яже сотвори, чудеса Его, и судьбы уст Его, 6 Семя Авраамле раби Его, сынове Иаковли избраннии Его. 7 Той Господь Бог наш, по всей земли судьбы Его. 8 Помяну в век завет Свой, слово, еже заповеда в тысящы родов, <sup>9</sup> еже завеща Авраа́му, и кля́тву Свою Исаа́ку. 10 И постави ю Иакову в повеление, и Израилю в завет вечен, 11 глаголя: тебе дам землю Ханааню, уже достояния вашего, 12 внегда быти им малым числом, малейшым и прише́льцем в ней. 13 И преидо́ша от языка в язык, и от царствия в люди ины. <sup>14</sup> Не остави челове́ка оби́дети их, и обличи о них цари. 15 Не прикасайтеся помазанным моим, и во пророцех моих не лукавнуйте. 16 И призва́ глад на землю, вся́ко утверждение хлебное сотры. 17 Посла пред ними человека: в раба продан бысть Иосиф. 18 Смириша во оковах нозе его, железо пройде душа́ его́, <sup>19</sup> до́ндеже прийде сло́во Его, слово Господне разжже его. <sup>20</sup> Посла́ царь и разреши́ его: князь людей, и остави его. <sup>21</sup> Постави его господина дому своему, и князя всему стяжанию своему, 22 наказати князи его яко себе, и старцы его умудрити. <sup>23</sup> И вниде Израиль во Египет, и Иаков пришельствова в землю Хамову. 24 И возрасти люди своя зело, и укрепи я паче врагов их. <sup>25</sup> Преврати сердце их возненавидети люди Его, лесть сотворити в рабе́х Его. <sup>26</sup> Посла́ Моисе́а раба́ Своего, Аарона, егоже избра Себе. <sup>27</sup> Положи́ в них словеса́ зна́мений Своих, и чудес Своих в земли Хамове. <sup>28</sup> Посла́ тму и помрачи, яко преогорчища словеса́ Его. 29 Преложи воды их в кровь, и измори рыбы их. 30 Воскипе земля их жабами в сокровищницах царей их. 31 Рече, и приидоща песии мухи, и скнипы во вся пределы их. 32 Положи дожди их грады, огнь попаля́ющ в земли́ их, <sup>33</sup> и порази́ винограды их и сможвы их, и сотры вся́кое дре́во преде́л их. 34 Рече́, и приидоща прузи и гусеницы, имже не бе числа́, 35 И снедоща вся́ку траву в земли их, и поядоща всяк плод земли их. 36 И порази всякаго первенца в земли их, начаток всякаго труда́ их, <sup>37</sup> и изведе́ я́ с сребром и златом, и не бе в коленах их боляй, 38 Возвеселися Египет во исхождении их, яко нападе страх их на ня. <sup>39</sup> Распростре облак в покров им и огнь, еже просветити им нощию. 40 Просища, и приилоша крастели, и хлеба небеснаго насыти я́, 41 разверзе камень, и потекоща воды, потекоща в безводных реки, 42 яко помяну слово свято́е Своє́, є́же ко Авраа́му, рабу́ Своему́. <sup>43</sup> И изведє́ лю́ди Своя́ в ра́дости, и избра́нныя Своя́ в весе́лии. <sup>44</sup> И дадє́ им страны́ язы́к, и труды́ люде́й насле́доваша, <sup>45</sup> яко да сохраня́т оправда́ния Его и зако́на Его взы́шут.

#### Слава:

### Молитвы по 14-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 8-й:

Яко блудница припадаю Ти, да прииму оставление, и вместо мира слезы от сердца приношу Ти, Христе Боже: да яко оную ущедриши мя, Спасе, и подаси очищение грехов. Яко оная бо зову Ти: избави мя от тимения дел моих.

Слава: Почто не помышля́еши, душе моя, смерти? Почто не обраща́ешися про́чее ко исправле́нию, прежде трубы́ глаше́ния на суде? Тогда несть время покая́ния. Приими́ во уме мытаря́ и блудни́цу зову́щыя: согреши́х Ти, Го́споди, поми́луй мя.

И ныне: Яко превосходящая вои́стинну рождество́м Твоим си́лы Небе́сныя, Присноде́во Богоро́дице, и́же Тобою Божеством обогати́вшеся, непреста́нно Тя велича́ем.

Господи, помилуй (40 раз) и молитва:

Благодари́м Тя, Го́споди Боже спасе́ний наших, я́ко вся твори́ши во благодея́ния жизни на́шея, яко упоко́ил еси нас в преше́дшем нощно́м вре́мени, и воздви́гл еси нас от ло́жей наших, и поста́вил еси нас в поклоне́ние честна́го и сла́внаго и́мене Твоего. Те́мже молимся

Тебе, Господи: даждь нам благодать и силу, да сподобимся Тебе пети разумно, и молитися непрестанно: и выну к Тебе зрети, Спасителю и Благодетелю наших душ, страхом и трепетом свое спасение действующе. Услыши убо и помилуй, Благоутробне, нас: сокруши под ноги нашя невидимыя ратники и враги: приими яже по силе нашей благодарения: даждь нам благодать и силу во отверзение уст наших, и научи нас оправданием Твоим. Яко что помолимся, якоже подобает, не вемы, аще не Ты, Господи, Духом Твоим Святым наставиши ны. Аще же что согрешиком даже до настоящаго часа, словом, или делом, или помышлением, волею, или неволею, ослаби, остави, прости. Аще бо беззакония назриши, Господи, Господи, кто постойт? Яко у Тебе очищение есть,

#### Молитвы по 14-й кафисме

у Тебе избавление. Ты еси Един Свят, Помощник Крепкий, и Защититель жизни нашея, и Тя благословим во вся веки, аминь.





## КАФИСМА 15

## Аллилуиа, 105

Испове́дайтеся Го́сподеви, я́ко Благ, яко в век милость Его. 2 Кто возглаголет силы Господни? Слышаны сотворит вся хвалы Его? <sup>3</sup> Блажени хранящии суд и творящии правду во всякое время. 4 Помяни нас. Господи, во благоволении людей Твоих, посети нас спасением Твоим. 5 Видети во благости избранныя Твоя, возвеселитися в веселии языка Твоего, хвалитися с достоянием Твоим. 6 Согрешихом со отцы нашими, беззаконновахом, неправдовахом. 7 Отцы наши во Египте не разумеща чудес Твоих, ни помянуща множества милости Твоея и преогорчища восходяще в Чермное море. <sup>8</sup> И спасе их имене Своего ради, сказати силу Свою, 9 и запрети Чермному морю, и изсяче, и настави я в бездне, яко в пустыни. <sup>10</sup> И спасе я из руки ненавидящих, и избави я из руки врагов, <sup>11</sup> Покры вода стужающыя им, ни един от них избысть, 12 И вероваша словеси Его, и воспеша хвалу́ Его. 13 Ускори́ша, забы́ша дела Его, не стерпеща совета Его. 14 И похоте́ша жела́нию в пусты́ни, и искусища Бога в безводней. 15 И даде им прошение их, посла сытость в душы их, <sup>16</sup> И прогневаща Моисе́а в стану, Ааро́на свята́го Господня, <sup>17</sup> Отверзеся земля и пожре Дафана, и покры на сонмищи Авиро́на, <sup>18</sup> и разжже́ся огнь в сонме их, пламень попали грешники. 19 И сотворища тельца в Xoриве, и поклонишася истуканному, 20 и изменища славу Его в подобие тельца ядущаго траву, <sup>21</sup> и забыша Бога спасающаго их, сотворшаго велия во Египте, <sup>22</sup> чудеса в земли Хамове, страшная в мори Чермнем. <sup>23</sup> И рече потребити их, аще не бы Моисей, избранный Его, стал в сокрушении пред Ним, возвратити ярость Его, да не погубит их. 24 И уничижища землю желанную, не яща веры словеси Его, <sup>25</sup> и поропта́ша в селе́ниих свойх, не услышаща гласа Госполня. <sup>26</sup> И воздвиже руку Свою на ня. низложити я в пустыни, <sup>27</sup> и низложити семя их во языцех, и расточити я в страны. 28 И причастишася Веельфегору, и снедоща жертвы ме́ртвых. 29 И раздражи́ша Его в начинаниих своих, и умножися в них падение. 30 И ста Финеес, и умилостиви, и преста сечь. <sup>31</sup> И вменися ему в правду, в род и род до ве́ка. 32 И прогне́ваша Его на воде пререкания, и озлоблен бысть Моисей их ради, 33 яко преогорчиша дух его и разнствова устнама свойма. <sup>34</sup> Не потребища языки, яже рече Господь им, <sup>35</sup> и смесишася во языцех, и навыкоща делом их. 36 И поработаща истуканным их, и бысть им в соблазн, 37 и пожроща сыны своя и дщери своя бесовом, 38 и пролияща кровь неповинную, кровь сынов своих и дщерей, яже пожроща истуканным ханаанским, и убиена бысть земля́ их кровьми́, <sup>39</sup> и оскверни́ся в де́лех их, и соблуди́ша в начина́ниих своих. 40 И разгневася яростию Господь на люди Своя, и омерзи достояние Свое, 41 и предаде я в руки врагов, и обладаща ими ненавидящии их. 42 И стужища им врази их, и смирищася под руками их. 43 Множицею избави я, тии же преогорчища Его советом своим и смиришася в беззакониих свойх.

<sup>44</sup> И ви́де Господь, внегда́ скорбе́ти им, внегда́ услы́шаше моле́ние их. <sup>45</sup> И помяну́ завет Свой, и раска́яся по мно́жеству ми́лости Своея, <sup>46</sup> и даде́ я́ в щедро́ты пред всеми плени́вшими я́. <sup>47</sup> Спаси́ ны, Господи, Боже наш, и собери́ ны от язы́к испове́датися и́мени Твоему́ свято́му, хвали́тися во хвале́ Твоей. <sup>48</sup> Благослове́н Господь Бог Изра́илев от века и до века. И реку́т вси лю́дие: бу́ди, бу́ди.

#### Слава:

## Аллилуиа, 106

<sup>1</sup> Испове́дайтеся Господеви, я́ко Благ, яко в век ми́лость Его. <sup>2</sup> Да реку́т изба́вленнии Господем, и́хже изба́ви из руки́ врага́ <sup>3</sup> и от стран собра́ их, от восто́к и за́пад, и се́вера, и мо́ря. <sup>4</sup> Заблуди́ша в пусты́ни безво́дней, пути́ гра́да обительнаго не обретоша, 5 алчуще и жаждуще, душа их в них исчезе́. 6 И воззваща ко Господу. внегда скорбети им, и от нужд их избави я, 7 и настави я на путь прав, внити во град обительный. <sup>8</sup> Да испове́дятся Господеви ми́лости Его, и чудеса Его сыновом человеческим, 9 яко насытил есть душу тщу и душу алчущу исполни благ. <sup>10</sup> Седящыя во тьме и сени смертней, окованныя нищетою и желе́зом, <sup>11</sup> яко преогорчи́ша словеса Божия и совет Вышняго раздражища. 12 И смирися в трудех сердце их, и изнемогоша, и не бе помогаяй. 13 И воззваща ко Господу, внегда скорбети им, и от нужд их спасе́ я́, <sup>14</sup> и изведе́ я́ из тьмы и сени смертныя, и узы их растерза́. 15 Да испове́дятся Господеви милости Его, и чудеса Его сыновом человеческим, 16 яко сокруши врата́ ме́дная и верей желе́зныя сломи́. 17 Восприят я от пути беззакония их, беззаконий бо ради свойх смиришася. 18 Всякаго брашна возгнушася душа их, и приближишася до врат смертных. 19 И воззваща ко Господу, внегда скорбети им, и от нужд их спасе́ я́, <sup>20</sup> посла́ сло́во Свое и исцели я, и избави я от растлений их. <sup>21</sup> Да исповедятся Господеви милости Его, и чудеса Его сыновом человеческим, <sup>22</sup> и да пожрут Ему жертву хвалы, и да возвестят дела Его в радости. <sup>23</sup> Сходящии в море в кораблех, творящии лелания в волах многих. 24 ти́и ви́деща дела́ Господня и чудеса́ Его во глубине́. 25 Рече́, и ста дух бурен, и вознесощася волны его. <sup>26</sup> восходят до небес и низходят до бездн, душа их в злых таяше: <sup>27</sup> смято́шася, подвиго́шася, я́ко пияный, и вся мудрость их погло-

шена́ бысть. 28 И воззваща ко Господу, внегда скорбети им. и от нужд их изведе́ я́, 29 и повеле́ бу́ри, и ста в тишину, и умолкоща во́лны его. 30 И возвеселищася, яко умолкоша, и настави я в пристанище хоте́ния своего́. 31 Да испове́дятся Господеви милости Его, и чудеса Его сыновом человеческим: 32 да вознесут Его в церкви людстей и на седалищи старец восхвалят Его. 33 Положи́л еси ре́ки в пусты́ню, и исходища водная в жажду, 34 землю плодоносную в сланость, от злобы живущих на ней. <sup>35</sup> Положил есть пустыню во езера водная и землю безводную во исходища водная. 36 И насели тамо алчушыя. и составища грады обительны, <sup>37</sup> и насеяща села, и насалища винограды, и сотвориша плод житен. 38 И благослови я, и умножищася зело́, и скоты́ их не ума́ли, 39 И

ума́лишася, и озло́бишася от ско́рби зол и боле́зни. 40 Излия́ся уничиже́ние на кня́зи их, и облазни́ я́ по непрохо́дней, а не по пути́. 41 И помо́же убо́гу от нищеты́ и положи́ яко о́вцы оте́чествия. 42 У́зрят пра́вии и возвеселя́тся, и вся́кое беззако́ние загради́т уста́ своя́. 43 Кто прему́др и сохрани́т сия? И уразуме́ют ми́лости Господни.

#### Слава:

# Песнь, псалом Давиду, 107

<sup>2</sup> Гото́во се́рдце мое, Боже, гото́во се́рдце мое: воспою́ и пою́ во сла́ве моей. <sup>3</sup> Воста́ни сла́ва моя, воста́ни псалти́рю и гу́сли, воста́ну рано. <sup>4</sup> Испове́мся Тебе в лю́дех, Господи, пою́ Тебе́ во язы́цех. <sup>5</sup> Яко ве́лия верху́ небе́с ми́лость Твоя и до о́блак и́стина Твоя. <sup>6</sup> Вознеси́ся на Небеса́, Боже, и по все́й земли́

слава Твоя́, 7 яко да избавятся возлюбленнии Твой: спаси десницею Твоею и услыши мя. 8 Бог возглагола во святем Своем: вознесуся и разделю Сикиму, и удоль селений размерю. 9 Мой есть Галаа́д и Мой есть Манассий, и Ефрем заступление главы Моея, Иуда царь Мой. 10 Моа́в коно́б упова́ния Моего, на Идумею наложу сапот Мой: Мне иноплеменницы покорищася. 11 Кто введет мя во град ограждения? Или кто наставит мя до Идуме́и? 12 He Ты ли, Боже, отринувый нас? И не изыдеши, Боже, в силах наших? 13 Даждь нам помощь от скорби, и су́етно спасе́ние челове́ческо. 14 О Бозе сотворим силу, и Той уничижит враги нашя.

## В конец, псалом Давиду, 108

Боже, хвалы́ моея́ не премолчи́,
 яко уста́ гре́шнича и уста́ льсти́-

ваго на мя отверзощася, глаголаща на мя языком льстивым, <sup>8</sup> и словесы ненавистными обыдоща мя, и брашася со мною ту́не. 4 Вместо еже любити мя, оболгаху мя, аз же моля́хся, <sup>5</sup> и положи́ша на мя злая за благая, и ненависть за возлюбление мое. 6 Постави на него грешника, и диавол да станет одесную его. 7 Внегда судитися ему, да изыдет осужден, и молитва его да бу́дет в грех. 8 Да бу́дут дни́е его мали, и епископство его да приимет ин: 9 да будут сынове его сири, и жена его вдова: 10 движущеся да преселятся сынове его и воспросят, да изгнани будут из домов свойх. 11 Да взыщет заимодавец вся, елика суть его, и да восхитят чуждии труды его. 12 Да не будет ему заступника, ниже да бу́дет ущедряяй сироты его. 13 Да будут чада его в погубление, в роде

едином да потребится имя его. 14 Да воспомянется беззаконие отец его пред Господем, и грех матере его да не очистится. 15 Да будут пред Господем выну и да потребится от земли память их. 16 Занеже не помяну сотворити милость, и погна человека нища и убога, и умилена сердцем умертвити. 17 И возлюби клятву, и прийдет ему, и не восхоте благословения, и удалится от него. 18 И облечеся в клятву яко в ризу, и вниде яко вода во утробу его, и яко елей в кости его. 19 Да будет ему яко риза, в нюже облачится, и яко пояс, имже выну опоясуется. 20 Сие́ де́ло оболга́ющих мя у Господа и глаголющих лукавая на дущу мою, 21 И ты, Господи, Господи, сотвори со мною имене ради Твоего, яко блага милость Твоя. <sup>22</sup> Избави мя, яко нищ и убо́г есмь аз, и сердце мое смятеся внутрь

мене́. 23 Яко сень, внегда́ уклони́тися ей, отъяхся, стрясохся яко прузи. 24 Колена моя изнемогоста от поста, и плоть моя изменися еле́а ра́ди. 25 И аз бых поноше́ние им, видеща мя, покиваща главами своими. <sup>26</sup> Помози ми, Господи Боже мой, и спаси мя по милости Твоей, <sup>27</sup> и да разумеют, яко рука́ Твоя сия, и Ты, Господи, сотворил еси юб. 28 Прокленут тиц, и Ты благословищи, востающии на мя да постыдятся, раб же Твой возвеселится. <sup>29</sup> Да облекутся оболгаюшии мя в срамоту, и одеждутся, яко одеждею, студом своим. 30 Исповемся Господеви зело усты мойми, и посреде многих восхвалю Его, <sup>31</sup> яко предста одесную убогаго, еже спасти от гонящих душу мою.

#### Слава:

### Молитвы по 15-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 1-й:

Яко пучина многа прегрешений моих, Спа́се, и лю́те погрузи́хся согреше́ньми моими: даждь ми ру-ку, я́ко Петро́ви, и спаси́ мя, Боже, и поми́луй мя.

Слава: Яко помышлении лукавыми и делы осудихся, Спасе, мысль ми даруй обращения, Боже, да зову: спаси мя, Благодетелю Благий, и помилуй мя.

И ныне: Богоблаженная Отрокови́це и Пренепорочная, скве́рна мя су́ща и окаля́нна от дея́ний безме́стных, и скверных помышлений, очи́сти мя, окая́ннаго, Нескве́рная и Чистая, Всесвятая Мати Дево.

Господи, помилуй (40 раз) и молитва:

Владыко Господи Иисусе Христе, Ты еси Помощник мой, в руках Твоих есмь аз, помози ми, не остави мене согрешити к Тебе, яко заблужден есмь, не остави мя последовати воли плоти моея, не презри мя, Господи, яко немощен есмь. Ты веси полезное мне, не остави мя погибнути грехи моими, не остави мя, Господи, не отступи от мене, яко к Тебе прибегох, научи мя творити во́лю Твою, яко Ты еси Бог мой. Исцели душу мою, яко согреших Ти, спаси мя ради милости Твоея, яко пред Тобою суть вси стужающии ми, и несть мне иное прибежище, токмо Ты, Господи. Да постыдятся убо вси востающии на мя и ищущии душу мою, еже потребити ю, яко Ты еси Един Сильный, Господи, во всех, и Твоя есть слава во веки веков, аминь.



#### КАФИСМА 16

## Псалом Давиду, 109

Рече́ Господь Господеви моему: седи одесную Мене, дондеже положу враги Твоя подножие ног Твоих. 2 Жезл силы послет Ти Госполь от Сиона, и госполствуй посреле врагов Твоих. 3 С Тобою начало в лень силы Твоея, во светлостех святых Твоих, из чрева прежде денницы родих Тя. 4 Клятся Господь и не раскается: Ты иерей во век, по чину Мелхиседекову. 5 Господь одесную Тебе сокрушил есть в день гнева Своего цари. 6 Судит во языщех, исполнит паления, сокрушит главы на земли многих. <sup>7</sup> От пото́ка на пути́ пие́т, сего́ ра́ди вознесет главу.

## Аллилуиа, 110

1 Исповемся Тебе, Господи, всем сердцем мойм в совете правых и сонме. 2 Велия дела Господня, изыскана во всех волях Его, <sup>3</sup> Исповедание и великоление дело Его и правда Его пребывает в век века. 4 Память сотворил есть чудес Своих, Милостив и Щедр Господь. 5 Пищу даде боящымся Его, помянет в век завет Свой. 6 Крепость дел Своих возвести людем Своим, дати им достояние язык. 7 Дела рук Его истина и суд, верны вся заповеди Его, 8 утвержены в век века, сотворены во истине и правоте. 9 Избавление посла людем Своим: заповеда в век завет Свой. Свято и страшно имя Его. 10 Начало премудрости страх Господень, разум же благ всем творящым и. Хвала́ Его пребыва́ет в век века.

### Аллилуиа, Аггеево и Захариино, псалом 111

Блаже́н муж, боя́йся Господа, в заповедех Его восхощет зело. <sup>2</sup> Сильно на земли будет семя его, род правых благословится: 3 слава и богатство в дому его, и правда его пребывает в век века. 4 Возсия во тме свет правым, милостив и шедр, и праведен. 5 Благ муж, ше́дря и дая: устроит словеса своя на суде, яко в век не подвижится. 6 В память вечную будет праведник. <sup>7</sup> От слу́ха зла не убои́тся, <sup>8</sup> гото́во сердце его уповати на Господа. Утвердися сердце его, не убойтся, дондеже воззрит на враги своя. 9 Расточи, даде убогим, правда его пребывает во век века, рог его вознесется в славе. 10 Грешник узрит и прогневается, зубы свойми

поскрежещет и растает, желание грешника погибнет.

#### Слава:

### Аллилуиа, 112

1 Хвалите, отроцы, Господа, хвалите имя Господне. <sup>2</sup> Буди имя Господне благословено отныне и до века. 3 От восток солнца до запад хвально имя Господне. 4 Высок над всеми языки Господь: над небесы слава Его. 5 Кто яко Господь Бог наш? На высоких живый, 6 и на смиренныя призираяй на небеси и на земли, 7 воздвизаяй от земли нища и от гноища возвышаяй убога, <sup>8</sup> посадити его с князи, с князи людей свойх: 9 вселяя неплодовь в дом, матерь о чадех веселящуся.

## Аллилуиа, 113

Во исхо́де Изра́илеве от Еги́пта. дому Иаковля из людей варвар. <sup>2</sup> бысть Иуде́а святы́ня Его, Изра́иль область его. <sup>3</sup> Море виде и побеже, Иордан возвратися вспять. 4 горы взыгращася, яко овни, и холми, яко агнцы овчии. 5 Что ти есть, море, яко побегло еси? И тебе, Иордане, яко возвратился еси вспять? 6 Горы, яко взыграстеся, яко овни, и холми, яко агнцы овчии? 7 От лица Господня подвижеся земля, от лица Бога Иаковля, <sup>8</sup> обращшаго камень во езера водная и несекомый во источники водныя. 9 Не нам, Господи, не нам, но имени Твоему даждь славу, о милости Твоей и и́стине Твоей. 10 Да не когла рекут языны: гле есть Бог их? 11 Бог же наш на небеси и на земли, вся елика восхоте, сотвори. 12 И́доли язы́к сребро́ и зла́то, дела́

рук человеческих. 13 Уста имут, и не возглаголют, очи имут, и не узрят, 14 уши имут, и не услышат, ноздри имут, и не обоняют, 15 руце имут, и не осяжут, нозе имут, и не пойдут, не возгласят гортанем своим. 16 Подобни им да будут творящии я, и вси надеющиися на ня. <sup>17</sup> Дом Изра́илев упова́ на Господа: Помощник и Защититель им есть. 18 Дом Ааронь упова на Господа: Помощник и Защититель им есть. <sup>19</sup> Боящиися Господа уповаща на Господа: Помощник и Защититель им есть. 20 Господь помянув ны благословил есть нас, благословил есть дом Израилев, благословил есть дом Ааронь, <sup>21</sup> благословия есть боящыяся Господа, малыя с великими. <sup>22</sup> Да приложит Господь на вы, на вы и на сыны вашя. 23 Благословени вы Господеви, сотворшему небо и землю. 24 Небо небесе Господеви, зе́млю же даде́ сыново́м челове́ческим. <sup>25</sup> Не ме́ртвии восхва́лят Тя, Господи, ниже́ вси низходя́щии во ад, <sup>26</sup> но мы, живи́и, благослови́м Господа, отны́не и до века.

### Аллилуиа, 114

Возлюби́х, яко услы́шит Господь глас моления моего, <sup>2</sup> яко приклони ухо Свое мне, и во дни моя призову. <sup>3</sup> Объяща мя болезни смертныя, беды адовы обретоща мя, скорбь и болезнь обретох, и имя Господне призвах: 4 о, Господи, избави душу мою. Милостив Господь и Праведен, и Бог наш милует. 5 Храняй младенцы Господь: смирихся, и спасе мя. 6 Обратися, душе моя, в покой твой, яко Господь благодействова тя. 7 Яко изъят душу мою от смерти, очи мои от слез и нозе мои от поползнове́ния. В Благоугожду́ пред Господем во стране́ живы́х.

## Слава:

### Аллилуиа, 115

Ве́ровах, те́мже возглаго́лах, аз же смирихся зело́. <sup>2</sup> Аз же рех во изступлении моем: всяк человек ложь. <sup>3</sup> Что воздам Господеви о всех, яже воздаде ми? 4 Чащу спасения прииму и имя Господне призову, 5 молитвы моя Господеви воздам пред всеми людьми Его. 6 Честна пред Господем смерть преподобных Его. 7 О, Господи. аз раб Твой, аз раб Твой и сын рабыни Твоея; растерза́л еси́ у́зы моя. 8 Тебе пожру жертву хвалы, и во имя Господне призову. 9 Молитвы моя Господеви воздам пред всеми людьми Его, 10 во дворех дому Господня, посреде тебе, Иерусалиме.

## Аллилуиа, 116

<sup>1</sup> Хвалите Господа вси языцы, похвалите Его, вси людие, <sup>2</sup> яко утвердися милость Его на нас, и истина Господня пребывает во век.

### Аллилуиа, 117

<sup>1</sup> Испове́дайтеся Господеви, яко Благ, яко в век милость Ero. <sup>2</sup> Да речет убо дом Израилев: яко Благ. яко в век милость Его. <sup>3</sup> Да речет убо дом Ааронь: яко Благ, яко в век милость Его. 4 Да рекут убо вси боящиися Господа: яко Благ, яко в век милость Его. 5 От скорби призвах Господа, и услыша мя в пространство. 6 Господь мне Помощник, и не убоюся, что сотворит мне человек. 7 Господь мне Помощник, и аз воззрю на враги моя. <sup>8</sup> Благо есть надеятися на Господа, нежели надеятися на человека. 9 Благо есть уповати на Господа, нежели уповати на князи. 10 Вси языцы обыдоща мя, и именем Господним противляхся им, 11 обыше́дше обыдо́ша мя, и и́менем Господним противляхся им, 12 обыдо́ша мя, яко пче́лы сот, и разгорешася, яко огнь в тернии, и именем Господним противляхся им. 13 Отриновен превратихся пасти, и Господь прият мя. 14 Крепость моя и пение мое Господь, и бысть ми во спасение. 15 Глас радости и спасения в селениих праведных: десница Господня сотвори силу, 16 десница Господня вознесе мя, десница Господня сотвори силу. 17 He умру, но жив буду, и повем дела Господня. 18 Наказуя наказа мя Господь, смерти же не предаде мя. 19 Отверзите мне врата правды, вшед в ня исповемся Господеви. 20 Сия врата Господня, праведнии внидут в ня. 21 Исповемся Тебе, яко услышал мя еси, и был еси мне во спасение. <sup>22</sup> Камень, егоже небрего́ша зиждущии, сей бысть во главу́ угла: 23 от Господа бысть сей, и есть ди́вен во очесе́х на́ших. 24 Сей день, егоже сотвори Господь, возрадуемся и возвеселимся вонь. 25 О, Господи, спаси же, о Господи, поспеши же. <sup>26</sup> Благословен грядый во имя Господне, благословихом вы из дому Господня. 27 Бог Господь, и явися нам: составите праздник во учащающих до рог олтаре́вых. 28 Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. <sup>29</sup> Исповелайтеся Господеви, яко Благ, яко в век милость Ero.

#### Слава:

#### Молитвы по 16-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 1-й:

Ин мир тебе, душе, ожидает, и Судия хощет твоя обличити тайная и лютая. Не пребуди убо в здешних, но предвари вопиющи Судии: Воже, очисти мя и спаси мя.

Слава: Яко прегрешеньми многими и язвами безмерными облежимь есмь, Спасе, согрешаяй молю Твое благоутробие, Христе: Врачу недугующих, посети, и испели, и спаси мя.

И ныне: Душе́ моя, что неради́во живеши леня́щися? Что не пече́шися о злых, и́же соде́яла еси́ в жити́и? Потщи́ся испра́витися прежде даже дверь не заключи́т

тебе Господь. Богоро́дице притецы́, припади́ и возопи́й: упова́ние ненаде́емых, спаси мя, много к Тебе прегрепи́вша, Влады́чице Пречи́стая.

Господи, помилуй (40 раз) и молитва:

Господи Святый, в Вышних живый, и всевидящим Твоим оком призираяй на всю тварь, Тебе приклоняем выю души и телесе, и Тебе мо́лимся, Святый святых: простри́ ру́ку Твою неви́димую от свята́го жилища Твоего, и благослови вся ны, и прости нам всякое согрешение, вольное же и невольное, словом или делом. Даруй нам, Господи, умиление, даруй слезы духовныя от души, во очищение многих наших грехов, даруй велию Твою милость на мир Твой и на ны, недостойныя рабы Твоя. Яко благословено и препрославлено есть

#### Псалтирь пророка Давида

имя Твое, Отца и Сына и Святаго Духа, ныне и присно и во веки веков, аминь.





#### КАФИСМА 17

#### Аллилуиа, 118

Блажени непорочнии в путь, ходящии в законе Господни. 2 Блажени испытающии свидения Его. всем сердцем взыщут Его, <sup>3</sup> не делающии бо беззакония, в путех Его ходища. 4 Ты заповедал еси заповеди Твоя сохранити зело. 5 Дабы исправилися путие мои, сохранити оправдания Твоя. 6 Тогда не постыжуся, внегда призрети ми на вся заповеди Твоя. 7 Исповемся Тебе в правости сердца, внегда наvчити ми ся судьбам правды Твоея́. 8 Оправдания Твоя сохраню, не остави мене до зела. 9 В чесом исправит юнейший путь свой? Внегда сохранити словеса Твоя. 10 Всем сердцем моим взысках Тебе, не отрини мене от заповедей Твоих. <sup>11</sup> В сердце моем скрых словеса́ Твоя, яко да не согрешу Тебе. <sup>12</sup> Благослове́н еси́, Господи, научи́ мя оправданием Твоим, <sup>13</sup> Устнама мойма возвестих вся судьбы уст Твоих. 14 На пути свидений Твоих насладихся, яко о всяком богатстве. 15 В заповедех Твоих поглумлю́ся, и уразуме́ю пути́ Твоя. 16 Во оправданиих Твоих поучуся, не забуду слове́с Твоих, 17 Возда́ждь рабу Твоему: живи мя, и сохраню словеса́ Твоя. 18 Открый очи мои, и уразумею чудеса от закона Твоего́. 19 Пришле́ц аз есмь на земли́, не скрый от мене заповеди Твоя. <sup>20</sup> Возлюби душа моя возжелати судьбы Твоя на всякое время, 21 Запретил еси гордым, прокляти уклоняющиися от заповедей Твоих. <sup>22</sup> Отъими от мене понос и уничижение, яко свидений Твойх взыска́х. <sup>23</sup> Ибо седо́ша кня́зи и на мя клеветаху, раб же Твой глумлящеся во оправданиих Твоих. <sup>24</sup> Ибо свидения Твоя поучение мое есть, и совети мои оправдания Твоя. <sup>25</sup> Прильпе́ земли́ душа́ моя, живи́ мя по словеси Твоему. <sup>26</sup> Пути моя возвестих, и услышал мя еси. научи мя оправданием Твоим. <sup>27</sup> Путь оправданий Твоих вразуми ми, и поглумлюся в чудесех Твоих. 28 Воздрема душа моя от уныния, утверди мя в словесе́х Твоих. <sup>29</sup> Путь неправды отстави от мене, и законом Твоим помилуй мя. 30 Путь истины изволих, и судьбы Твоя не забых. <sup>31</sup> Прилепихся свидением Твоим, Господи, не посрами мене. 32 Путь заповедей Твоих текох, егда разширил еси сердце мое, 33 Законоположи мне, Господи, путь оправданий Твоих, и взышу́ и выну, 34 Вразуми́ мя, и испытаю закон Твой, и сохраню и всем сердцем мойм. 35 Настави мя на стезю заповедей Твоих, яко тую восхоте́х. <sup>36</sup> Приклони́ се́рдце мое во свидения Твоя, а не в лихоимство. 37 Отврати очи мои, еже не видети суеты, в пути Твоем живи мя. 38 Постави рабу Твоему слово Твое в страх Твой. 39 Отъими поношение мое, еже непщевах, яко судьбы Твоя благи. 40 Ce возжелах заповеди Твоя, в правде Твоей живи мя. 41 И да прийдет на мя милость Твоя, Господи, спасение Твое по словеси Твоему, 42 и отвещаю поношающым ми слово, яко уповах на словеса Твоя, 43 И не отъими от уст моих словесе истинна до зела, яко на судьбы Твоя уповах. 44 И сохраню закон Твой выну, в век и в век века. <sup>45</sup> И хождах в широте, яко заповеди Твоя взысках, 46 и глаголах о свидениих Твоих пред цари, и не стыдя́хся, 47 и поучахся в заповедех Твоих, яже возлюбих зело: 48 и воздвигох руце мои к заповедем Твоим, яже возлюбих, и глумляхся во оправданиих Твоих. 49 Помяни словеса Твоя рабу Твоему, ихже упование дал ми еси. <sup>50</sup> То мя уте́ши во смире́нии моем, яко слово Твое живи мя. 51 Гордии законопреступоваху до зела, от закона же Твоего не уклонихся. 52 Помянух судьбы Твоя от века, Господи, и утешихся. 53 Печаль прият мя от грешник, оставляющих зако́н Твой. 54 Пе́та бя́ху мне оправдания Твоя на месте пришельствия моего. 55 Помянух в ноши имя Твое, Господи, и сохраних закон Твой. 56 Сей бысть мне, яко оправданий Твоих взысках. 57 Часть моя еси, Господи, рех сохранити закон Твой. 58 Помолихся лицу Твоему всем сердцем моим: помилуй

мя по словеси Твоему. <sup>59</sup> Помыслих пути Твоя, и возвратих нозе мои во свидения Твоя. 60 Уготовихся и не смутихся сохранити заповеди Твоя. 61 Ужя грешник обязашася мне, и закона Твоего не забых. 62 Полунощи востах исповедатися Тебе о судьбах правды Твоея. 63 Причастник аз есмь всем боящымся Тебе и хранящым заповеди Твоя. 64 Милости Твоея, Господи, исполнь земля, оправданием Твоим научи мя. 65 Благость сотворил еси с рабом Твоим, Господи, по словеси Твоему. 66 Благости и наказанию, и разуму научи мя, яко заповедем Твоим веровах. 67 Прежде даже не смирити ми ся, аз прегреших, сего ради слово Твое сохраних, 68 Благ еси Ты, Госполи, и благостию Твоею научи мя оправданием Твоим. 69 Умножися на мя неправда гордых, аз же всем сердцем мойм испытаю заповеди Твоя. 70 Усырися яко млеко сердце их, аз же закону Твоему поучихся. 71 Благо мне, яко смирил мя еси, яко да научуся оправданием Твоим. 72 Благ мне закон уст Твоих, паче тысящ злата и сребра.

#### Слава:

73 Руще Твои сотвористе мя и создасте мя, вразуми мя, и научуся заповедем Твоим. 74 Боящиися Тебе узрят мя и возвеселя́тся, яко на словеса́ Твоя уповах. 75 Разумех, Господи, яко правда судьбы Твоя, и войстинну смирил мя еси. 76 Буди же милость Твоя, да утешит мя по словеси Твоему рабу Твоему. 77 Да прийдут мне щедроты Твоя, и жив бу́ду, яко зако́н Твой поуче́ние мое есть. <sup>78</sup> Да постыдя́тся го́рдии, яко неправедно беззаконноваша на мя, аз же поглумлюся в за́поведех Твоих. 79 Да обратя́т мя боящиися Тебе и ведящии свидения Твоя. 80 Буди сердце мое непорочно во оправданиих Твоих, яко ла не постыжуся. 81 Исчезает во спасение Твое душа моя, на словеса Твоя уповах. 82 Исчезоща очи мои в слово Твое, глаголюще: когда утешиши мя? 83 Зане бых яко мех на слане, оправланий Твоих не забых. 84 Колико есть дней раба Твоего? Когда сотворищи ми от гоня́щих мя суд? 85 Пове́даша мне законопреступницы глумления. но не яко закон Твой. Господи. 86 Вся заповеди Твоя истина: неправедно погнаща мя, помози ми. 87 Вмале не скончаща мене на земли, аз же не оставих заповедей Твоих. 88 По милости Твоей живи мя, и сохраню свидения уст Твоих. 89 Во век, Господи, слово Твое пребывает на Небеси. 90 В род и род

и́стина Твоя. Основа́л еси зе́млю, и пребыва́ет. 91 Учине́нием Твоим пребыва́ет день, яко вся́ческая рабо́тна Тебе. 92 Яко а́ще бы не зако́н Твой поуче́ние мое был, тогда́ у́бо поги́бл бых во смире́нии моем. 93 Во век не забу́ду оправда́ний Твоих, яко в них оживи́л мя еси́.

#### [Среда:]

<sup>94</sup> Твой есмь аз, спаси мя, яко оправданий Твоих взысках. <sup>95</sup> Мене ждаща гре́шницы погубити мя, свидения Твоя разумех. <sup>96</sup> Вся́кия кончины видех коне́ц, широка за́поведь Твоя зело́. <sup>97</sup> Коль возлюбих зако́н Твой, Господи, весь день поуче́ние мое есть. <sup>98</sup> Па́че враг мои́х умудри́л мя еси́ за́поведию Твоею, яко в век моя есть. <sup>99</sup> Па́че всех уча́щих мя разуме́х, яко свиде́ния Твоя поуче́ние мое есть. <sup>100</sup> Па́че ста́рец разуме́х, яко за́поведи Твоя

взысках. 101 От всякаго пути лукава возбраних ногам моим, яко да сохраню словеса́ Твоя. 102 От суде́б Твоих не уклонихся, яко Ты законоположи́л ми еси. 103 Коль сладка́ гортани моему словеса Твоя, паче ме́да устом моим. 104 От заповедей Твоих разумех, сего ради возненавидех всяк путь неправды, 105 Свети́льник нога́ма мои́ма зако́н Твой и свет стезям моим. 106 Кляхся и поставих сохранити судьбы правды Твоея. 107 Смирихся до зела, Господи, живи мя по словеси Твоему. <sup>108</sup> Вольная уст моих благоволи же. Господи, и судьбам Твоим научи мя. 109 Душа моя в руку Твоею выну, и закона Твоего не забых. 110 Положища грешницы сеть мне, и от заповедей Твоих не заблудих. 111 Наследовах свидения Твоя во век, яко радование сердца моего суть. <sup>112</sup> Приклоних сердце мое сотворити оправдания Твоя в век за воздаяние. 113 Законопреступныя возненавидех, закон же Твой возлюбих. 114 Помощник мой и Заступник мой еси Ты, на словеса Твоя уповах. 115 Уклонитеся от мене лукавнующии, и испытаю заповеди Бога моего. 116 Заступи мя по словеси Твоему, и жив буду, и не посрами мене от чаяния моего, 117 помози ми, и спасуся, и поучуся во оправданиих Твоих выну. 118 Уничижил еси вся отступаюшыя от оправданий Твоих, яко неправедно помышление их. 119 Преступающыя непшевах вся грешныя земли, сего ради возлюбих свидения Твоя. 120 Пригвозди страху Твоему плоти моя, от судеб бо Твоих убояхся. 121 Сотворих суд и правду, не предаждь мене обидящым мя. 122 Восприими раба́ Твоего во благо, да не оклеветают мене

гордии. 123 Очи мои исчезосте во спасение Твое и в слово правлы Твоея. 124 Сотвори с рабом Твоим по милости Твоей, и оправданием Твоим научи мя. 125 Раб Твой есмь аз: вразуми мя, и увем свидения Твоя. 126 Время сотворити Господеви: разорища закон Твой. 127 Сего ра́ди возлюбих за́поведи Твоя па́че злата и топазия. 128 Сего ради ко всем заповедем Твоим направляхся, всяк путь неправды возненавидех. 129 Дивна свидения Твоя, сего ради испыта я душа моя. 130 Явление слове́с Твоих просвеща́ет и вразумля́ет младе́нцы. 131 Уста́ моя отверзох и привлекох дух, яко заповедей Твоих желах.

#### Слава:

<sup>132</sup> Призри на мя и помилуй мя, по суду любящих имя Твое. <sup>133</sup> Стопы моя направи по словеси Твоему, и да не обладает мною всякое беззаконие. <sup>134</sup> Избави мя от клеветы человеческия, и сохраню заповеди Твоя. <sup>135</sup> Лице́ Твое просвети́ на раба Твоего и научи мя оправданием Твоим, <sup>136</sup> Исходища водная изведосте очи мой, понеже не сохраних закона Твоего. <sup>137</sup> Праведен еси, Господи, и прави суди Твои. 138 Запове́дал еси правду свиде́ния Твоя, и истину зело́. 139 Истаяла мя есть ревность Твоя, яко забыша словеса Твоя врази мои. 140 Разжжено слово Твое зело, и раб Твой возлюби é. 141 Юнейший аз есмь и уничижен, оправданий Твоих не забы́х. 142 Правда Твоя правда во век, и закон Твой истина. 143 Скорби и нужды обретоша мя, заповеди Твоя поучение мое. 144 Правда свидения Твоя в век, вразуми мя, и жив буду. 145 Воззвах всем сердцем моим, услыши мя, Господи, оправдания Твоя взыщу́. 146 Воззва́х Ти, спаси мя, и сохраню свидения Твоя. 147 Предварих в безгодии и воззвах, на словеса Твоя уповах. 148 Предваристе очи мои ко утру, поучитися словесем Твоим. 149 Глас мой услыши, Господи, по милости Твоей: по судьбе Твоей живи мя. 150 Приближищася гонящии мя беззаконием, от закона же Твоего удалищася. 151 Близ еси Ты, Господи, и вси путие́ Твои истина. 152 Исперва познах от свидений Твоих, яко в век основал я еси. 153 Вижль смирение мое, и изми мя, яко закона Твоего не забых. 154 Суди суд мой и избави мя, словесе ради Твоего живи мя. <sup>155</sup> Далече от грешник спасение, яко оправданий Твоих не взыскаща. 156 Щедроты Твоя многи, Господи, по судьбе́ Твоей живи́ мя. 157 Мно́зи изгонящии мя и стужающии ми, от свидений Твоих не уклонихся. 158 Ви́дех неразумева́ющыя и иста́ях, яко слове́с Твоих не сохрани́ша, 159 Виждь, яко заповеди Твоя возлюбих, Господи, по милости Твоей живи мя, 160 Начало словес Твоих истина, и во век вся судьбы правды Твоея. 161 Князи погнаша мя ту́не, и от слове́с Твоих убоя́ся сердце мое. 162 Возрадуюся аз о словесех Твоих, яко обретаяй корысть мно́гу. 163 Неправду возненави́дех и омерзих, закон же Твой возлюбих. 164 Седмерицею днем хвалих Тя о сульбах правды Твоея, 165 Мир мног любящым закон Твой, и несть им соблазна. 166 Чаях спасения Твоего, Господи, и заповеди Твоя возлюбих. 167 Coxpaни душа моя свидения Твоя, и возлюби я зело. 168 Cохраних заповеди Твоя, и свидения Твоя, яко вси путие мои пред Тобою, Господи. 169 Да приближится моление мое пред Тя, Господи, по словеси Твоему вразуми мя. 170 Да внидет прошение мое пред Тя, Господи, по словеси Твоему избави мя. 171 Отрыгнут устне мои пение, егда научиши мя оправданием Твоим. <sup>172</sup> Провещает язык мой словеса Твоя, яко вся заповеди Твоя правда. 173 Да будет рука Твоя еже спасти мя, яко заповеди Твоя изво́лих. 174 Возжела́х спасе́ние Твое, Господи, и закон Твой поучение мое есть, 175 Жива будет душа моя и восхвалит Тя, и судьбы Твоя помогут мне. 176 Заблудих, яко овча погибшее: взыщи раба Твоего, яко заповедей Твоих не забых.

#### Слава:

# Молитвы по 17-й кафисме

Святы́й Бо́же: *трижды* Сла́ва, и ныне: Пресвятая Тро́ице: Го́споди

поми́луй *трижды*, Сла́ва, и ныне: Отче наш:

Таже тропари, глас 2-й:

Согреши́х к Тебе, Спа́се, я́ко блу́дный сын: приими́ мя, Отче, ка́ющагося, и помилуй мя, Боже.

Слава: Зову́ к Тебе, Христе́ Спа́се, мытаре́вым гла́сом: очи́сти мя я́коже о́наго и поми́луй мя, Боже.

И ныне: Богоро́дице, не пре́зри мя требующа заступле́ния Твоего: на Тя бо упова́ душа моя, и помилуй мя.

Господи, помилуй (40 раз) и молитва:

Влады́ко Го́споди Вседержи́телю и Тво́рче всех, щедрот Отец, и ми́лости Бог, от земли́ созда́вый челове́ка, и показа́вый его по о́бразу Твоему и по подо́бию, да и тем просла́вится великоле́пое и́мя Твое на земли́, и исто́ргнена у́бо преступле́нием Твои́х за́поведей, паки на лучшее возсоздавый его во Христе Твоем, и возведый на Небеса: благодарю Тя, яко умножил еси на мне величие Твое, и не предал мя еси врагом моим в конец, исторгнути мя ищущым в пропасть адову, ниже оставил мя еси погибнути со беззаконии моими. Ныне убо, Многомилостиве и Любоблаже Господи, не хотяй смерти грешнаго, но обращения ожидаяй, и приемляй: Иже низверженныя исправляяй, сокрушенныя исцеляяй, обрати и мене к покаянию. и низверженнаго исправи, и сокрушеннаго исцели: помяни Твоя щедроты, и яже от века Твою непостижимую благость и моя безмерная забуди беззакония, яже делом и словом, и мыслию соверших: разреши ослепление сердца моего, и даждь ми слезы умиления на очищение скверны мысли моея. Услыши, Господи, вонми, Человеколюбче, очисти, Благоутробне, и от мучительства во мне царствующих страстей окаянную мою душу свободи. И не ктому да содержит мя грех, ниже да возможет на мя боритель демон, ниже к своему хотению да ведет мя, но державною Твоею рукою его владычества исхитивый мя. Ты царствуй во мне. Благий и Человеколюбивый Господи, и всего Твоего быти, и жити мне прочее по Твоей благоволи воли. И подаждь ми неизреченною благостию сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благость, кротость, веру нелицемерну, воздержание обдержательное, и всех мя благих плодов исполни дарованием Святаго Твоего Духа. И не возведи мене в преполовение дний моих, ниже неисправлену и неготову душу мою восхитиши, но соверши мя Твоим совершенством, и тако мя настоящаго жития изведи, яко да невозбранно прошед начала и власти тьмы. Твоею благодатию узрю и аз неприступныя Твоея славы доброту неизреченную, со всеми святыми Твоими, в нихже освятися, и прославися всечестное и великолепое имя Твое, Отца и Сына и Святаго Духа, ныне и присно, и во веки веков, аминь.





#### КАФИСМА 18

# Песнь степеней, 119 <sup>1</sup> Ко Господу, внегда́ скорбе́ти ми,

воззвах, и услыша мя. <sup>2</sup> Господи, избави душу мою от устен неправедных и от языка льстива. <sup>3</sup> Что дастся тебе, или что приложится тебе к языку льстиву? <sup>4</sup> Стрелы сильнаго изощрены, со углыми пустынными. <sup>5</sup> Увы мне, яко пришельствие мое продолжися, вселихся с селении Кидарскими. <sup>6</sup> Много пришельствова душа моя, с ненавидящими мира бех мирен: <sup>7</sup> егда глаголах им, боряху мя туне.

## Песнь степеней, 120

<sup>1</sup> Возведо́х о́чи мои в го́ры, отню́дуже прийдет по́мощь моя. <sup>2</sup> По́мощь моя от Господа, сотво́ршаго не́бо и зе́млю. <sup>3</sup> Не даждь во смяте́ние ноги́ твоея, ниже́ воздре́млет храня́й тя, <sup>4</sup> се не воздре́млет, ниже́ у́снет храня́й Изра́млел. <sup>5</sup> Господь сохрани́т тя, Господь покро́в твой на ру́ку десну́ю твою. <sup>6</sup> Во дни со́лнце не ожже́т тебе́, ниже́ лу́на но́щию. <sup>7</sup> Господь сохрани́т тя от вся́каго зла, сохрани́т ду́шу твою Господь. <sup>8</sup> Господь сохрани́т вхожде́ние твое и исхожде́ние твое, отныне и до века.

#### Песнь степеней, 121

<sup>1</sup> Возвесели́хся о ре́кших мне: в дом Господень по́йдем. <sup>2</sup> Стоя́ще бя́ху ноги́ на́шя во дво́рех твоих, Иерусали́м з ́йхдемый яко град, ему́же прича́стие его вку́пе. <sup>4</sup> Тамо бо взыдо́ша коле́на, коле́на Господня, свиде́ние Изра́илево, испове́датися и́мени Господню, <sup>5</sup> яко та́мо седо́ша престо́ли на суд, престо́ли в дому́ Давидове.

<sup>6</sup> Вопроси́те же я́же о ми́ре Иерусали́ма: и оби́лие любящым тя. 
<sup>7</sup> Бу́ди же мир в си́ле твоей и оби́лие в столностена́х твоих. 
<sup>8</sup> Ра́ди бра́тий моих и бли́жних моих глаго́лах у́бо мир о тебе. 
<sup>9</sup> До́му ради Господа Бога на́шего взыска́х блага́я тебе.

#### Песнь степеней, 122

<sup>1</sup> К Тебе возведо́х очи мои, живу́щему на Небеси́. <sup>2</sup> Се яко о́чи раб в руку́ госпо́дий своих, яко о́чи рабы́ни в руку́ госпожи́ своея́, та́ко о́чи на́ши ко Господу Богу на́шему, до́ндеже уще́дрит ны. <sup>3</sup> Поми́луй нас, Господи, поми́луй нас, яко по мно́гу испо́лнихомся уничиже́ния, <sup>4</sup> наипа́че напо́лнися душа́ на́ша поноше́ния гобзу́ющих и уничиже́ния го́рдых.

#### Песнь степеней, 123

 $^1$  Яко а́ще не Господь бы был в нас, да рече́т у́бо Изра́иль,  $^2$  яко а́ще не

Господь бы был в нас, внегда востати человеком на ны, убо живых пожерли быша нас, з внегда прогневатися ярости их на ны, убо вода потопила бы нас. 4 Поток прейде душа наша, 5 убо прейде душа наша воду непостоянную. 6 Благословен Господь, иже не даде нас в ловитву зубом их. 7 Душа наша, яко птица избавися от сети ловящих: сеть сокрушися, и мы избавлени быхом. 8 Помощь наша во имя Господа, сотворшаго небо и землю.

#### Слава:

## Песнь степеней, 124

<sup>1</sup> Наде́ющиися на Господа, яко гора́ Сио́н: не подви́жится в век живы́й во Иерусали́ме. <sup>2</sup> Го́ры о́крест его, и Господь о́крест люде́й Своих отныне и до века. <sup>3</sup> Яко не оста́ит Господь жезла́ гре́шных на жре́бий пра́ведных, яко да не про́струт пра́веднии в беззако́ния рук своих. <sup>4</sup> Ублажи́, Господи, благи́я и пра́выя се́рдцем. <sup>5</sup> Уклоня́ющыяся же в развраще́ния отведе́т Господь с де́лающими беззако́ние. Мир на Израиля.

#### Песнь степеней, 125

Внегда́ возврати́ти Господу плен Сио́нь, бы́хом яко уте́шени. <sup>2</sup> Тогда́ испо́лнишася ра́дости уста́ на́ша и язы́к наш весе́лия, тогда́ реку́т во язы́кех: возвели́чил есть Господь сотвори́ти с на́ми. <sup>3</sup> Возвели́чил есть Господь сотвори́ти с на́ми: бы́хом веселя́щеся. <sup>4</sup> Возврати́, Господи, плене́ние на́ше, яко пото́ки ю́гом. <sup>5</sup> Се́ющии слеза́ми, ра́достию по́жнут. <sup>6</sup> Ходя́щии хожда́ху и пла́кахуся, мета́юще се́мена

своя́, гряду́ще же прии́дут ра́достию, взе́млюще рукоя́ти своя́.

# Песнь степеней, 126

<sup>1</sup> Аще не Господь сози́ждет дом, всу́е труди́шася зи́ждущии. Аще не Господь сохрани́т град, всу́е бде стреги́й. <sup>2</sup> Всу́е вам есть у́треневати, воста́нете по седе́нии яду́щии хлеб боле́зни, егда́ даст воалю́бленным Своим сон. <sup>3</sup> Се достоя́ние Господне сы́пове, мзда плода́ чре́ввато. <sup>4</sup> Яко стре́лы в руце́ си́льнаго, та́ко сы́нове оттрясе́нных. <sup>5</sup> Блаже́н, и́же испо́лнит жела́ние свое от них. Не постыда́тся, егда́ глаго́лют врато́м своим во врате́х.

## Песнь степеней, 127

<sup>1</sup> Блаже́ни вси боя́щиися Господа, ходя́щии в путе́х Его. <sup>2</sup> Труды́ плодо́в твоих сне́си: блаже́н еси́, и добро́ тебе́ бу́дет. <sup>3</sup> Жена́ твоя́, яко лоза́, плодови́та в страна́х до́му твоего́, <sup>4</sup> сы́нове твои, яко новосажде́ния ма́сличная, о́крест тране́зы твое́я. <sup>5</sup> Се та́ко благослови́тся челове́к боя́йся Господа. <sup>6</sup> Благослови́т тя Господь от Сио́на, и у́зриши блага́я Иерусали́ма вся дни живота́ Твоего, <sup>7</sup> и у́зриши сы́ны сыно́в твоих. Мир на Изра́иля.

## Песнь степеней, 128

<sup>1</sup> Мно́жицею бра́шася со мно́ю от ю́ности моея́, да рече́т у́бо Изра́иль: <sup>2</sup> мно́жицею бра́шася со мною́ от ю́ности моея́, ибо не премого́ша мя, <sup>3</sup> На хребте́ мое́м де́лаша гре́шницы, продолжи́ша беззако́ние свое́. <sup>4</sup> Господь Пра́веден ссече́ вы́я гре́шников, <sup>5</sup> Да постыда́тся и возвратя́тся вспять вси ненави́дящии Сио́на. <sup>6</sup> Да бу́дут, яко трава́ на здех, я́же пре́жде восторже́ния и́зсше, <sup>7</sup> е́юже не испо́лни руки́ своея́

жняй, и не́дра своего́ рукоя́ти собира́яй, <sup>8</sup> и не ре́ша мимоходя́щии: благослове́ние Госпо́дне на вы, благослови́хом вы во имя Господне.

#### Слава:

#### Песнь степеней, 129

Из глубины воззвах к Тебе, Господи, Господи, услыши глас мой. <sup>2</sup> Да бу́дут у́ши Твои вне́млюще гласу моления моего. 3 Аще беззакония назриши, Господи, Господи, кто постойт? Яко у Тебе очищение есть. 4 Имене ради Твоего потерпех Тя, Господи, потерпе душа моя в слово Твое, упова душа моя на Господа. 5 От стражи утренния до нощи, от стражи утренния да уповает Израиль на Господа. 6 Яко у Господа милость, и многое у Него избавление, и Той избавит Израиля от всех беззаконий его.

# Песнь степеней, 130

<sup>1</sup> Господи, не вознесе́ся се́рдце мое, ниже́ вознесо́стеся о́чи мои, ниже́ коди́х в вели́ких, ниже́ в ди́вных па́че мене́. <sup>2</sup> Аще не смиреному́дрствовах, но вознесо́х ду́шу мою, яко отдое́ное на ма́терь свою́, та́ко возда́си на ду́шу мою. <sup>3</sup> Да упова́ет Изра́иль на Господа, отны́не и до ве́ка.

# Песнь степеней, 131

<sup>1</sup> Помяни́, Господи, Дави́да и всю кро́гость его: <sup>2</sup> яко кля́тся Господеви, обеща́ся Богу Иа́ковлю: <sup>3</sup> а́ще вни́ду в селе́ние до́му моего́, или́ взы́ду на одр посте́ли моея́, <sup>4</sup> а́ще дам сон очи́ма мойма и ве́ждома мои́ма дрема́ние, и поко́й скраниа́ма мои́ма, <sup>5</sup> до́ндеже обря́щу ме́сто Господеви, селе́ние Богу Иа́ковлю. <sup>6</sup> Се слы́шахом я́ во Евфра́фе, обрето́хом я́ в поля́х дубра́вы. <sup>7</sup> Вни́дем в селе́ния Его, покло-

нимся на место, идеже стоясте нозе Его. <sup>8</sup> Воскресни, Господи, в покой Твой, Ты и кивот святыни Твоея. 9 Священницы Твои облекутся правдою, и преподобнии Твои возрадуются, 10 Давида ради раба Твоего не отврати лице помазаннаго Твоего. 11 Кля́тся Господь Давиду истиною и не отвержется ея: от плода чрева твоего посажду на престоле твоем. 12 Aще сохранят сынове твой завет Мой, и свидения Моя сия, имже научу я, и сынове их до века сядут на престоле твоем. 13 Яко избра́ Господь Сио́на, изво́ли и́ в жили́ше Себе, 14 Сей поко́й Мой во век века, зде вселюся, яко изволих и. 15 Ловитву его благословляяй благословлю, нищыя его насыщу хлебы, 16 священники его облеку во спасение, и преподобнии его радостию возрадуются. 17 Tamo возращу рог Давидови, уготовах

свети́льник пома́занному Моему́. <sup>18</sup> Враги́ его облеку́ студо́м, на не́мже процвете́т святы́ня Моя.

## Песнь степеней, 132

¹ Се что добро, или что красно, но еже жити братии вкупе? ² Яко миро на главе, сходящее на браду, браду Аароню, сходящее на ометы одежды его, ³ яко роса Аермонская сходящая на горы Сионския, яко тамо заповеда Господь благословение и живот до века.

# Песнь степеней, 133

¹ Се ны́не благослови́те Господа вси раби́ Господни, стоя́щии в хра́ме Господни, во дво́рех до́му Бога на́шего. ² В но́щех воздежи́те ру́ки ва́шя во свята́я, и благослови́те Господа. ³ Благослови́т тя Господь от Сио́на, сотвори́вый не́бо и зе́млю.

#### Слава:

## Молитвы по 18-й кафисме

Святы́й Бо́же: трижды, Сла́ва, и ныне: Пресвятая Тро́ице: Го́споди поми́луй трижды, Сла́ва, и ныне: Отче наш:

Таже тропари, глас 2-й:

Пре́жде да́же не осу́диши мя, Го́споди мой, Го́споди, даждь ми обраще́ние, и исправление многих моих грехов, даждь ми умиле́ние духовное, я́ко да возопию́ к Тебе: Влагоутробне, Человеколю́бче Боже мой, спаси́ мя.

Слава: Несмы́сленным ското́м уподо́бивыйся аз, блу́дный, приложихся им: обраще́ние ми да́руй, Христе́, я́ко да прииму́ у Тебе ве́лию милость.

И ныне: Не отврати, Влады́чице, лица́ Твоего́ от мене́, моля́щагося Тебе, но, я́ко Благоутро́бная Мати Ще́драго Бога, потщи́ся прежде конца обращение мне даровати, яко да спасся Тобою, воспою Тя, яко спасение и упование мое непосрамленное, Госпоже моя.

Господи, помилуй (40 раз) и молитва:

Господи, да не яростию Твоею обличищи мене, ниже гневом Твоим накажеши мя. Владыко Господи Иисусе Христе, Сыне Бога Живаго, помилуй мя, грешнаго, нищаго, обнаженнаго, лениваго, нерадиваго, прекословнаго, окаяннаго, блудника, прелюбодея, малакия, мужеложника, сквернаго, блуднаго, неблагодарнаго, немилостиваго, жестокаго, пияницу, сожженнаго совестию, безличнаго, бездерзновеннаго, безответнаго, недостойнаго Твоего человеколюбия, и достойна всякаго мучения, и гее́нны, и му́ки. И не ра́ди множества толиких моих согрешений, множеству подложи́ши, Изба́вителю, мук; но поми́луй мя, я́ко не́мощен есмь, и душе́ю, и пло́тию, и ра́зумом, и помышле́нием, и и́миже ве́си судьбами спаси́ мя, недосто́йнаго раба Твоего, молитвами Пречи́стыя Влады́чицы на́шея Богоро́дицы, и всех святых, от века Тебе благоуго́ждших: яко благослове́н еси во веки веков, аминь.





# КАФИСМА 19

# Аллилуиа, 134

1 Хвалите имя Господне, хвалите, раби Господа, <sup>2</sup> стоящии во храме Господни, во дворех дому Бога нашего. <sup>3</sup> Хвали́те Господа, яко Благ Господь, пойте имени Его, яко добро́: <sup>4</sup> я́ко Иа́кова избра́ Себе Господь, Израиля в достояние Себе. 5 Яко аз познах, яко Велий Господь, и Господь наш над всеми боги. 6 Вся елика восхоте Господь. сотвори на небеси и на земли, в морях и во всех безднах. 7 Возводя облаки от последних земли, молнии в дождь сотвори, изводяй ветры от сокровиш Своих. 8 Иже порази первенцы Египетския, от челове́ка до скота́. 9 Посла́ зна́мения и чудеса посреде тебе, Египте, на фараона и на вся рабы его. 10 Иже

порази языки многи и изби цари крепки: 11 Сиона, царя Аморрейска, и Ога, царя Васанска, и вся царствия Ханаа́нска, 12 и даде́ зе́млю их достояние, достояние Израилю, людем Своим. 13 Господи, имя Твое в век и память Твоя в род и род: 14 яко судити имать Господь лю́дем Своим, и о рабех Своих умо́лится. 15 Идоли язык, сребро́ и злато, дела рук человеческих. 16 Уста́ имут, и не возглаго́лют, очи имут, и не узрят, 17 ущи имут, и не услышат, ниже бо есть дух во усте́х их. 18 Подо́бни им да бу́дут творящии я, и вси надеющиися на ня́. 19 До́ме Изра́илев, благослови́те Господа, доме Ааронь, благословите Господа, доме Левиин, благословите Господа. <sup>20</sup> Боящиися Господа, благословите Господа. <sup>21</sup> Благослове́н Господь от Сио́на, живый во Иерусалиме.

## Аллилуиа, 135

<sup>1</sup> Испове́дайтеся Господеви, яко благ, яко в век милость Его. 2 Исповедайтеся Богу богов, яко в век милость Его. <sup>3</sup> Исповедайтеся Господеви господей, яко в век милость Его. 4 Сотворшему чудеса велия единому, яко в век милость Его. 5 Сотворшему небеса разумом, яко в век милость Его. 6 Утвердившему землю на водах, яко в век милость Ero. 7 Сотворшему светила велия единому, яко в век милость Его. <sup>8</sup> Со́лнце во область дне́, яко в век милость Его. 9 Луну и звезды во область ноши, яко в век милость Его́. 10 Поразившему Египта с первенцы его, яко в век милость Его, 11 и изве́дшему Изра́иля от среды́ их, яко в век милость Его. 12 Рукою крепкою и мышцею высокою, яко в век милость Его, 13 Раздельшему Чермное море в разделения, яко в век милость Его. 14 И проведшему Израиля посреде его, яко в век ми́лость Его́. 15 И истрясшему фараона и силу его в море Чермное, яко в век милость Его. 16 Проведшему люди Своя в пустыни, яко в век милость Его. 17 Поразившему цари велия, яко в век милость Его, <sup>18</sup> и убившему цари крепкия, яко в век ми́лость Его́: 19 Сио́на, царя́ Аморрейска, яко в век милость Его́, 20 и Ога, царя́ Васа́нска, яко в век милость Его. 21 И давшему землю их достояние, яко в век милость Его. 22 Достояние Израилю, рабу Своему, яко в век милость Его́. <sup>23</sup> Яко во смире́нии на́шем помяну ны Господь, яко в век милость Его, 24 И избавил ны есть от врагов наших, яко в век милость Его́. 25 Дая́й пищу вся́кой пло́ти, яко в век милость Его. 26 Исповедайтеся Богу Небесному, яко в век милость Его.

# Давиду Иеремием, 136

1 На река́х Вавило́нских, та́мо седо́хом и пла́кахом, внегда́ помяну́ти нам Сиона. 2 На вербиих посреде его обесихом органы нашя. <sup>8</sup> Яко тамо вопросища ны пленшии нас о словесех песней и ведшии нас о пении: воспойте нам от песней Сионских. 4 Како воспоем песнь Господню на земли чуждей? 5 Аще забулу тебе, Иерусалиме, забвена буди десница моя. 6 Прильпни язык мой гортани моему, аще не помяну тебе, аще не предложу Иерусалима, яко в начале веселия моего. 7 Помяни, Господи, сыны Едомския, в день Иерусалимль глаголюшыя: истощайте, истощайте до оснований его. 8 Дщи Вавилоня окаянная, блажен иже возда́ст тебе́ возда́яние твое́, е́же воздала́ еси́ нам. <sup>9</sup> Блаже́н и́же и́мет и разбие́т младе́нцы Твоя о ка́мень.

#### Слава:

#### Псалом Давиду, Аггеа и Захарии, 137

1 Исповемся Тебе, Господи, всем сердцем мойм, и пред Ангелы воспою Тебе, яко услышал еси вся глаголы уст моих. <sup>2</sup> Поклонюся ко храму святому Твоему и исповемся имени Твоему о милости Твоей и истине Твоей, яко возвеличил еси над всем имя Твое святое. 3 Воньже аще день призову Тя, скоро услыши мя: умножиши мя в души моей силою Твоею. 4 Да исповедятся Тебе, Господи, вси царие земстии, яко услышаша вся глаголы уст Твойх, 5 и да воспоют в путех Господних, яко ве́лия сла́ва Господня, 6 яко Высо́к Господь, и смире́нныя призира́ет, и высо́кая издале́ча весть. <sup>7</sup> Аще пойду́ посреде́ ско́рби, живи́ши мя, на гнев враг мои́х просте́рл еси́ ру́ку Твою́, и спасе́ мя десни́ца Твоя́. <sup>8</sup> Господь возда́ст за мя, Господи, ми́лость Твоя во век, дел руку́ Твоею не пре́зри.

#### В конец Давиду, псалом Захариин в разсеянии, 138

<sup>1</sup> Господи, искуси́л мя еси́ и позна́л мя еси́. Ты позна́л еси́ седа́ние мое и воста́ние мое. <sup>2</sup> Ты разуме́л еси помышле́ния моя издале́ча: <sup>3</sup> стезю́ мою́ и у́же мое Ты еси́ изсле́довал, и вся пути́ моя прови́дел еси. <sup>4</sup> Яко несть льсти в языце мое́м: се, Господи, Ты позна́л еси. <sup>5</sup> Вся после́дняя и дре́вняя: Ты созда́л еси мя, и положи́л еси́ на мне ру́ку Твою. <sup>6</sup> Удиви́ся ра́зум Твой

от мене, утвердися, не возмогу к нему. 7 Камо пойду от Духа Твоего? И от лица Твоего камо бежу? 8 Аще взыду на небо - Ты тамо еси, аще сниду во ад - тамо еси. 9 Аше возму криле мой рано и вселюся в после́дних мо́ря: 10 и та́мо бо рука́ Твоя́ наставит мя и удержит мя десница Твоя, 11 И рех: еда тма поперет мя. и ношь просвещение в сладости моей? 12 Яко тма не помрачится от Тебе, и нощь, яко день, просветится, яко тма ея, тако и свет ея, 13 Яко Ты создал еси утробы моя, восприял мя еси из чрева матере моея. 14 Исповемся Тебе, яко стращно удивился еси: чудна дела Твоя, и луша́ моя́ зна́ет зело́. 15 Не утайся кость моя от Тебе, юже сотворил еси в тайне, и состав мой в преисподних земли. 16 Несоделанное мое видесте очи Твои, и в книзе Твоей вси напишутся, во днех созиждутся и никтоже в них. 17 Мне же зело честни быша друзи Твои, Боже, зело утвердишася владычествия их. 18 Изочту их, и паче песка умножатся; востах, и еще есмь с Тобою. 19 Аще избиещи грешники, Боже, мужие кровей, уклонитеся от мене́. 20 Яко ревниви есте́ в помышлениих, приимут в суету гра́ды Твоя. 21 Не ненави́дящыя ли Тя, Господи, возненавидех, и о вразе́х Твоих истаях? 22 Соверше́нною ненавистию возненавидех я, во враги быша ми. 23 Искуси мя. Боже, и увеждь сердце мое, истяжи мя и разумей стези моя, <sup>24</sup> и виждь, аще путь беззакония во мне, и настави мя на путь вечен.

# В конец, псалом Давиду, 139

<sup>1</sup> Изми́ мя, Господи, от челове́ка лука́ва, от му́жа непра́ведна изба́ви мя, <sup>2</sup> и́же помы́слиша непра́вду в сердце, весь день ополчаху брани, <sup>3</sup> изострища язык свой, яко змийн, яд а́спидов под устна́ми их. 4 Coхрани мя, Господи, из руки грешничи, от человек неправедных изми мя, иже помыслиша запяти стопы моя. 5 Скрыша гордии сеть мне, и ужы препяща сеть ногама мойма. 6 При стези соблазны положишами. 7 Рех Господеви: Бог мой еси Ты, внуши, Господи, глас моления моего́! 8 Господи, Господи, сило спасения моего, осенил еси над главою моею в день брани. 9 He предаждь мене, Господи, от желания моего грешнику: помыслиша на мя, не остави мене, да не когда вознесутся. 10 Глава окружения их, труд устен их покрыет я. 11 Падут на них углия о́гненная, низложищи я в страстех, и не постоят. 12 Муж язычен не исправится на земли: мужа неправедна злая уловят во истление. <sup>13</sup> Познах, яко сотворит Господь суд нищым и месть убогим. <sup>14</sup> Обаче праведнии исповедятся имени Твоему, и вселятся правии с лицем Твойм.

#### Слава:

## Псалом Давиду, 140

<sup>1</sup> Господи, воззвах к Тебе, услыши мя: вонми гласу моления моего, внегда воззвати ми к Тебе́. 2 Да исправится молитва моя, яко кадило пред Тобою, воздеяние руку мое́ю - же́ртва вече́рняя. 3 Положи, Господи, хранение устом моим, и дверь ограждения о устнах моих. 4 Не уклони сердце мое в словеса лукавствия, непщевати вины о гресех, с человеки делающими беззаконие, и не сочтуся со избранными их. 5 Накажет мя праведник милостию и обличит мя.

елей же грешнаго да не намастит главы моея, яко еще и молитва моя во благоволениих их. 6 Пожерты быша при камени судий их: услышатся глаголи мои, яко возмогоша. <sup>7</sup> Яко то́лща земли́ просе́деся на земли, расточищася кости их при а́де. 8 Яко к Тебе, Господи, Господи, очи мои: на Тя уповах, не отыми душу мою. 9 Сохрани мя от сети, юже составиша ми, и от соблазн делающих беззаконие. 10 Паду́т во мре́жу свою́ гре́шницы: един есмь аз, дондеже прейду.

#### Разума Давиду, внегда быти ему в вертепе молящемуся, 141

<sup>&</sup>lt;sup>2</sup> Гла́сом моим ко Господу воззва́х, гла́сом моим ко Господу помоли́х-ся. <sup>3</sup> Пролию́ пред Ним моле́ние мое, печа́ль мою пред Ним возвещу́. <sup>4</sup> Внегда́ исчеза́ти от мене́ ду́ху моему́: и Ты позна́л еси́ стези́ моя:

на пути сем, по немуже хождах, скрыща сеть мне. 5 Смотрях одесную и возглядах, и не бе знаяй мене: погибе бегство от мене, и несть взыскаяй душу мою. 6 Воззвах к Тебе, Госполи, рех: Ты еси упование мое, часть моя еси на земли живых. 7 Вонми молению моему, яко смирихся зело, избави мя от гонящих мя, яко укрепищася паче мене. 8 Изведи из темницы дущу мою, исповедатися имени Твоему. Мене ждут праведницы, дондеже воздаси мне.

# Псалом Давиду, егда гоняше его Авессалом, сын его, 142

<sup>1</sup> Господи, услыши моли́тву мою, внуши́ моле́ние мое во и́стине Твоей, услыши мя в пра́вде Твоей, <sup>2</sup> и не вни́ди в суд с рабо́м Твоим, яко не оправди́тся пред Тобою всяк живы́й. <sup>3</sup> Яко погна́ враг ду́шу мою, смирил есть в землю живот мой, посадил мя есть в темных, яко мертвыя века. 4 И уны во мне дух мой, во мне смятеся сердце мое. 5 Помянух дни древния, поучихся во всех делех Твоих, в творениих руку Твоею поучахся. 6 Возде́х к Тебе руце мои, душа́ моя, яко земля безволная Тебе, 7 Скоро услыши мя, Господи, исчезе дух мой, не отврати лица Твоего от мене, и уподоблюся низходящым в ров. 8 Слышану сотвори мне заутра милость Твою, яко на Тя уповах. Скажи мне, Господи, путь воньже пойду, яко к Тебе взях дущу мою. 9 Изми мя от враг моих, Господи, к Тебе прибегох. 10 Hayчи мя творити волю Твою, яко Ты еси Бог мой. Дух Твой Благий наставит мя на землю праву. 11 Имене Твоего ради, Господи, живиши мя, правдою Твоею изведещи от печали ду́шу мою. 12 И ми́лостию Твоею потреби́ши враги́ моя и погуби́ши вся стужа́ющыя души́ моей, яко аз раб Твой есмь.

#### Слава:

## Молитвы по 19-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 7-й:

Благодаря́, сла́влю Тя, Бо́же мой, яко всем дал еси́ гре́шником покая́ние: Спа́се, не посрами́ мене́, егда́ прии́деши суди́ти миру всему, сра́мная дела́ сотво́ршаго.

Слава: Безме́рная Тебе прегреши́в и безме́рных мучений ожида́ю, Боже мой, уще́дрив, спаси́ мя.

И ныне: Ко множеству милости

Твоея ны не прибегаю: разреши вери́ги, Богоро́дице, согреше́ний мо-их.

Господи, помилуй (40 раз) и молитва:

Владыко Христе Боже, Иже Страстьми Твойми страсти моя исцеливый и язвами Твоими язвы моя уврачевавый, даруй мне, много Тебе прегрешившему, слезы умиления, сраствори моему телу от обоняния животворящаго Тела Твоего, и наслади душу мою Твоею Честною Кровию от горести, еюже мя сопротивник напой. Возвыси мой ум к Тебе, долу привлекшийся, и возведи от пропасти погибели, яко не имам покаяния, не имам умиления, не имам слезы утещительныя, возводящия чада ко своему наследию. Омрачихся умом в житейских страстех, не могу воззрети к Тебе в болезни, не могу

#### Молитвы по 19-й кафисме

согретися слезами, яже к Тебе любве: но, Владыко Господи, Иисусе Христе, Сокровище Благих, даруй мне покаяние всепелое, и сердце люботрудное во взыскание Твое, даруй мне благодать Твою, и обнови во мне зраки Твоего образа. Оставих Тя, не остави мене, изыди на взыскание мое, возведи к пажити Твоей, и сопричти мя овнам избраннаго Твоего стада, воспитай мя с ними от злака Божественных Твоих таинств, молитвами Пречистыя Твоея Матере и всех святых Твоих, аминь.



# M.M.M.M.M.M.M.M.M.

#### КАФИСМА 20

Псалом Давиду, к Голиафу, 143 Благослове́н Господь Бог мой, научаяй руце мои на ополчение, персты моя на брань. 2 Милость моя и прибежище мое, Заступник мой и Избавитель мой, Зашититель мой, и на Него уповах: повинуяй люди моя под мя. 3 Господи. что есть человек, яко познался еси ему? Или сын человечь, яко вменя́еши его? 4 Челове́к суете́ уподо́бися: дние его яко сень преходят. 5 Господи, приклони небеса, и сниди, коснися горам, и воздымятся. 6 Блесни молнию, и разженещи я, посли стрелы Твоя, и смятещи я. 7 Посли руку Твою с высоты, изми мя и изба́ви мя от вод мно́гих, из руки сынов чуждих, в ихже уста глаголаша суету, и десница их десница неправды. 9 Боже, песнь нову воспою Тебе, во псалтири десятоструннем пою Тебе, 10 дающему спасение царем, избавляющему Давида, раба Своего, от меча люта. 11 Избави мя, и изми мя из руки́ сынов чуждих, ихже уста глаголаша суету, и десница их - десница неправды. 12 Ихже сынове их яко новосаждения водруженная в юности своей, дщери их удобрены, преукрашены, яко подобие храма. 13 Хранилища их исполнена, отрыгающая от сего в сие, овцы их многоплодны, множащыяся во исходищах своих, волове их толсти. 14 Несть падения оплоту, ниже прохода, ниже вопля в стогнах их. 15 Ублажи́ша лю́ди, имже сия суть. Блажени людие, имже Госполь Бог

## Хвала Давиду, 144

1 Вознесу Тя, Боже мой, Царю мой, и благословлю имя Твое в век и в век века. 2 На всяк день благословлю Тя и восхвалю имя Твое в век и в век века. 3 Велий Господь и хвален зело, и величию Его несть конца. 4 Род и род восхвалят дела Твоя и силу Твою возвестят. 5 Великолепие славы святыни Твоея возглаголют и чудеса Твоя поведят. <sup>6</sup> И силу страшных Твоих рекут и величие Твое поведят. 7 Память множества благости Твоея отрыгнут и правдою Твоею возрадуются. В Щедр и Милостив Господь. Полготерпедив и Многомилостив. 9 Благ Господь всяческим, и шелроты Его на всех делех Его. 10 Да испове́дятся Тебе, Господи, вся дела Твоя, и преподобнии Твои да благословят Тя. 11 Славу Царст-

вия Твоего рекут, и силу Твою возглаголют, 12 сказати сыновом человеческим силу Твою, и славу великолепия Царствия Твоего. <sup>13</sup> Ца́рство Твое, Ца́рство всех веков, и владычество Твое во всяком роде и роде. Верен Господь во всех словесе́х Своих и Преподобен во всех делех Своих. 14 Утверждает Господь вся низпадающыя и возставляет вся низверженныя. 15 Очи всех на Тя уповают, и Ты даеши им пищу во благовремении: 16 отверзаеши Ты руку Твою и исполня́еши вся́кое живо́тно благоволе́ния. 17 Праведен Госполь во всех путех Своих и Преподобен во всех де́лех Своих. 18 Близ Господь всем призывающым Его, всем призывающым Его во истине. 19 Волю бояшихся Его сотворит и молитву их услышит и спасет я, 20 Хранит Господь вся любящыя Его и вся грешники потребит. <sup>21</sup> Хвалу́ Господню возглаго́лют уста́ моя, и да благословит вся́ка плоть имя свято́е Его в век и в век века.

#### Слава:

## Аллилуиа, Аггеа и Захарии, 145

1 Хвали, луше́ моя, Господа, 2 Восхвалю Господа в животе моем, пою Богу моему, дондеже есмь. <sup>3</sup> Не надейтеся на князи, на сыны человеческия, в нихже несть спасения. 4 Изыдет дух его и возвратится в землю свою. В той день погибнут вся помышления его. 5 Блажен, ему же Бог Иаковль Помощник его, упование его на Господа Бога своего, 6 сотворшаго небо и землю, море и вся, яже в них, хранящаго истину в век, 7 творяшаго суд обидимым, дающаго пищу а́лчущым. Господь реши́т окова́нныя. <sup>8</sup> Господь умудря́ет слепцы́. Господь возво́дит низве́рженныя. Господь лю́бит пра́ведники. <sup>9</sup> Господь храни́т пришельцы, си́ра и вдову́ прии́мет и путь гре́шных погуби́т. <sup>10</sup> Воцари́тся Господь во век, Бог твой, Сио́не, в род и род.

## Аллилуиа, 146

<sup>1</sup> Хвали́те Господа, яко благ псало́м. Богови на́шему да услади́тся квале́ние. <sup>2</sup> Зи́ждай Иерусали́ма Господь, разсе́яния Израилева собере́т. <sup>3</sup> Исцеля́яй сокруше́нныя се́рдцем и обязу́яй сокруше́нныя их. <sup>4</sup> Исчита́яй множество звезд и всем им имена́ нарица́яй. <sup>5</sup> Ве́лий Господь наш, и ве́лия кре́пость Его, и ра́зума Его несть числа́. <sup>6</sup> Прие́мляй кро́ткия Господь, смира́яй же гре́шники до земли́. <sup>7</sup> Начни́те Го́с-

подеви во испове́дании, по́йте Бо́гови на́шему в гу́слех. <sup>8</sup> Одева́ющему не́бо о́блаки, уготовля́ющему земли́ дождь, прозяба́ющему на гора́х траву́ и злак на службу человеком, <sup>9</sup> даю́щему ското́м пищу их, и птенце́м вра́новым призыва́ющым Его. <sup>10</sup> Не в си́ле ко́нстей восхо́щет, ниже́ в лы́стех му́жеских благоволи́т Господь в бо́ящихся Его и во упова́ющих на милость Его.

### Аллилуиа, Аггеа и Захарии, 147

<sup>1</sup> Похвали́, Иерусали́ме, Господа, хвали́ Бога твоего, Сио́не, <sup>2</sup> яко укрепи́ верей врат твоих, благослови́ сы́ны твоя в тебе. <sup>3</sup> Полага́яй преде́лы твоя мир, и ту́ка пшенична насыща́яй тя. <sup>4</sup> Посылаяй слово Свое земли́, до ско́рости тече́т слово Его, <sup>5</sup> даю́щаго снег Свой, яко во́лну, мглу, яко пепел, посыпающаго, <sup>6</sup> мета́ющаго го́лоть Свой, яко хле́бы. Проти́ву лица́ мра́за Его кто постоит? <sup>7</sup> По́слет слово Свое, и иста́ет я́, дхнет дух Его, и потеку́т во́ды. <sup>8</sup> Возвеща́яй слово Свое Иакову, оправда́ния и судьбы́ Своя Изра́илеви. <sup>9</sup> Не сотвори́ та́ко всякому язы́ку, и судьбы́ Своя не яви́ им.

#### Слава:

## Аллилуиа, Аггеа и Захарии, 148

<sup>1</sup> Хвали́те Господа с небес, хвалите Его в вы́шних. <sup>2</sup> Хвали́те Его, вси Ангели Его, хвали́те Его, вся силы Его. <sup>3</sup> Хвали́те Его, солнце и луна, хвали́те Его, вся зве́зды и свет. <sup>4</sup> Хвали́те Его Небеса небес и вода, я́же превы́ше небес. <sup>5</sup> Да восхва́лят имя Господне: я́ко Той рече, и быша, Той повеле, и создашася. 6 Постави я в век и в век века, повеление положи, и не мимойдет. 7 Хвалите Господа от земли, змиеве и вся бездны: 8 огнь, град, снег, голоть, дух бурен, творящая слово Его, <sup>9</sup> горы и вси хо́лми, древа́ плодоносна и вси кедри, 10 зверие и вси скоти, гади и птицы пернаты. 11 **Ц**а́рие зе́мстии и вси лю́дие, князи и вси судий земстии, 12 юноши и девы, старцы с юнотами, 13 да восхвалят имя Господне, яко вознесеся имя Того Единаго, исповедание Его на земли и на небеси. 14 И вознесет рог людей Своих, песнь всем преподобным Его, сыновом Израилевым, людем, приближающымся Ему.

## Аллилуиа, 149

<sup>1</sup> Воспойте Господеви песнь нову, жваление Его в церкви преподобных. <sup>2</sup> Да возвеселится Израиль о сотворшем Его, и сынове Сиони возрадуются о Царе своем, <sup>3</sup> Да восхвалят имя Его в лице, в тимпане и псалтири да поют Ему. 4 Яко благоволит Господь в людех Своих, и вознесет кроткия во спасение. 5 Восхвалятся преподобнии во славе и возрадуются на ложах своих. 6 Возношения Божия в гортани их, и мечи обоюду остры в руках их: 7 сотворити отмщение во языцех, обличения в людех, в связати цари их путы, и славныя их ручными оковы железными, <sup>9</sup> сотворити в них суд написан. Слава сия будет всем преподобным Его.

# Аллилуиа, 150

¹ Хвали́те Бога во святы́х Его, хвали́те Его во утверже́нии си́лы Его.
² Хвали́те Его на си́лах Его, хвали́те Его по мно́жеству вели́чест-

вия Его. <sup>3</sup> Хвалите Его во гла́се тру́бнем, хвалите Его во псалтири и гуслех. <sup>4</sup> Хвали́те Его в тимпа́не и ли́це, хвали́те Его во стру́нах и орга́не. <sup>5</sup> Хвали́те Его в кимва́лех доброгла́сных, хвали́те Его в кимва́лех восклица́ния. <sup>6</sup> Всякое дыха́ние да хва́лит Господа.

Слава, и ныне: Аллилуиа.

Сей псалом особь писан, Давидов, и вне числа 150 псалмов, внегда единоборствоваще на Голиафа

Мал бех в братии моей и ю́нший в дому́ отца моего, пасо́х о́вцы отца моего. Ру́це мои сотвори́сте орга́н, и пе́рсты мои составиша псалти́рь. И кто возвести́т Го́сподеви моему? Сам Господь, Сам услышит. Сам посла́ Ангела Своего, и взят мя от овец отца моего, и пома́за мя еле́ем пома́зания Своего. Бра́тия моя добри́ и вели́цы, и не благоволи́ в них

Господь. Изыдо́х в сре́тение иноплеме́ннику, и прокля́т мя и́долы своими. Аз же, исто́ргнув меч от него, обезгла́вих его, и отъа́х поноше́ние от сыно́в Изра́илевых.

### Молитвы по 20-й кафисме

Святы́й Бо́же: *трижды*, Сла́ва, и ныне: Пресвятая Тро́ице: Го́споди поми́луй *трижды*, Сла́ва, и ныне: Отче наш:

Таже тропари, глас 8-й:

Исполнение всех благи́х Ты еси, Христе́ мой, испо́лни ра́дости и весе́лия ду́шу мою, и спаси́ мя, я́ко Един Многомилостив.

Слава: Аще и согреших, Христе́ Спа́се мой, пред Тобою, ино́го Бога ра́зве Тебе не вем, дерза́ю же на Твое благоутро́бие, обраща́ющагося приими́ мя, Благоутро́бве Отче и Сыне Единоро́дне и Ду́ше Свя

тый, яко блуднаго сына, и спаси мя.

И ныне: Иного прибежища и теплаго предстательства, разве Тебе, не вем, яко дерэновение имущи ко из Тебе Рожденному, Владычице, помози и спаси мя, раба Твоего.

Господи, помилуй (40 раз) и мо-

Го́споди Иису́се Христе́ Бо́же мой, поми́луй мя, гре́шнаго, и прости́ ми, недосто́йному рабу Твоему, ели́ка Ти согреши́х чрез все живота моего вре́мя, и да́же до днесь, и аще что я́ко человек согреши́х, во́льная моя прегреше́ния и нево́льная, де́лом и сло́вом, я́же умом и мы́слию, я́же от совосхище́ния и невнима́ния, и мно́гия моея́ ле́ности и небреже́ния. Аще же и́менем Твоим кля́хся, а́ще же лже

кляхся, или хулих мыслию, или кого укорих, или оклеветах, или опечалих, или в нечесом прогневах, или окрадох, или блудствовах, или солгах, или тайно ядох, или друг достиже ко мне, и презрех его, или брата оскорбих и преогорчих, или стоящу ми на молитве и псалмопении, ум мой лукавый на лукавая обхождаще, или паче лепаго насладихся, или безумно смеяхся, или кощунно глаголах, или тщеславихся, или гордихся, или доброту суетную видех и от нея прельстихся, или нелепая мне поглумихся. Аще в чесом о молитве моей нерадих, или заповедей духовнаго моего отца не сохраних, или празднослових, или ино что лукавое сотворих, сия бо вся и вящшая сих содеях, ихже ниже помню. Помилуй, Господи, и прости ми вся, да в мире усну и почию,

#### Псалтирь пророка Давида

поя́, и благословя́, и сла́вя Тя, со Безпачальным Твоим Отцем, и с Пресвятым, и Благим, и Животворящим Твоим Духом, ныне и присно, и во веки веко́в. Аминь.





### Молитвы по прочтении нескольких кафисм или всей Псалтири

По совершении же неколиких кафисм или всей Псалтири:

Достойно есть яко войстинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очи́сти грехи́ на́ша; Вла-

дыко, прости беззако́ния на́ша; Святы́й, посети́ и исцели́ не́мощи на́ша, и́мене Твоего́ ра́ди.

Господи, помилуй. Трижды.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Отче наш, Йже еси на небесе́х! Да святи́тся имя Твое, да прийдет Ца́рствие Твое, да будет воля Твоя, іко на небеси́ и на земли́. Хлеб наш насу́щный даждь нам днесь; и оста́ви нам долги наша, я́коже и мы оставля́ем должником нашим; и не введи́ нас во искушение, но изба́ви нас от лука́ваго.

Тропари, глас 6-й:

Поми́луй нас, Го́споди, поми́луй нас, вся́каго бо отве́та недоуме́юще, сию́ Ти моли́тву, я́ко Влады́це, гре́шнии прино́сим: поми́луй нас.

Слава: Честное пророжа Твоего,

Го́споди, торжество́, Не́бо Це́рковь показа́, с челове́ки лику́ют Ангели. Того́ моли́твами, Христе́ Бо́же, в мире упра́ви живо́т наш, да пое́м Ти: Аллилу́иа.

И ныне: Мно́гая мно́жества моих, Богоро́дице, прегреше́ний: к Тебе прибего́х, Чи́стая, спасе́ния тре́буя. Посети́ немощству́ющую мою душу и моли Сына Твоего и Бога нашего да́ти ми оставле́ние, я́же соде́ях лю́тых, Еди́на Благослове́нная.

Господи, помилуй (40 раз).

Посем глаголи молитву сию со вниманием:

Многоми́лостиве и Преми́лостиве Го́споди и всего́ добра́ да́телю, Человеколю́о́че, и всея́ вселе́нныя Царю́, многоимени́тый Влады́ко и Го́споди! Нищ и убо́г есмь аз, дерза́ю призыва́ти чу́дное и стра́шное, и свято́е имя Твое, Его́же вся тварь

Небесных сил страхом трепещут. Низу на земли неизреченнаго Твоего человеколюбия смотрение удивил еси, посланием возлюбленнаго Твоего Отрока, Егоже от безначальных недр Твоея Отеческия славы, неразлучным Божеством отрыгнул еси, да человеки со Ангелы во един состав устроит. Помяни, Господи, моего уныния смирение, кал сый и персть, Тебе, неизглаголаннаго Света призываю, немощию плоти обложен, юже милостивне Слово Твое понесе, и смертию Своею от работы вражия свободил есть душы нашя, да общники вся, иже верою ярем работы Твоея на ся вземшыя, славы Твоея сподобит их, от неяже сатана льстивый отпаде. Помилуй мя, омраченнаго греховными помыслы, возведи ум мой удавленный тернием лености и лядиною непокорства. Утверди сердце мое по Тебе горети, очима моима источник слез посли, и на конец исхода души моея сотвори мя безпорочна Твоего угодника, наставляя мя к Тебе подвизатися усердно. Помяни, Господи, родители моя милосердием Твоим и вся ближния моя, и братию, и други, и сосе́ды, и вся правосла́вныя христианы, и спаси мя молитвами всех святых. И приими в честь сия псалмы и молитвы, яже глаголах пред Тобою за ся, и немерзко Ти буди с воздыханием моление сие, я́ко Милостив сый и Человеколюбец, и Тебе Безначальнаго Отца славим со Единородным Твоим Сыном и со Святым Лухом, ныне и присно, и во веки веков. Аминь.

Посем: Честнейшую Херувим и славнейшую без сравнения Серафим, без истления Бога Слова

#### Псалтирь пророка Давида

рождшую, су́щую Богородицу Тя величаем.

## Слава, и ныне:

Господи, помилуй ( $mpu m \partial \omega$ ). Благослови.

Го́споди Иису́се Христе́, Сы́не Божий, моли́тв ра́ди Пречи́стыя Твоеа́ Ма́тере, си́лою Честна́го и Животворя́щаго Креста́, и святы́х Небе́сных Сил безпло́тных, и преподо́бных и богоно́сных отец наших, и свята́го проро́ка Дави́да, и всех святы́х, поми́луй и спаси́ мя, гре́шнаго, я́ко Благ и Человеколю́бец.





### Чтение Псалтири по усопшим

В Православной Церкви существует обычай чтения Псалтири над телом усопшего мирянина до погребения. Лучше всего, если чтение совершается непрерывно, и днем и ночью. Читать Псалтирь может любой благочестивый мирянии. Домашним и сродникам усопшего следует по мере возможности присоединяться своим молением к молитве чтеца. Разумеется, для непрерывного чтения необходимо несколько человек.

Чтение Псалтири совершается стоя, и лишь в особых случаях позволяется сидение из снисхождения к немощи читающего. Псалтирь разделена на 20 кафизм, каждая из которых в свою очередь подразделяется на три части — "Славы". Порядок чтения Псалтири по усопщим следующий: прочитываются "Молитвы перед началом чтения Псалтири", после чего приступают к чтению кафизм. Каждая кафизма предваряется молитвословием "Приципте, поклонимся..."; после

каждой "Славы" произносится заупокойная молитва с именем усопшето, к которому присоединяется слово "новопреставленный" (таковым Церковь считает человека в течение сорока дней после кончины). Ребенка до 7 лет именуют "младенцем". Употребление других уточняющих наименований, как то: девица, отрок, жена, воин, убиенный, утопший, сторевший и т. д. не имеет канонических оснований и не встречается в богослужебных книгах. По окончании каждой кафизмы читаются «Трисвятое» по «Отче наш», покаянные тропари и положенная после кафизмы молитва.

Чтение Псалтири завершается "Молитвами по прочтении нескольких кафизм или всей Псалтири". В крайнем случае, при невозможности организовать чтение Псалтири непосредственно у гроба умершего (например, если тело находится в морге), родственники могут читать Псалтирь у себя дома по вышеуказанному порядку. Вообще, Церковь настоятельно рекомендует придерживаться благочестивого обычая читать Псалтирь об умершем не только до по-

гребения, но и после, прочитывая хотя бы по одной кафизме за усопшего в течение 40 дней после его кончины.

#### Молитва о усопшем

Помяни, Господи Боже наш, в вере и надежди живота вечнаго преставльшагося раба Твоего, брата нашего (имя), и яко Благ и Человеколюбец, отпущаяй грехи и потребляяй неправды, ослаби, остави и прости вся вольная его согрешения и невольная; избави его вечныя муки и огня геенскаго, и даруй ему причастие и наслаждение вечных Твоих благих, уготованных любящим Тя. Аще бо и согреши, но не отступи от Тебе, и несумненно во Отца, и Сына, и Святаго Духа, Бога Тя в Троице славимаго, верова, и единицу в Троице, и Троицу во единстве, православно даже до последняго своего издыха́ния испове́да. Те́мже милостив тому́ бу́ди, и веру, я́же в Тя, вместо дел вмени́, и со святыми Твоими, я́ко щедр, упокой. Несть бо человека, и́же поживе́т и не согрешит: но Ты еди́н еси́ кроме́ вся́каго греха́, и правда Твоя, правда во ве́ки: и Ты еси един Вог ми́лостей и щедро́т и человеколю́бия, и Тебе славу возсыла́ем: Отпу, и Сыну, и Святому Духу, ныне и присно, и во веки веко́в. Аминь.



# о здравии

# о здравии

## 10 ЗДРАВИН

# о упокоении

# о упокоении

# о упокоении

#### Православный молитвослов и Псалтирь

ISBN 5-7868-0008-3

JIP № 064739 or 29.08.96.

Издательство «Сатись». 199053, Санкт-Петербург, В.О., Большой проспект, 3. Тел./факс (812) 325-99-81, 328-00-64.

Подписано в печать 29.08.2000. Формат 70×100/32. Бумага газетная. Печать высокая. Печ. л. 16. Тираж 5000 экз. Заказ № 1534.

Отпечатано с фотоформ в ГІПІ «Печатный двор» Министерства РФ по делам печати, телерадиовещания и средств массовых коммувикаций. 197110, Сапкт-Петербург, Чкаловский пр., 15.

#### **ЕПАРХИЯМ**

**XPAMAM** 

**ЦЕРКОВНЫМ**ОБЪЕДИНЕНИЯМ



# ОПТОВЫЕ ПОСТАВКИ КНИГ

Предлагаем широкий выбор книг издательства «САТИСЪ» и других православных издательств

> Организуем доставку Форма оплаты - любая



Православное издательство «САТИСЪ»

С.-ПЕТЕРБУРГ: Большой пр., В.О., В Тел./факс (812) 323-63-42, 328-55-30 МОСКВА: ул. Маршала Биризова, д. 35 к. 1 Тел./факс (095) 194-74-34







